

北京圖書館 編

北京圖書館藏珍本
年譜叢刊

第 95 期

DUXIU.COM


北京圖書館出版社

□ 北京圖書館 編


北京圖書館藏珍本

年譜
叢刊

北京圖書館出版社



第 95 册



第九十五冊目錄

雙池先生年譜卷四	一
周甲錄	一〇三
舜山是仲明先生年譜	一五三
泰舒胡先生年譜	三〇九
憶往編	三八七
世承佐領色爾布年譜	四三七
先考穉威府君年譜紀略	四四五
先文恭公年譜卷首至卷五	四六一

雙池先生年譜卷之四

邑後學余龍光編次

年譜附錄

汪雙池先生行狀

嗚呼先生之沒也六閱月矣心喪脚痛至今不能作一字以寫哀忱其何以狀先生一生之行實哉去歲仲冬曾屬先生子鳴之追成狀略以存徵信而鳴之病中復東云先人一生辛勤道脈其蘊悉見於書至閱歷往往不自言問之亦不甚答故少年及在閩事

無從查考擬將以所聞於吾母及能記憶者次爲一冊屬兄成之兄當不忍辭也今正初八鳴之垂危馳召此相見已失聲詢其節略竟以病故未及成一字至十三日又下世矣嗚呼以先全之學旣未獲顯於時復殤其孫天其嗣而并湮沒其事蹟悠悠蒼天何其酷也顧著述之勤學問之正閱其書者自能知之然一代大儒後日將採其懿行傳之儒林萬一遺佚無從考核則聲光闕替豈惟長逝者私憾無窮後死者與有責焉敢略記所聞存什一於千百俾後人知

仰法焉先生姓汪氏諱烜又名紱字燦人雙池其號也其先出唐越國公華後十二傳至道安公以兵馬使鎮婺源因家焉十七傳至淑璋公自浯溪遷段莘又五傳至贈戶部尙書希利公則先生七世祖也六世祖煥祖公明諸生封都察院右僉都御史晉贈戶部尙書高祖諡清簡諱應蛟萬厯甲戌科進士累官戶部尙書理學經濟蔚爲儒宗行實詳志乘明史不具述曾祖元會公光祿寺署丞祖斯涵公府學生博學多能諸子百家之書無不洞曉配江氏亦讀書通

大義與斯涵公考訂古籍閨閣之中如益友焉考諱
士極字樞北天才敏妙工古文詞子二長名焯次卽
先生也先生母江太孺人同縣諸生硃倫公女生而
穎悟數歲時硃倫公嘗於月下口授大學中庸蓋三
夜而經文章句熟背不遺一字稍長益嗜典籍精通
諸經義疏朱子綱目及典故諸書至風雲月露之詞
弗好也清飭公固遺子孫以清白斯涵公已賃屋而
居數傳家益窶太孺人于歸後治女紅以佐饔飧士
極公以貧故不克卒儒業遨遊湘楚閩越閒卒無所

遇後乃幕客金陵歲不通音問太孺人處之怡然口
貧富命也何足憂惟子能讀書成立則幸事耳煖稍
長卽令入塾然資稟稍遜先生甫能言善記識太孺
人提抱時往往舉經書口授之聽卽成誦艱於從師
又恐時師弗能教也乃自課督室中置長榻太孺人
坐治針帶虛其半置書又設一小几坐先生於旁教
之諷誦細爲解釋向讀必專一不得左右顧顧輒夏
楚慈母也逾嚴師焉先生天授神奇復承慈訓嚴切
十歲以前四子諸經已習熟成童後習舉子業旁及

詩文亦皆母氏親爲指示蓋終身未嘗一日從師云
弱冠後太孺人得瘋疾飲食於牀第者數年先生躬
執爨撫摩湯藥日夜極勞瘁自傷巖之缺甘旨及歿
哀毀骨立繼乃憂服嘗父於金陵士極公語先生曰
爾來奚爲吾無歸矣古人云家徒壁立吾壁并非已
有如此寂寂徒爲鄉黨嗤子速歸毋久留也先生請
畱侍公日子無以自存爾更潤我耶且汝性拙此閒
亦無置汝處先生請益力公繼之以怒且囑居停勿
與飲食乃垂涕歸先生少奉母教未嘗輕出門戶與

族眾不習兼之落魄益無肯爲調護者兄嫂俱傭於
人身無所託不得已乃至江西景德鎮傭資畫景鎮
五方雜處市習澆漓先生稟規矩寡言笑又方居喪
食蔬果斷酒肉儕輩羣訕侮之間爲詩歌以見志羣
以爲謗己嫉主者使弗留焉先生去之樂平館於石
氏歲餘不合乃歷萬年弋陽上饒永豐之間至福建
浦城館於陳總兵楓嶺營中先生嘗與兄書云自離
桑梓困苦流離抱病於接竹絕糧於萬年奔走於上
饒幾頓於永豐當此之時自以爲無復生理然某際

困窮不肯一日忘學遇一草一木之奇必詢之以資
博物見一言一行之善必存之以備參考非義之事
不敢爲非義之財不敢取我矻以成其學兢兢以守
其身恐負吾父母之教云則先生之固窮力學蚤歲
已然矣未幾士極公歿於金陵聞訃慟絕戴星奔赴
盡以所得館穀營宅兆於鳳臺門外迎精而返合衣
冠於太孺人之墓仍赴閩館益肆力學問毅然以斯
文爲己任館近書肆往往借觀百氏之書無不研究
著述亦日以富而先生年逾三十矣先生嘗云自有

知識以來未嘗輟書然三十以前於經學猶或作成
輟三十以後盡焚其雜著數百萬言而一於經研經
則參考眾說而一衷於朱子志專一而用力勤至五
十時覺此理明白坦易浩然沛然無復向日艱難之
態矣先生之於四書也謂朱子集註而後惟勉齊諸
賢躬承師說有所發明何王金許陳胡吳史而下已
浸失微言之緒有明大全之纂當日君若臣皆失其
道安能得聖賢之旨而決擇於羣賢得失之林故朱
子所非者復載之或朱子所取者復畔焉或朱子所

嘗言而意旨別屬者又彼此混附而不能察其言之有因及姚江龍谿以後多以畔傳離經爲事其號墨守程朱如蔡林顧劉輩立言亦有陰與註背而不自知者於是糾繆辨譌成四書詮義一書初意只鋤羣穢不爲講家又以不愜人心難以通貫各章亦略爲挨講曲折詳明無所不盡則或問之遺意也其論易也則曰易言時中之道聖人寡過之書在天涵理而著象在物成象而寓理故上聖得理而顯象其次因象而觀理其次乃卽事以求理得理而顯象聖人之

作易也因象而觀理讀易之方也卽事以求理卜筮之事也然焦京流於術數而易之體亡王何入於虛無而易之用亡自周子作太極圖說易通程子作易傳而理明邵子演先天圖而象著朱子集諸子之大成象數宗邵子義理主周程於是體用備而時中之義明乃圖說見毀於象山易傳受詆於袁樞邵圖見非於林栗象占之說卦變之圖後世猶多議朱子者則甚矣易之難言也先生八歲時戲折竹枝排八卦母見之語曰八卦有斷有連汝所排皆連畫妄也先

生日兒以仰體爲陽俯體爲陰也母曰是得其意矣
孺子他日其能神明於易耶及著詩書詮義二書成
乃作易經詮義然易藁者數四最後成於乾隆丙子
其於初藁自立議論稍與本義牴牾處皆痛爲掃刮
至於異說糾紛則明辨益力又以明初傳義竝行習
易者因劉朱義以附程本已失朱子之意及後專行
朱義而其本則仍程本是并傳義之本兩失之故詮
義一從朱義古本分別經翼不復劉程傳以附朱義
至程傳義理正當與本義同者亦不復錄惟義有粹

精不可移易本義未及收者則採以附朱義之後或
文義未安有不可從而人反從之者亦暫爲辨析洋
洋灑灑幾百萬言非識義文喫緊者不能作亦不能
讀也尙書則自母口授時頗易之後有問以古文眞
僞禹貢水道者對未能悉乃灑然以書爲未易言而
探討益力自云高祖清飭公爲司徒時戎事方殷講
論天下形勢輿籍頗詳曾祖光祿公研於星經歷史
二者幸有傳言故義和諸章及禹貢皆非所難周諮
殷盤辭贅牙耳難不在是二典三謨九疇洪範伊周

微言與大易中庸相表裏天人之際性命之原也而唐虞受禪湯武征誅伊尹營桐周公避謗其閒非得聖人之心何以知聖人之處事不察於性命本原之地又安足以知聖人之心哉顧詩易傳有朱子而書獨以屬蔡氏是蔡傳不異朱傳披閱數過豁然有得更爲詮義一編時雍正癸丑也書成族子麗南攜以入京後卒於京寓本遂亡失遴以重著爲請先生復記憶成編大約較舊本損者三之一益者三之一自序云因做筆硯重理舊緒十餘年見聞日廣觸緒相

發時有新得蓋義理猶昔而辨析益加詳矣至於詩
則深病記醜之徒搜爬舊序矜博聞而與朱子爲難
詮義之作章句訓詁諷詠涵濡於國風雅頌之體勢
貞淫正變之原由無不曲暢旁通務以發揮朱子之
意而於鳥獸草木之名亦考据以正其小誤漏遺蓋
先生不言博而典博未有過之者也謂春秋一書大
義微辭聖人獨斷非徒記載之文然謂魯史舊文而
斟酌其是非以垂法後世然也謂逐句逐字而改易
增損之以爲褒貶非也如春正書王河陽書狩桓正

不王定元無正稷成宋亂澶淵宋災之類直著譏貶
無勞曲說其餘不過屬辭比事是非功罪按事可考
而勸懲已寓乎其中左氏記事詳明讀經必以爲案
公穀所述見聞異辭難以爲據然左氏所斷之辭所
發之例多謬於理而不可從公穀辭義甚辨而各以
其意揣度聖心得失亦相半迄漢唐宋諸儒各是其
是交相矛盾胡傳辭氣昌明然書法泥而太曲朱子
有所不滿至大全所載宋元之論多可補胡氏之闕
然亦純雜相參夫欲通春秋之經當博綜於傳傳義

各殊當衷於一一無可執斷之以理理無定是衡之
以中中無定體參之以時時有不同按之於事聖人
之道時中而已隨事順理因時處宜則春秋之筆削
也是以敢斟酌四傳而去取之時或斷以己意甯淺
無深甯直無曲序事必綜本末論事必極周詳疑則
甯闕其所取用不過數家足以發明經義而止朱子
向以春秋爲難言茲所去取實宗朱子之意紫陽可
與當亦不予過謫卽按之孔子之意或亦不相牴牾
蓋先生自序云云而其書之大略可識矣其讀禮也

以雲莊集說爲平易純正然病其或雜引他說不爲折衷或隨手撫按不順文義且其閒有擇未精語未詳者乃因雲莊之註蒐輯紹聞參以己意裁擇而剛定焉名曰禮記章句其所以去取之故是非之辨章句所未能悉載者又倣朱子四書或問之例著禮記或問以盡其說最後欲合三禮成編方成儀禮圖式疾劇乃止至冠昏喪祭以及鄉射士相見居鄉居家諸儀嘗取朱子家禮一書參之儀禮合宋明諸儒所論異同之不一者設爲問答以明禮意爲六禮或問

六卷凡家禮之所省而儀禮所存者輒爲商榷而增益之雖自以爲僭踰而酌古準今扶世立教之意亦綦苦矣律呂之學先生尤精嘗曰移風易俗莫善於樂乃經生家紙上空談未嘗親執其器工絲竹者徒守其器又不能察其所以然古籍僅存樂記一篇而律呂氣數皆難悉考蔡西山綜覽古來諸儒所論成律呂新書樂記言理西山言律理以律爲歸律以理爲斷二書不可不合以參觀然理寓於聲而律顯於器器以成聲聲以合律則器數又不容以不考因合

樂記及西山之書而疏通其意更上採周禮考工先
儒注疏及先賢之論樂者爲續新書二卷以附於後
名曰樂經律呂通解又別著樂經或問三卷於器數
尤爲詳核孝經一書先生以爲孔子與大學竝傳曾
子大學得朱子章句人人知所共習孝經雖定爲刊
誤而未及註釋朱子嘗自惜之今學者傳誦尙仍石
臺而罕睹刊誤之本是以今文古文互相詆排我
朝特命儒臣撰孝經衍義用朱子所定經文於卷首衍
經不衍傳蓋倣真西山大學衍義之例第衍義以刊

誤爲宗鄉會命題仍用石臺之舊草野傳誦莫適爲
主乃因朱子之本詳其訓詁究其指歸著爲章句使
經傳互相發明此則先生廣補朱子所未及者以上
著釋四書易書詩春秋禮樂孝經數百萬言縷析條
分洞其蘊奧宋元以來諸儒之釋經罕有如是其詳
且盡者也嘗謂理一而已而異學汨之詞章汨之故
高者入於虛無下者溺於功利學者能窮理致知以
探其源反躬實踐以知其味斯耶說不能搖而榮利
不足戀然理雖一而分則殊聖賢言各有當其循序

致精慮學者未知其梗概而無以識其大體所存於
是彙爲一冊分門別類自天人性命之微及夫日用
倫常之著自方寸隱微之地達之經綸斯世之猷援
引考據而以己意折衷其閒井井有條通融貫徹名
曰理學逢源閱是書而先生所以深造自得者可知
矣其他說理則有讀近思錄讀困知記讀問學錄諸
書皆推闡先儒蘊奧而補塞其罅漏考典則有山海
經存參讀禮志疑儒先晤語諸集策略則經濟具焉
戊笈談兵則天時地利與凡古今來戰陣之法具焉

少宗伯嵩壽公賞其文謂宜焚香爨茗讀之人或欣
其由此樹幟文場以取名譽而不知非先生意也樂
府二卷名大風集其五七言古及近體絕句多沉雄
激宕雅近少陵賦序解論記牘箴銘及雜著之屬約
五六百首雖體製各殊而氣體明白曉暢常以淺易
之語寫深湛之思出之若不經意而閱者忘理道之
艱蓋由天理爛熟在胷故投之所向無不如意而波
瀾體格不足云也餘如丹青篆刻游藝之事靡所不
能非先生之所重故不殫述其註經及諸書也不起

藁不緝閱諸家之言裝格直書每日得數千言值稍
疑難註腳之中復下註腳理若繭絲字若牛毛書法
非其所工點畫必依正韻無一筆苟且而章安句適
行數之高低空白整齊適均若經數手稱量比擬而
出者在先生爲蓄極而通而書無副本失則難求又
以不起藁之爲累也今遺編所存計四書詮義十五
卷易經詮義十五卷書經詮義十三卷詩經詮義十
五卷春秋集傳十六卷禮記章句十卷禮記或問四
卷六禮或問六卷樂經律呂通解五卷樂經或問三

卷孝經章句或問二卷理學逢源十二卷山海經存
九卷戊笈談兵十卷讀近思錄一卷讀困知記二卷
讀問學錄一卷參讀禮志疑二卷讀陰符經一卷讀
參同契三卷策略四卷詩韻析六卷物詮八卷文集
六卷大風集二卷詩集六卷儒先晤語二卷琴譜一
卷醫林輯略探源九卷六壬數論二卷九宮陽宅二
卷時文六百首計十四卷共二百單七卷然紙數多
而字數密以坊本計之約六百卷嗚呼斯道之傳也
自堯舜禹湯文武周公孔孟以來越千百年程朱繼

出如揭日月而朗中天然純陽之餘一陰已生金谿
賢智之過慈湖橫決更甚姚江以蓋世之才不屑拘
守繩尺於朱子深加詆訶晚年定論之輯顛倒彌縫
援儒入墨我

朝崇儒重道升朱子於十哲之次以示隆禮

御纂諸經以朱義爲準 國初真儒輩出當湖陸先生且從
祀孔廟以廣風勵之旨夫當湖所篤信者程朱而高
明之士猶或鄙爲迂闊所深闢者陸王而隱怪之流
猶或拾其唾餘先生憤甚故所著書中辨駁塞拒不

雙也志主平實

卷之二

行狀

五

遺餘力亦欲承先聖昔賢之緒於無窮耳顧或謂理
學得前賢已明儒者在力行多言無當先生著書似
繁蕪多事者是大不然蓋理雖無形而道必有器洪
荒之世風氣未開語言簡質然漸趨於文亦天地自
然之理伏羲畫卦通德類情此文字之祖使至今無
文王之象周公之爻孔子之贊人何由知吉凶消長
之理進退存亡之道耶且孔子之聖刪詩書定禮樂
贊周易脩春秋亦不廢著述也有四子五經於前而
異端者流尙挾其術以簧鼓天下統緒之墜者且千

有餘年向使無其書程氏雖賢又何從而與聞大道以接一脈之傳哉朱子著作之富固不待言二程有遺書及易春秋傳周張則通書太極圖說西銘正蒙爲最著蓋周程張朱之道卽孔孟曾思之道上而溯之卽堯舜禹湯文武周公繼天立極之道也乃若直指本心不立文字此釋氏之學而欲執此以訾吾儒其殆爲異端之續乎先生著作深恥自炫多藏巾笥其讀書也目力雖敏而搆思刻苦一字一句之未安思之竟夕必求融貫而後已展玩常依次序一卷未

完不及他卷一書未完不及他書嘗館休甯藍渡主人於高閣積書充棟先生居二年人未見其登樓檢閱至援引浩博又皆自眾籍中來因悟先生之於書卽朱子所云循序漸進熟讀精思者也夫以先生之資稟讀書非難而自成童以後困苦顛連道途旅寓衣食不充而不廢學則難然才子數奇文章憎命嗜古之士不以境遇輟其所好者亦多有之或侈談風月經術空疏著作雖多無補世教而先生研窮經義得斷簡於眾遺發新知於卓識皆天人性命之微言

民生日用之切務無一毫爲人徇外之心則難又或
穎悟絕人豪傑自命立言不朽思駕古人而別標宗
旨更啓爭端其有斤斤繩尺是守者則又徒襲糟粕
不足以發揮精蘊先生則墨守程朱縱橫排宕而一
軌於正至於天地萬物生成之理日月星辰出沒之
方飛潛動植化育之由六合九州生產之異五行生
剋制化吉凶消長之故五聲六律八音正變節奏之
道以及象數方名胎息孕育之源莫不究極指歸凡
漢唐宋明以來諸儒聚訟紛紛所莫能決者先生批

卻導窳游刃有餘焉然以解豈非尤難之難者哉孝友性成事兄如父歸娶後迎兄嫂同爨兄子成童攜入閩肄業顧性弗好也乃使習藝事藝成與歸未幾兄歿嫂及兄子亦物故先生哭之慟爲竭力營葬歲時祭祀弗衰日給儉約無故不御酒肉值荒年米貴屑豆作糜忍飢以度朝夕數日無米者屢有之僦屋半間不蔽風雨敗壁土銼細民不能堪先生處之怡然有清貧到老眞吾分得喪原非爲一身之句獨念此道之孤鮮可與語廢書而歎時見乎詞易贊之際

顧遺書而愴然曰著述如此其竟不傳乎嗚呼古來
聖賢類多困阨然雖不得大行於時功名亦必有以
自見顧或時當衰晚偃蹇宜也先生則值

聖治休明旁求經學之日而伏處深山窮谷不得與稽古
之榮不更可惜哉先生爲學隨事體究不立宗旨嘗
語學者曰人所以異於物者此心然莊周逍遙遊其
心於寥廓釋迦般若寂其心以自在是皆以有用之
心置之無用之地蓋心不可不用而效庸人之役役
則傷心不可不養而學異說之空虛則廢事理甚平

常奇怪可以不慕生世有定分富貴可以不求惟是
盡心於其所當爲與可爲而不馳心於其所不當爲
與不必爲則此心休休而得其所養至面壁九年一
旦徹悟齋心閉門一日千里此幻也嘗染疫昏迷中
喃喃嚶語聽之皆經書及三代典禮無一塵俗邪僻
之言則先生平時之心志清明不爲客氣所使可知
矣生於康熙三十一年壬申七月九日卒於乾隆二
十四年己卯九月八日享年六十有八配江孺人同
縣世業公女溫恭淑慎方太孺人爲訂婚時孺人纔

數歲及先生自金陵歸客游閩浙聲息不通者幾十

年父兄欲再擇壻孺人以死自誓乃免比先生歸娶

時三十二歲

應作三十三

而孺人年二十七矣

墓表作孺二十八

人嘗語遴云入先生門三十餘年從未聞一怒言見

一怒色子四長三四俱殤次思謙縣學增生字鳴之

少聰俊日誦數千言爲詩文卓然有法度體弱積勞

因鄉試歸遲一日不及送先生終哀慟毀傷後先生

四月卒年二十有九女三長及三俱殤次適遴從弟

熊照孫守銓先先生四月殤媳詹氏於先生病時曾

剖肱肉以進後見鳴之病必不起期功無人後事無
託先自經死嗚呼先生盛德在躬而身後如是遠近
聞之莫不痛心流涕謂天道爲不可解卽遘又安能
爲之解也特是天之禍福人也與世俗異世之享大
名躋膺仕子孫衆多者數傳後如輕塵飄風漠無蹤
響而堯舜禹湯文武周公孔孟諸人道統流傳明禱
俎豆百世不遷昔曹月川昌明道學史稱爲一朝之
冠二子瑜琛廬墓相繼而卒又吾州陳定宇吾縣胡
雲峯胡雙湖今亦無傳茫茫理數或未可知而扶名

教衍聖傳流芳千載天理常存人心不死先生其必
不湮沒矣遊與先生誼本舊姻兼承不棄悼哲人之
既萎恐斯文之久淹故敢略爲序次諸書之大略其
他交人接物律身行己之大端與夫一言一行之善
中人所可勉而能者不復具載竊恨從遊日淺秉性
蠢愚未能久炙休光發其蘊奧而又病中昏憤語無
倫次昔潘輿嗣誌濂溪之墓史謂潘某何人敢誌其
墓遂顧何人敢狀先生哉然懿德同好聞風興起當
世大人君子以正學爲己任必有表章而昌大之者

遊蓋日夕切心翹首而望之云

乾隆二十五年庚辰三月

日同縣門人余元遊講狀

心喪藁

門人余元遴

汪雙池先生小祥祭文

庚辰九月

嗚呼天道之無親兮常與善人胡先生而若斯兮獨
不知其所因豈理數之茫茫兮至今日而不可信抑
別有其萬古兮而福極不關乎一瞬惟先生之嶽降
兮踵遺徽於紫陽得不傳之學於遺經兮豈屑記覽
爲辭章自遭家之多難兮極顛沛與流離旣櫛風而
沐雨兮尙惟日之孜孜初泛濫於百家兮後乃專研

夫經訓擴前賢之未發兮與濂洛而相印手不停披
兮口不絕吟雖老至而不倦兮著作逾乎等身歎深
山以僻處兮嗟道富而遇窮闕微言與奧義兮抱篋
行而長終雖前聖而固然兮合乎古必違乎今然不
遇於時兮而明德必有達人獨先生之積善兮乃身
歿而逢殃何冢孫之不育兮復繼嗣壽命之不長固
吾儒之正誼兮明道而不計其功乃報應如是反常
兮俾眾人其誰之從惡旣不可爲兮善復不可恃望
彼蒼之悠悠兮乃悵然而若失撫遺書之具在今實

道脈之所憑恨末學之涼薄兮雖欲付而無可承果
斯文之未喪兮應傳道而得徒當今日而既如斯兮
又未知天意之有無自哲人之既萎兮倏已期而小
祥緬音容其如昔兮惟馨歎之渺茫當去歲之茲辰
兮惟令子其未歸嗟覽揆之初度兮是日爲鳴實腸
斷之悲時慨銜哀之既劇兮遽相見於黃泉今同筵
而設位兮匪融洩而如漣惟孺人之無歸兮賴同儕
之是贖曾古人有成言兮生於我乎養死於我乎殯
對几筵而愴惻兮悲道範之云遙靈魂來而下降兮

望青楓之蕭蕭愧薄奠之蘋藻兮聊以達其哀悰縱
天長與地久兮又孰知夫恨之無窮

汪雙池先生七十祭文

辛巳七月

嗚呼人生七十俗謂古之所稀然偏觀今之人兮固
在在而遇之齊彭殤其不然兮所貴死有傳於後而
生有益於時惟先生之嶽降豈造物之偶然紹千秋
之絕學得經意於不傳固晚近之無兩而亦豈能求
多於昔賢聞大德之得壽實兼享乎祿名胡天道之
難知兮其獨酷乎先生身抑鬱其憔悴以死兮而哲

嗣繼歿竟道脈之無承雖自古聖賢之俱困阨兮未
有若斯之極也將爲惡者不必凶爲善者不必吉兮
終求其故而不可得也以先生之德業而猶若斯後
學其何所恃而用力也自鳴兄之旣歿逆孺人至吾
家賴同儕之飲助免殘喘以長嗟乃今年之仲夏又
晚景之西斜睹靈輻之在室悲愈劇而痛賒惟茲月
之九日實先生之誕辰旣不獲及生以上壽復不能
履墓而薦新潔蘋蘩於我室齊總帳以前陳惟洋洋
之靈爽知固無乎不存以鳴兄之慧業匪玉樓之作

記應地下之修文思音容而不見徒飲恨而聲吞倘
冥冥之不棄其鑒哀忱而嘗苾芬嗚呼尙饗

遣從子奠汪夫子墓 庚辰

生憎黃土瘞斯文雨冷空山隔暮雲碧落有光澄夜

色 趙東山過朱子祖墓有
五緯流光燭夜臺之句 高樓無語痛離羣遺書敢

負千秋託 先生所著書鳴
之臨危相付 迎養應同一體分 日內將
迎師配

江孺人至
舍敬養 所愧陸庄荒太甚淚和杯酒寄孤墳

七月九日雙池夫子七十生辰設奠於家感而賦此

辛巳

嶽降申生豈偶然千秋大業續殘編
共欽道脈承闕洛不使身心忝聖賢
片席一生常未暖遺書此日竟誰傳
茫茫天意真難問欲寄沉憂到九泉

前歲開緘識病侵生埋玉樹復深深

先生一孫前已歲季夏薨

悲憂患能傷老尙冀秋風送好音

鳴之前秋方赴省闈

開卷幾

曾違伏枕

先生病中尙欲從事儀禮及批閱律呂諸書

倚間長是盼遙岑

先生病劇望鳴之歸甚切

誰知惡夢成終別一訣悠悠直到今

遶問

先生疾別之朝得惡夢半月後遂接訃音

千里孤兒泣路歧遲歸一日痛差池

先生歿之次終日鳴之方歸

天有恨真何補靈藥無情又不醫

鳴之哀毀成病 春正遂不起 愁

絕紅顏早自決

媳詹氏見鳴之病 不能起遂先引決

悲填白髮更難支

今朝醉酒腸應斷宿草孤墳可得知

蕭條宋玉舊多愁此度神傷不為秋吾道非耶胡至

此先生往矣復何求千年絕學心誰屬一代儒林傳

自雷惆悵遺徽零落盡含毫無處費尋搜

鳴之病中 未及成先

生行狀遂乃力疾為之一生事蹟多 無考略紀所聞及諸書大意而已

丙戌孟秋往邑為在師呈書目冀上一史館紆道至

段莘拜師墓有作

幾年未過西州路此日瞻依痛不禁自古一家那至此至今五嶽隱人心萋萋宿草迷荒徑黯黯愁雲起夕陰彷彿典型留仰止高峯孤聳碧潭深

著作彬彬集大成紫陽而後有先生心胷萬古憑開拓豪傑於今孰抗衡功在斯文應不朽人分餘緒可傳名流光抔土那能掩五緯寒芒徹夜明

大家風範嗣徽音一室和鳴若鼓琴

江孺人云自入先生門數十年

未受先生疾言遠色之加

豈料桑榆嗟晚景翻從桃李駐餘陰龍

文有劍津還合馬鬣成封草已侵地下團圞同拔宅

世閒兒子枉如林

意氣凌雲隘九陔應從香案謫居來伯溫未足方家

學

向語鳴之期以九峰伯溫之事鳴之猶若有不滿於邵者

昌谷那知是鬼才死

有情靈吟陟屺

鳴之死後族人夢其作句有不斂精魂常陟屺云云

生多著

作痛飛灰

鳴之臨危時屬子擇其詩文為存崖畧傷同人

心淚下東山句獨抱遺經咏七哀

鳴之以師遺音相屬

生前殉節世應無子死嚴親婦死夫

鳴之痛父而亡妻詹氏見鳴之

病必不起先

身是雪冰腸胃古氣分光嶽女流扶他

年佳傳還青史當日訛言尙道塗

方殉節時人多議之

凜凜一

門誰得似千秋風教屬吾儒

至寶何辭泣血明今朝仰首欲哀鳴也知顯晦關時
數祇此師傳以死生痼疾歷年身有幾黃河底日水
能清孤墳別後何時到裂竹空山一放聲

丁亥仲夏爲汪師事往邑道莘原宿其故居蓋遶初
識先生於此後先生亦數移居矣撫枕不寐聊復

成吟

當年從此識先生家具頻移屋幾更今夜空堂還獨
宿照人梁月半牀明

飄零手澤遜中郎一髮千鈞冀表揚但使區區能不

負敢辭辛苦又踰跟

去歲冒暑往返數百里為師呈遺書後事竟寢

虛堂遙夜黯深沉耿耿誰憐此夜心獨有寒蟿知客

恨星殘月落伴長吟

遊莘原曲水有感 丁亥

綠草萋萋一徑微西州路已十年違重來萬點傷心

淚遊入晴崖作雪飛

昔同鳴之遊此

大家曾記御籃輿道韞清才總不如林下風規幽興

遠三閒茅屋十年書

雙池先生母江氏曾遊此語女伴曰恨不於此三閒茅屋十年

讀書
耳

雙池先生墓崩同人斂貲修葺事竣共申一奠飲餽

於汪秦璧家感示諸同志 丁亥

宿草離離野徑荒登臨重事奠椒漿泣然涕爲今修
墓不朽誰云死便亡泉路一家成碧血斯文千古著
寒芒道旁破塚何人問李志曹駮總可傷

天道悠悠詎得知幾曾賢聖至於斯故交樹挂流星
劍隴首墳成墮淚碑佳傳千秋應有史特豚兩廡豈

無時卽今文學神明宰親匱遺編上有司

近邑侯言
公裝潢先

生遺書親送藩

司求達 史館

半為親屬半門生莘野依然下馬陵至竟善人還有

後幾多兒子竟何成一靈氣與山川竝

用祭東坡語

幽室

光爭日月明自愧侯芭難負土芳樽同醉不勝情

以

送遺書往邑

未克襄事

雙池先生子鳴之垂危以遺書并其自作雜草為託

予別後即歿諸人於先師著作外付之一炬後僅

得鳴之詩草數首今宿高湖夢至莘原館中讀鳴

之詩流涕為詩以志痛覺僅記負汝悠悠直到今

一語因足成之

丙申

負汝悠悠直到今
夢中流涕誦清吟
覺來身在千峯頂
莎莽蕭蕭不可尋

御製詩經

卷之四

三

汪燦人先生誄辭

洪騰蛟

吾婺有老儒曰汪敬堂先生僑居江甯之上新河余
年十九就試南闈輒從之問奇祛惑敬堂爲言其叔
燦人先生學贍而行修且述其母夫人江氏才賢以
五經口授先生心甚慕之未幾先生亦來新河一日
余將謁敬堂望見市廛中一丈夫癯然而頽危坐令
人驚髮問之則先生也自是遂相失然意中未嘗忘
先生三十後稍知學益思從先生遊卒不果己卯三
月先生門人余道周過余家遽別去未及奉手狀問

起居猥以置閏一章氣朔分齊及極度高下之故相
質先生不罪其突如殷殷啓發余尋以書謝又辱報
書言其爲學之概甚悉且命取所著書觀之殆非無
意於余者也余時方治春秋未暇及他書又胷中積
疑甚富欲造先生之廬一一面叩非旦夕可竟將期
於涂月而操几杖焉季秋余至友人董厚山所嘗語
及之厚山慨然請偕行且聞先生易詩書春秋四書
孝經樂律皆有成書惟三禮以藏書未備未能脫藁
欲以朱子儀禮通解及通志堂諸書資先生兩人成

約而歸而先生不可作矣可勝悼哉既踰月軫隱於
心不能釋乃爲辭以誄之

死而不朽太上立德其次立功道足乎己有德有言
厥功夔崇維我孔子賢於堯舜奚待時雍遙遙千載
如相付受篤生晦翁酒聖阻道披雲觀日六藝折衷
九州萬葉維桑與梓乃其大宗溪齋伯仲親承化雨
首闢蠶叢明經蔚起有若玉齋雙湖雲峯誰其繼者
仲魯靜軒汪氏最隆新學旣倡狂瀾淪岸衆草偃風
東林冠冕皦然不滓惟清簡公奏疏萬言中詮數卷

其道則同迄今百年雲孫紹述志定一尊西山歷數
先生歷學受於宣文經義家庭融融中丁困躓奔走
尊人嶺嶺先生四方或爲人傭稚圭力學伸壬彊記身困而通回車
竭來二毛初及一第難逢晚益嚴毅準繩關洛方外
直中本其自得發明聖蘊以覺羣蒙九經紛綸成書
者七是謂國工猶欲買勇搜羅經曲剖析異同天不
慈遺遠謝講席實懷予悰嗚呼先生何遇之窮何道
之豐自古在昔名山萬世浮雲太空勒此貞珉後有
智者其誰適從

呈遺書於言邑侯狀 丁亥

余元遴

爲懇表儒宗以光盛典事本邑北鄉段莘已故生員
汪紱原名烜字燦人號雙池幼仰儒先長耽著述張
皇四子推闡六經析理如繭絲牛毛論事若衡平鑑
朗發性命之蘊奧我婺則紫陽而後一人論行誼之
精純

本朝則當湖以還無兩著書立說動關世道民生大義
微言皆本躬行心得發前人未發之覆決羣儒不決
之疑無奈處下居幽更使傷心不祀善人無後雖婦

孺隱而不平卷帙實繁縱編摩力難脫藁斯文幸不
終晦千載在此一時適會纂修謹陳篇目并呈行狀
冀達上臺伏願俯鑒輿情詳登儒碩流芳千古允爲
聖代之光瞑目九京少紓士林之痛報將啣結望切揄揚

上稟

邑侯言公批

汪雙池書暫留候回稟大憲咨送 史館可也

呈遺書於朱學院後更請從祀紫陽書院狀 癸巳

余元遴

具呈治下合屬翰林院修撰黃軒前任刑部郎中汪承霈內閣中書王友亮吳瓌吳錫齡前任順德府知府王廷言進士吳之珩胡光琦王佩葵舉人黃廷傑汪澎洪騰蛟程瑤田程啓佑戴錫光黃恩戴丙南前任望江縣教諭董大鵬拔貢生候選教諭吳鶴齡歲貢生吳書升余立本附貢生程光國副榜程維新戴炳廩生汪昌榮吳昌齡朱誠業舒鳴乾黃鶴張啓綸

汪文藻曹興宗汪杰然余崧余元遴張振甲余翔生
員王懋昭汪鋼項嶸汪超黃茂汪廷曜江鯤胡匡憲
汪金鑰胡文集汪上枌汪龍光余縣庶余熊照等
呈爲籲恩耐祀以表幽潛事竊見婺源已故生員汪
紋安貧守道篤志窮經具馬鄭之宏通非矜博物探
程朱之奧窈允切禔躬著作不止等身議論絕無勦
說闡天人性命之秘抉摘深微極禮樂制度之詳發
揮條暢不幸遺經獨抱竟至潛德未彰茲際憲大宗
師文章司命名教千城雖幽隱而遐搜以表彰爲己

任紱書呈覽蒙賜褒嘉許以

上聞錫之墓表實寒儒身後之奇遇爲近世意外之榮施
感切士林恩流泉壤惟是紱生極艱屯歿無嗣續碑
雖不漸有道鬼幾無異若敖茲值鄉先正諷日補祀
紫陽伏冀大宗師准紱配享朱子俾經明行修之士
不至沉淪將頑廉懦立之功永垂風厲斯文幸甚激
切上呈

乾隆三十八年八月

日具

學憲朱大宗師批

集賢堂
請從祀紫陽書

三

故儒婺源汪君貧不移操道堪自樂業精鄭學脈行
婺傳潛德隱輝高山夙仰本院方擬上承

詔旨繕寫遺書遠表懿醴刻畫貞石值紫陽從祀之議補
與慎齋並列以享宜繼主羣曰允哉釋榮靈胡餒而
仰徽州府卽依紳士所請稽典秩敘與宋元明十五
氏誦吉偕舉入祀書院如禮此繳

汪雙池先生墓表

並銘

日講起居注官朝議大夫翰林院侍讀學士提督安徽
等處學政大興朱筠撰

婺源爲我家文公之故里宋元明以來鉅師魁儒繩
繩相繼流風未湮於今見者實惟段莘汪先生江灣
江先生尤著筠在京師早聞江先生名比奉

命視學來江南試徽州徵其書盡讀之而善會有求書之
詔卽具以

聞旋檄府建主附祀紫陽書院風示學官弟子俾之嚮

學既癸巳再試徽士婺源學廩膳生余元遴抱持其師汪先生之遺書十餘帙來獻且言曰元遴之師紱樂貧守道著述過身其書可傳其行可享沒嗣斯焉善人將懼元遴敢奔告待命於下執事筠發書卒讀其書於江先生埒且聞諸府人汪先生之行視江先生無不及也於時博議偏舉文公之徒得十五氏暨汪先生悉爲之主位十有六詎以八月二十日迎主入書院補祀諸儒之次是日筠躬蒞將事諸生畢來又進諸生分錄其遺書行上書局顯厥隱德府之士

僉曰宜哉元遴復言曰先生之鬼其不餒顧敝冢無
子孫祀者先生其卒餒謹具書事實列上請刻石表
諸墓道尙識來者筠曰然乃文以表之而召諸生之
工隸書者歛閱道隆書文上石按先生諱烜其爲諸
生之名曰紱字燦人小字重生號雙池婺源之北鄉
段莘里人四世祖應蛟故明戶部尙書諡清簡曾祖
元會祖斯涵父士極母江孺人自清簡公後再世業
中落父以貧窶出遊久之不歸母賢且知書先生初
能言母江卽口授囚子書五經八歲悉成誦自是讀

書稟母之教未嘗從師比弱冠母病臥累年先生日夜侍疾家益貧十日未嘗遇一飽母沒斂畢聞父淹滯江甯先生走爲父泣勸之歸父曰昔人曰家徒四壁吾壁已屬人若持吾安歸乎叱之去戒主者毋與若食乃泣而歸比歸益無以自活乃之江西江西浮梁之景德鎮設官置窰所在百工食焉先生晝碗傭其閒然稱母喪不御酒肉羣傭以爲笑時時作苦吟以寫其哀則交侮而罵之先生去之樂平館石氏踰年亦去當是時先生飄泊上饒萬年永豐之間蹤跡

無所定止輒自廣信緣嶺度仙霞關之閩中持一襖
被鶉衣蓬蘽而行行嶺灘中十餘里或二十里逆旅
主人不內則頓宿野廟乞食以往過楓嶺有陳總兵
者聞而異之延爲子師執禮甚恭先生課詩書閒教
之禮射卒伍爭請爲弟子後用藝得官以去者有之
旣陳總兵去楓嶺先生投學浦城浦城爲福建江西
浙江之會三省之士薰德慕化從者日進先生聞父
卒於江甯卽日奔喪一慟幾殆迎精而歸與母合葬
先生自二十以後著書十餘萬言旁覽百氏九流之

書三十後盡燒之資敏強記過目在心自是凡有述
作息神莊坐振筆直書博極兩漢六代諸儒疏義元
元本本而一以宋五子之學爲歸六經皆有成書下
逮樂律天文地輿陣法術數無不究暢卓然可傳於
後所著尙書詮義十三卷詩經詮義十五卷四書詮
義十五卷春秋集傳十六卷禮記章句十卷或問四
卷六禮或問六卷參讀禮志疑二卷孝經章句一卷
樂經律呂通解五卷樂經或問三卷讀陰符經一卷
讀參同契一卷讀近思錄一卷讀讀書錄一卷儒先

晤語二卷琴譜一卷皆筠及見者又有易經詮義十
五卷山海經存九卷理學逢源十二卷詩韻析六卷
物詮八卷策略四卷讀困知記二卷讀問學錄一卷
醫林集略探源九卷戊笈談兵若干卷六壬數論若
干卷大風集四卷文集六卷詩集六卷先生且卒顧
書而歎曰著書如此而不傳乎元遴謹收錄而藏之
於家至是乃獻嗚呼先生非元遴則書亦不傳也先
生生平不爲應試學然嘗以制義教弟子年五十餘
諸兄弟強之試受知於故禮部侍郎筠座師諱嵩壽

公持其卷歎曰是當焚香啜茗讀之自是文詞稍稍稱於人然竟死無知其學者先生見客莊坐無俗語有所質必更端盡其意遊藝之餘畫山水松竹尤工熟精篆書及於摹印開自刻一印其文曰天下多名山其人安在家貧歲饑無米市豆屑炊之作食未嘗告人曰士人輒語人貧人縱憐我我可受耶逮疫作藝語侍疾者聽之皆說經也飲酒累數十杯不醉接人以和逮臧獲惟恐傷之初先生聘於江客閩人不相聞江之兄嫂欲改議江聞以死誓乃不敢言比歸

先生先生年三十二應作三十三江年二十八矣先生每

自外歸呼江曰某娘江謹答曰先生歸矣江生女妹
余而死有遺女撫於江與之臥起他日先生宿客於
書館而入居內幼女賊曰豈有男子與婦人同牀者
乎鄰人傳以爲語江嘗語諸弟子曰吾歸汝師三十
餘年未嘗聞一怒言見一怒色然後知先生之居室
果克敬以和也先生以乾隆二十四年九月卒距生
於康熙三十一年七月年六十有八子思謙縣學增
生讀書能文章應省試歸後先生歿一日毀卒一孫

先三月殤思謙妻詹剖肱肉以療舅竟不能起思謙
將卒嘆曰天道如此即其臘竟自經以殉先生從孫
文藻乃與門人詹大山壻余熊照等共謀卜葬先生
於里中陽邊山麓而子婦附其旁云系之以銘曰

先生嘗試於鄉作詩言其傷貧也吾分吾身無得喪
閒升高俯屋曰屋多人少孰自直自匡信乎以仁任
已而古之人頡頏厥子死而示夢言來臥虎山歸打
麥城厥言其荒唐母乃其生其死如蘇氏所詳胡父
子孫忽焉而五世斬以殃天平鬼之餒兮善人不長

配食文公兮春秋祀嘗我躬事兮先生享是訓是誥
兮經之光刻石表墓道兮此邦之士斐然其不忘
乾隆三十有八年癸巳秋九月 日 立石

世之治之左言

左言

三

題請崇祀鄉賢祠疏 道光八年

安徽巡撫 臣 鄧廷楨謹

題爲籲請詳

題崇祀鄉賢以彰學行事據安徽布政使司布政使邱
鳴泰詳稱案奉行准禮部咨議覆山東學政王希曾
條奏名宦鄉賢一疏嗣後凡有呈請入祠者令各省
督撫學政秉公核實確據每年俱於八月以前彙行
題請並將事實冊結移送臣部查明照

旌表節義之例於年終彙

題等因奉

旨依議欽遵咨院行司通行各屬遵照在案據徽州府知府馬步蟾詳據婺源縣知縣朱元理稱准儒學教諭于錫晉代理訓導李鴻牒稱據閩邑紳士前任翰林院編修董桂敷前任宣城縣教諭戴大昌前任內閣中書程組施彰洪鈞前任廣靈縣知縣王根卽用知縣江之紀江文瑋前署滁州訓導董桂洲前署五河縣教諭孫克恭候補教授董桂科翰林院五經博士朱有基進士吳憲文舉人余煌汪松泰副貢生王士

杰歲貢生汪森柏附貢生俞汝霖董鴻起候補鹽經
歷程若金廩生俞應甲董桂榮程烈光汪志璫生員
吳綺材王正學董安單求益汪起輅監生汪鼎昇汪
逢甲汪廷棠耆民汪鼎良汪秉機汪源葵汪育仁抱
呈汪升具呈稱竊惟立德立言古崇不朽之業希賢
希聖代生特立之才士有自任以千秋學必求歸於
一是故飭躬勵行身或外乎榮名而立說著書道足
開夫來哲旣樹儀型於鄉邑克配先賢宜光

國典於儒林俾崇祠祀已故婺源縣庠生汪紋生有異

質學自夙成稟母教於童年謝師資於綺歲念理學
名賢之裔懷安貧樂道之心洞秘奧於諸經深探原
本徧稽求於羣籍博極搜羅志行堅貞天性誠篤父
客遊而侍母惟志之承母抱病而累年繫身之賴執
炊調藥廢寢忘餐心動則蔡順之棄薪身勤過庾袞
之作管母喪幾毀頻年而酒肉弗嘗父旅不歸請侍
而棲遲弗許匪傷瓜而見怒爰畫碗以爲備至乃糧
絕窮途病羈中野雖流離之無告矢肫摯以不渝遇
一草一木而必詢見一言一行而必察窮困學固節

以義成故入閩授生徒之經兼誨以藝事適館隆主
人之禮益勵其操持迨父歿金陵自閩趨赴竭力營
葬迎精以歸爰暨終喪仍畱閩館益肆學問力肩斯
文書借閱則默識不遺文旣工則少作悉燬閉廬精
誦時論比之樂恢鑛錯推求學徒稱爲卻正年逾三
十經術益深旁綜百家之言疏其得失折衷考亭之
說得厥指歸糾謬訂譌鉤深抉隱揮毫成帙撰述等
身理闡六經抉聖心於往冊義詮四子作朱註之功
臣樂律則紹新書儒言兼參物理紛綸擅大春之博

研悅抒廣川之醕申滯暢疑發明過於庾峻條分節
解是正軼於義元他如韻學兵書醫林琴譜藝遊其
趣術靡不精不獨文集詩篇足資後學卽至丹青篆
刻亦寄性靈洵爲特異之天才加以精深之學力至
其啓迪後進循循有方模楷人倫卓卓可法鄉閭小
失咸畏彥方之知子弟來遊悉受安定之教故曩者
學使允諸生之請曾從祀於紫陽在同時慎齋並鄉
里之賢每相商於典冊今江氏已入鄉賢之祀而汪
生未陳請耐之言輿論缺然士心惕若爲此撫其實

行臚厥遺書謹具三代履歷清冊並族鄰切結公額
申請

題請鄉賢以彰學行冀同祀典之不遺庶慰士林之翹
仰等情到學據此該婺源縣儒學教諭于錫晉代理
訓導李鴻查看得已故邑庠生汪紱端方孝友績學
儲才天性肫誠備諸艱於爲子經畚黽勉勵獨志以
希賢義探六籍之精言準一家之是著述以紫陽爲
的益疏通而證明參稽綜藝苑之全咸縷析而條貫
教人本躬行心得之實居鄉賴型方訓俗之仁允爲

特立之醕儒堪與不祧之祀典理合加看取具闔邑紳士及族鄰甘結加具印結並備事實清冊備文牒送查核轉申再已故邑庠生汪紱言行允協鄉評人品足爲矜式子孫竝無現任九卿合併聲明等因到縣准此該婺源縣知縣朱元理查看得已故邑庠生汪紱立身端樸秉質醕良孝養雙親艱苦不渝其至性博通羣籍稽求常矢其堅心本行方志潔之才爲經師儒林之望惟年久而論定實事往而光存考其學行洵允稱一鄉之賢表厥幽潛堪足配千秋之祀

今准儒學牒報據闔邑紳士董桂敷等遵例舉報卑
職復加確訪輿論咸合相應取具事實冊結加具印
結詳候核轉等情到府據此該徽州府知府馬步蟾
核看得婺源縣已故庠生汪紱扶植人倫闡明經籍
孝友敦茲風俗垂範靡窮纂修功在聖賢立言不朽
况復艱辛洊厯至性彌彰著作深藏秉心無競演濂
洛關閩之正脈成束脩砥礪之醇儒所爲淑斯人而
存作經師孚衆望而沒膺社祭侯其在矣洵堪附羣
賢崇報之條從與享之端宜縣一邑馨香之祀茲據

該縣准學牒送事實冊結前來理合加看申請核轉
等情到司據此當卽飭弔該生所著各書去後茲據
該府呈送前來該本司核看得婺源縣已故庠生汪
紱天性純誠人倫模楷幼承荻訓親色養於盤匱遠
侍椿庭備力勤於存沒篤行已孚於遐邇立言一本
乎聖賢經術淹通義足詮乎四子藝林博涉業遂成
夫一家兼之訓俗型方人畏彥方之識於以守先待
後學傳聞洛之真洵潛德之式彰應馨香之崇報茲
據該府縣查明取造事實清冊加具印結前來理合

加看同送冊結轉詳鑒核具

題等情到

臣

據此該

臣

看得婺源故庠生汪紱賦性溫

醇持躬端謹萱庭受學早標穎異之資芸帙傳經更
擅淹通之譽著人倫之模範孝友克敦作鄉里之典
型言行交飭闡明正道遠承濂洛之傳詮發羣書允
樹膠庠之望宜崇祀專用表儒林茲據安徽布政使
邱鳴泰查明詳請具

題前來

臣

覆核無異除冊結送部查核外

臣

謹會同體

仁閣大學士兩江總督

臣

蔣攸銛安徽學政

臣

胡開

益合詞具

題伏乞

皇上聖鑒勅部議覆施行爲此具本謹題請

旨

道光八年 月 日

題本年 月 日奉

旨該部議奏欽此

禮部覆題疏

禮部謹

題為

題請入祀名宦鄉賢事禮科抄出四川總督琦善會同

四川學政郭尙先疏稱云均請入祀名宦祠前任

四川總督戴三錫會同前任四川學政潘光藻疏稱

云安徽巡撫鄧廷楨會同大學士兩江總督蔣攸

銞安徽學政胡開益疏稱已故婺源縣庠生江紋賦

性醇良持躬端謹又疏稱云均請入祀鄉賢祠各

禮部覆題疏

取具事實冊結合詞具題請

旨奉

旨該部議奏欽此欽遵抄出到部該_臣等議得定例各省

舉報名宦鄉賢該督撫學政秉公確查每年八月以前具題並將事實冊結送部詳覈於歲底彙題又載各直省舉報名宦鄉賢應確核事蹟倘名實不能相副及僅以人品學問空言譽美者即行指駁以昭慎重各等語今查各該省送到事實冊內開前明四川重慶府同知周作樂雲南舉人_云又已故廣西梧

州府知府謝凝道 云 又已故山東新城縣知縣

陞武定府同知劉大紳雲南進士 云 所有周作樂

謝凝道劉大紳題請入祀名宦祠之處均屬名實相

副 臣 等謹擬准其入祀名宦祠又已故四川南溪縣

歲貢生包寬 云 又已故山東海豐縣巡鹽守備侯

肇安直隸天津縣武舉 云 又已故刑科給事中費

振勳江蘇進士 云 又已故江南來安縣知縣韓夢

周山東進士 云 又已故安徽婺源縣庠生汪紱家

貧侍母病數年躬自執爨具湯藥生平為學隨時體

禮部覆題疏

察不立宗旨於書無所不讀一以朱子為歸所著有

周易詮義尚書詮義等書足為士林矜式又前明壽

州殉節生員趙炯然云又已故雲南富民縣知縣

朱久括陝西人云又已故山東武定府同知劉大

紳雲南進士云又已故署廣東廣州府知府藍鼎

元云所有包寬侯肇安費振勳韓夢周汪紱趙炯

然朱久括劉大紳藍鼎元題請入祀鄉賢祠之處均

屬名實相副臣等謹擬准其入祀鄉賢祠恭候

命下臣部行文各該督撫學政遵奉施行再此本向歸臬

題合併聲明
臣等未敢擅便謹

題請

旨

道光九年十二月初十日具

題十二日奉

旨依議欽此

卷之三十三 禮部覆題疏

三

魚之洲之左言

九ノ六

与

雙池先生遺書次第刊行錄

乾隆辛卯同縣漳村王廷言顧亭太守刊參讀禮志
疑車丑洪騰蛟鱗雨孝廉爲之序

乾隆壬子王顧亭太守刊春秋集傳自爲序

嘉慶丙子先生族孫起潢等刊孝經章句孝經或問
嘉慶戊寅翰林院侍讀湖北學政嘉興沈公維鏞鼎

甫先生刊讀困知記

是年沈公又刊讀近思錄

是年沈公又刊儒先晤語婺源甲村李承端椿田水

部為後序

道光丙戌同縣洪村洪鈞梅坪中翰刊四書詮義原
十五卷因每卷篇頁太多析為三十八卷少宗伯
安徽學政樂平汪公守和巽泉先生為之序

道光己丑先生族孫膏德刊策略

道光癸巳洪梅坪中翰刊文集申丞安徽學政沈鼎

甫先生為之序

按洪氏刻先生文集其第七卷雜
文之前原藁有記十篇遺未刻

道光戊戌同縣龍溪俞錕堯章員外刊理學逢源少

司空沈鼎甫先生為之序

道光壬寅同縣延村金鴻熙道傳詹簿刊詩經註義
道光己酉同縣和源單士修佩綸別駕刊醫林纂要
探源

全一編ノ左ニ言

先ノ人

身

跋

同治丙寅春宗兄黼山年丈以所編雙池先生年譜
將付剞劂寄示凡例數則屬元裁酌黼山丈之祖筠
谿先生爲先生高第弟子實得先生真傳表章遺書
殫竭心力黼山丈仰承祖志學有淵源此年譜之所
由輯也元自弱冠後卽好讀先生之書竊以爲天地
之道亘古常新聖賢立言闡道亦相與日新而無窮
一而要皆有所不得已也夫論語學庸包涵六合至矣
盡矣無如爲我兼愛之說起率天下至於無父無君

使非孟子辭而闢之則孔子之道不幾息矣乎此孟子之不得已也孟子歿而道不傳周程張子出而於是以太極西銘等書之作其言又復無餘蘊矣乃四子甫歿而其門人已有背師說而淫於老佛者不有朱子則四子之言不幾散失而無傳乎此朱子之不得已也朱子表章四書註述六經功在斯文直如大禹之平成天地而當時禪學霸功已起而與之爲敵自茲以後良知之流弊考據之紛紜詞章之放蕩功利之沉痾先後蠱起皆欲求勝於紫陽雖力守宗傳

塞邪距諛海內落落數大儒亦足以迴瀾砥柱至於窮極萬變貫通三才析是非於錙銖杪忽之間凜閑存於涵養省察之際鼓動雷霆而陰凝無不破昭揭日月而幽眇無所藏浩然之氣粹然之辭著書二百餘卷一以發明朱子之學爲事雖極人生之困厄流離而曾不少挫其志則不得不推雙池先生爲任重詣極焉此亦先生之不得已也黼山丈曰雙池先生之於朱子直如孟子之於孔子學者苟不求乎先生不得已之心以上印朱子孟子不得已之心安知斯

言之信哉年譜之輯誠不可緩也元風塵鞅掌此事
久荒承黼山丈見屬之意且慚且感爰綴鄙言於簡
末亦以誌平昔宗仰之私云爾是歲二月中旬邑後
學余麗元敬跋

往余棲止吳中華亭姚子平山以世好相見年方
盛壯文章氣誼已有以過人者未幾別去郵筒往
來歲時不絕會承乏山左平山過余於濟南藩廨
復得銜杯話舊如吳中時距今又十五年於茲矣
學日益富文日益高名聲日益噪其所著述不脛
而走四方四方人士望之若 盛世之景星慶雲
焉此可羨也頃坐養素堂林園雪霽松柏蒼然正
有伊人之想忽南客踵門致一棧發視之則平山
所寄周甲錄也自敘平生行止甚詳一言以蔽之
則屢更憂患而不失其素者平山之所以爲平山

也此意惟余知之平山猶以德不加進業不加修
無以承先志啓後昆著其語於小序中蓋古之君
子雖造詣已崇而冲乎自下其用心有如此者是
以德業與年並進如松柏之老而彌茂經霜雪而
不爲之榮悴也記曰竹箭有筠松柏有心蓋言文
質並至内外交輝故松柏可以爲君子之喻而一
切前塵窮通得喪若寒暑晝夜自爲運行當局者
旣不以此少動其心而旁觀又奚必爲之嘸息哉
平山閱歷深而學問熟自此而耄耋期頤德業爲
鄉邦式爲儒者光所以詳之周甲續錄者正未有

艾此特可以粗見六十年來梗概爾乾隆壬申臆
月北平黃叔琳題時年八十有一

木才吉三書生不

松桂讀書堂集

華亭

姚培謙

平山

周甲錄

謙幼而多病長亦羸弱日月如馳倏忽六十年花
甲一周矣生在世族傳經傳笏不能奮發有為以
仰承先志蒲柳之質望秋先零皤然老矣追憶平
生閱歷信筆書之不覺感慨并集所自幸者多病
而不致短折亦彌用自愧其不材云其間瑣屑尚
有遺忘以俟他日補綴爾

寒族本浙籍一徙平湖縣之廣陳鎮再徙松江金

山縣之五保歷經數世前明及

國朝捷鄉會登仕版者六十餘人大父庠生贈文林

郎州貢公與諸父昆弟猶聚族而居先父

敕授文林郎內閣中書舍人息園公始遷居郡城歲

在癸酉康熙三十二年十一月十八日先母

敕封孺人張生培謙

甲三十二年二歲

隨父母入城居外祖中翰梅巖公春介堂未幾

移居於觀察許鶴沙先生之墨池

乙三十四年三歲

痘疹

丙子 三十五年四歲

丁丑 三十六年五歲

戊寅 三十七年六歲

受句讀於張友仙先生時同塾者孝廉曹賢符

充周秀才錢思魯 三省及兄明經霑扶 培枝

己卯 三十八年七歲

庚辰 三十九年八歲

羸疾幾殆

辛巳 四十年九歲

春病甚兩目若將盲者鼻衄不止骨立如柴時
幼科潘連雲進以人參劑服之轉劇乃依表姑
夫曹宗素所定方大進川連晨服雞肺散漸得
生機先母欲從事於禱先父不許強之再四計
所費投水中曰宜費錢禱無益也忽一夕先母
夢闍聖帝君曰汝子病無害喜而告先父并密
助銀裝飾帝君像以為謙祈福

壬午四十年十歲

癸未四十二年十一歲

甲申四十三年十二歲

先父建造采花涇住房秋遷居焉

乙酉 四十四年十三歲

受業於陸端士先生四子書草草讀畢授以詩經時病未愈誦讀之日少嬉遊之日多

丙戌 四十五年十四歲

五月讀詩經畢次及尚書白文歲終卒業粗能上口而已

丁亥 四十六年十五歲

讀坊選古文未竟

戊子 四十七年十六歲

是年病漸愈與兄霑扶仍歸五保祖居受業於

莊安汝先生時伯父太史聽熾公因金華守魏

公男與蘭谿令施公維訥互揭事涉及赴杭州

同學者五兄葵齋培益亡姪秀才欽先父謂莊

師曰此子幼多病今年已長大賴先生訓誨得

略識字粗通文理將來不至茫然無知已為萬

幸無他望也莊師旋為謙講解明文小題奈質

極庸下讀至六十餘遍尚未能精熟讀文三十

餘篇即令作破承題頗有思路莊師喜謂先父

與諸兄輩曰此生悟性頗佳尚可冀其有成至

四月作開講五月對股旋即完篇莊師教法最為綿密晨起令背誦昨日所授文辰刻講授生文一篇飯後作一開講講四書三葉必令覆講申刻溫習所讀經書八股文必令背誦燈下又為講史漢小學三六九日作文二篇日長則增經文一篇夏五兄就試江陰華婁二縣俱招覆謙不勝欣羨自恨文理未通不能應試連日不飲食先伯父諭曰臨淵羨魚不如退而結網汝能刻苦讀書取科第如拾芥耳一領青衫何足言邪謙退而勤讀不敢稍自懈怠至冬學業頗

有進境焉

己丑四十八年十七歲

春莊師移帳郡中住居姊壻楊含貞錫恒成進

士捷音至先伯父先父以兄輩官卷屢試不中

深責諸兄謙前曰無妨待時耳先伯父先父曰

人患不能有志加功汝為兄輩寬解則可若自

存此心必致偷惰日甚後三兄調圩培和癸巳

聯捷五兄甲午中式四兄心求培衷丁酉中式

二兄宅安培仁癸卯中式謙竟老大無成先人

早已決之矣夏隨莊師讀書於中舍吳南林先

生之梅溪草廬

庚寅四十九年十八歲

集學庸諸家講解請正莊師

辛卯五十年十九歲

受業於陸南村先生習時文外兼讀詩賦學作詩

壬辰五十一年二十歲

三月同人作莫春文會取論語莫春者七句分題作文會成百篇名莫春集與兄霑扶及明經蔣荷溪培穀昆季編次付梓鼎元戴瓏巖先生

與南村師選定而為之序

癸巳五十二年二十一歲

讀書於南村師築野堂春開科三兄中式秋成
進士先伯父集諸兄弟謂曰諸子中和質最魯
讀文非百遍不成誦今連得雋者以其平日之
攻苦也汝輩慎勿專恃聰穎不加學問謙聞言
益知自警由是每朝課文以粥至文成爲限是
年華亭縣試及府試俱第一名培本冬先父需
次京師授內閣中書舍人

甲午五十二年二十二歲

正月院試入青浦縣學首題約我以禮次題蹴
 爾而與之二句學使胡公潤湖廣京蒙人與伯
 父同榜相好臨試時外論疑公於年誼或有周
 旋且府縣試俱領案無不入學者胡公微聞之
謙卷竟以避嫌不閱同學陳子慕甫庭光以青
 浦縣周廷謙童生名勸謙進試得入學二月與
 姜子條本立自芸畊秦龍光宮璧金軼東門詔
 王漢階步青任翼聖啟運吳方來紱元起煜立
 荆其章琢周紹濂欽儲之盤又銘束聚五昌霖
 楊簡在名寧葉召南崇龔植巖麟玉諸先生及

木高書集
一時名宿訂交於澄江朱君淡中冲飲香亭上
作古詩一章以紀其事八月應江寧鄉試房考
官同知陳公學良首薦謙卷因三場策文不合
式被黜十月先父晉階中書科中書舍人

乙丑五十四年二十三歲

正月就婚平湖陸氏妻祖前江西方伯筠修公
之祺父青田廣文赤城公熾昌家教極整肅室
人性溫慎喜文墨燈窗伴讀頗得琴瑟之樂妻
父時嘗以讀書作文相勗時寧波蔣子季眉杖
之館徐氏與謙善親串中胡進士聞衣紹高陸

秀才德三邦傑 檢討坡星 奎勳 及方外借山元

環 尤相好詩文就正諸公受益良多涉獵諸經
兼讀文選李杜詩有疑義輒質諸坡星十二月
先祖父母父母受 封誥

丙申 五十五年二十四歲

二月先父抱病歸里八月十七日遭變遠近弔
唁者雲集料理喪事不致失禮俱賴先母先兄
謙 茫然無知惟守制讀禮而已比時一切家務
亦俱先母主持先兄奉行

丁酉 五十六年二十五歲

冬奉母張孺人遷居華亭通波門外

戊戌五十七年二十六歲

秋校刻劉后村詩集并詩餘詩話十二月初六日室人陸氏亡

己亥五十八年二十七歲

選刻元人七律名自攜十月二十三日妾呂氏生子鐘鳴

庚子五十九年二十八歲

二月探梅鄧尉遊錫山常州別駕趙淵如弘本署錫邑事招閱試卷盤桓兩月而返得詩數十

首長洲顧編修俠君嗣立作序題曰春帆集夏

錫山華君豫原希閔過訪相得甚歡隨偕至錫

山下榻劍光閣數日是秋華君舉於鄉。選江

浙考卷能事集明經陳履萬先生宏謨研精制

義至老不倦是選得陳先生之助居多秋應試

金陵與李芷林東樓程得莘之銘郭秋浦沈

確士德潛儲定伯思淳王鶴書之醇諸先生訂

交於方氏齋中

丑辛六十年二十九歲

春與朱初晴霞陸圃玉崑曾陳咸京嶠董弘輔

卷之三十一
丙申錄

杏燧張玉田琳起詩會齊集小齋一月三舉分

題拈韻即日成篇給事王西亭先生原遴選付

梓名于野集焦南浦先生袁燾札云于楚集詩

皆工妙吾鄉文學之盛其在是乎然而執旗鼓者之首庸舍足下莫屬也此事似緩而實急似輕而實重唯賈豎婦人乃以為不若銅錢之為緊要耳今日大病正在於此此乃斯文關係非細故也不知者或以烹為戲言是豈然哉是豈然哉願諸君子益復為之即此便不是白嚼了飯作天地一蠹蟲此義定非賈豎婦人所能知

因來札有冷淡生活一語似猶以熹為不識此
義故發憤一道之。選唐宋八家詩以次付梓
至雍正五年秋告竣東坡詩先成西亭先生勸
準茅氏鹿門文鈔例并及七家因取唐韓昌黎
柳柳州宋蘇老泉灤城歐陽廬陵曾南豐王半
山全集去取成帙冬錫山杜太史雲川詔艤舟
相訪商刻顧梁汾先生彈指詞

壬寅六十一年三十歲

批選左國史漢文至冬告竣相國高安朱公載
作叙秋錫山鄒泰和學士升恒攜其所著文就

謙商權歸後復以靖海勵滋大太史宗萬四書
時藝屬選。買倪園故址築北垞園為朱氏世
業相傳前明董思翁陳眉公皆曾居此一切水
石咸二公布置後歸潘姓榛莽圯毀重加修葺
頗費經營每於夏秋二季與二三知己尊酒論
文其中冬從坊人請選歷科小題房書名豹斑
以天蓋樓選本為宗亦得陳先生之助南浦先
生與書曰足下所刻于野集房書考卷并分體
東坡詩披尋數日未能遂窺突與于野諸君子
鼓吹風雅鏘洋金石豈直吾鄉盛事抑將使海

內人士望之若景星卿雲謂此為不急之務者
非知言也已於前札中道之矣房書考卷所收
皆清卓一種甚有益於初學恨其太少耳。同
四兄心求選六科小題房書自己亥至辛丑

癸卯雍正元年三十一歲

批選唐宋八家文七月告竣夏學寫梅花於童
素文錦。選明文小題笈

甲辰二年三十二歲

春富陽董君孚臣

邦達

過訪下榻寒齋李君坤

四宗潮與董君同年選拔招遊細林山舟中相

對董君善風鑑向謙諦視曰君相若多鬢則前程必遠大去後復有書來謙作書報之曰敬聞命矣并系以詩末白云他時重把臂面目得無差今董已官至侍郎而謙霜雪盈腮猶然故吾。相國三韓高公其位屬批閱考古類編數月而訖。選元人七絕亦名自攜。刻近詩自知集適雲川來選定并作序十月初二日葬先父於金山縣五保位字圩之胥浦鄉即墓之西築丙舍數十椽顏曰白雲莊十二月武陵柴胥山世堂來訪攜其尊人虎臣先生文集屬批選臨

別贈白云文章海內空
儕偶聲氣雲間獨主持
謙滋愧焉。閱校閩中闈
卷張大司寇草雲照
所屬也

巳乙 三年三十三歲

輯男女姓譜與張子含光鋒彙集諸書攷訂秋

於居室左偏葺書屋數椽庭中有松有桂恭和

學士題額曰松桂讀書堂落成時適醵水曹六

圃庭棟過訪為大書真率齋銘以勝客位六圃

深於古學著述不倦人與文俱高雖希闊聚首
而郵筒往來商榷今古時得其益焉

丙午四年三十四歲

校刻顧見山先生大申堪齋詩存先生前輩宗匠歷官副使經史子集俱有手錄定本更精八法片紙貴重文孫綏成思孝行完而學富與謙友善子光裕年十三便能吟詩作畫不意一月之內父子俱物故僅存一妾一女家藏古玩字畫散失殆徧是集印不滿百部板本不可問矣念之慨然

丁未五年三十五歲

九月十八日遭先母張孺人變遺田七百餘畝

及金珠衣飾等物謙不願分受先兄強之再四
取字畫及玩物數種非謙之矯情見兄兒女多
而謙止一子也

申戊六年三十六歲

春今相國海寧陳公世倌督理水利南來以節
鈔前明呂司寇吟語屬訂付梓。高相國還
朝招謙為西賓自揣學淺不足為人師兼正在
廬居遂薦同學曹諤廷一士以往曹以選拔入
都北闈中式庚戌成進士入翰林官至給事。
竟陵唐太史赤子建中攜近作梅花詩索序假

館北垞匝月而別。督學鄧公鍾岳保舉行優
咨部。坊人請選三科墨卷四兄心求主其事
謙列名焉自癸卯開科起至丁未止十月二十
二日祔葬先母張孺人於位字圩

己酉七年三十七歲

夏患瘡寸步不能行兀坐一室偶讀邱瓊山大
學衍義補節錄一小冊并叅以史漢諸書名六
官典故上年

詔令各州縣舉居家孝友行止端方才堪試用而文
亦可觀者一人郡學舉吳君白沙濬奉賢舉徐

君聖功樞南滙舉張君培三朱梅青浦令馬公
謙益會同儒學舉謙時謙在制中且自顧慙愧
力辭白沙中表尊行而與謙年相若契好無間
詩文同折衷於初晴先生後白沙授粵東河源
令卒於官賢聲甚著

庚戌八年三十八歲

改歸華亭學復姓姚。與諸兄及姪輩校訂先
伯父所輯松風遺韻三兄調圩獨力鐫板。署
教諭張公純舉報文行兼優

辛亥九年三十九歲

輯年齒考自初生至百歲外於史籍及說部擇其可供詩文用者按歲分卷。侍講顧小厓先生成天屬選四書制義來札云拙稿一生精力大半在此思一手定之今辰入申出尚有他幹必不可得矣別無可托之友不得不仰瀆於先生侍講文稿約六百餘篇擇其尤佳者二百餘首付之坊人惜乎雕板未竟也

壬子十年四十歲

改名培謙避祖諱也。讀鄺道元水經注此書多譌字得吳綏眉先生校閱全部又於綏成處

得伊祖見山先生批閱本讀之幾忘寒暑終亦不能一一記憶時王子香浦家柱讀書舍間略寓目已成誦甚矣天質之高下懸殊也後生真可畏哉冬膠城張詹事南華鵬耕來祝謙壽聯吟作畫信宿久之將歸書對聯贈曰江光祿冠世文章筆花吐焰鄭康成專門著述帶草生香謙何敢竊比古人至閉戶讀書則實有志而未逮

癸丑十一年四十一歲

衍聖公以書幣聘脩盛典四月來文云奉

旨纂脩盛典理合遍訪鴻儒以任斯職訪得姚某業
精著述名冠倫魁學海濬乎靈源不忘三篋詞
鋒森其武庫自富五車惟多識而博聞乃如今
而涵古移府檄縣行學敦請刻日束裝前赴闕
里蓋因孝廉胡象虛二樂嘗於公前道謙名氏
公又夙見謙著述謬采虛聲故有是舉謙自問
謏陋不勝抱媿且多病不能遠行力辭時上舍
張琴川範館聖府札致云聖公素仰盛名虛左
以待範明知足下高雅恬淡未必遠來而主人
之意真切必欲奉屈所以令當事造請云云謙

又浼象虛轉辭之乃已八月撫軍山東喬公世

臣列款叅郡守吳公節民內一款府試童生稱

謙在署閱卷合屬領案共九名通同得賄於十

四日繫獄南浦先生以詩相慰曰人間定可哀

此事復何來杯箴成蛇影文章豈雉媒飲爻占

悔吝遁甲向驚開聽取枝頭說馱羊未是災及

對簿訊檢都虛臬司徐公士林旋檄童生面試

俱能文後送院試俱入泮總督趙公弘恩察謙

無辜檄放於十二年八月十九日歸家在獄一

載有餘作時文四十餘篇名負暄草又樂府百

Page not available.

Please help scan and add.

页面不可用。

请协助扫描添加。

薦舉謙招謙入都少司寇馮公景夏亦欲薦謙
應

詔自揣學殖空疎力辭

丙辰乾隆元年四十四歲

冬出嫁長女於庠生朱桂桂順治己亥科會元
翰編岵思公錦孫幼孤賴母氏教養成立。與
鐘鳴完婚媳李氏總理兩淮鹽政繹山公陳常
孫女明經乾三宗仁次女極賢泚侍翁事夫俱
得體惜乎年之不永也止生一女許字雲南督
學師序張公學庠孫國學錦瀾曾楷子

丁巳二年四十五歲

閱臺海使槎錄得悉彼中山川風俗是書御史
黃玉圃先生叔璣巡視臺灣時所著閩亭陸太
守錦輯小鬱林叢書以其卷帙略多御史寄謙
刪訂而刻入焉

戊午三年四十六歲

七月游江寧八月張子古愚秉植偕往揚州逗
留數日乘興遊泰山時崑圃先生為山東方伯
在署盤桓堅留過歲適張子今涪奕樞自京還
遶道歷下遂以十月同歸一路唱酌得詩數十

首十二月嫁次女於太學生張曾墉曾墉河南
觀察鈞庭公孟球孫孝廉京少景初長子

紀四年四十七歲

恭注

御製樂善堂賦至明年夏成。箋注李義山詩集往年

有義山七律會意一刻大半出自初晴手筆茲

刻賴同學王子延之永祺相助秋集友朋投贈

之作彙刻名如蘭集。讀楚詞節鈔朱子注

庚申五年四十八歲

彙刻詩集八卷屬延之選定夏河道總督高公

賦以固哉草亭詩集授弟培恩轉屬校閱秋增
輯左傳杜注冬葬室陸氏墓在廣陳祖祠之後
不封不植於今十三年矣

辛酉
六年四十九歲

正月媳李氏亡三月楚詞節注成明經劉讓宗
維謙著叶音一卷并附刻焉讓宗篤學嗜古植
品勵行惜不遇以卒且無子少司成顧震滄先
生棟高致書曰楚詞注者林立然多苦作意生
新先生一以朱注為定本間補牀師一二并刪
去其議論使讀者虛心涵泳自得三閭心事於

意言之外千載眼孔不為成見所封嘉惠後學
匪淺矣讀書種子如先生及武進蔣子東委虞
山陳子奕韓指不多屈東委先生四十年前曾
於敝邑一晤奕韓于蘇郡常往來而先生獨未
得一面所心悵也秋編次平日讀經史臆見付
梓少司成又致書曰大集內經學史學端拜雜
誦具見根柢湛深春秋周禮與鄙意合者什居
八九乃知讀書到着實處自然所見略同周禮
為贗作弟近年來始持此論不意先生先獲我
心大快大快。輯類腋地部冬衍聖公選補典

籍移咨督學促行再四力辭不赴十一月江西
張真人 昭麟 送伊妹與姪崧完姻先兄故後家
道中落諸凡賴四兄心求相助料理崧成婚後
夫婦即來郡同居數載於茲矣鐘鳴入都後一
切徃還酬應崧代之

壬戌
七年五十歲

春著九歌招魂解秋校訂陸當湖先生三魚堂
贖言至明春告成先生宅相陳三蕉 濟 立傳付
梓冬嫁姪女於秀才衛祖謙祖謙父半村自浚
文才令美名重國學卒年僅五十餘同袍惜之

。類腋天部成

癸亥八年五十一歲

又四月與鐘鳴續娶媳顧氏河南撫軍小謝公

汧孫女開建令元珠 秉禮 次女五月節鈔通鑑

綱目羅列諸史及各種紀載考訂增刪不敢杜

撰一字學使荷澤劉公藻致書謙曰松江試事

竣即訪先生所在而司土者言已赴山東屢問

則屢云云也咫尺相左深為悵悒渡江址來忽

已春天每於花晨月夕諷咏佳著凡樂府古今

諸體固已卓然成家登古作者之堂矣其餘諸

撰造搜羅博雅校讐精詳於表章前哲之中寓
嘉會後學之意自吳中憺園吾鄉漁洋中州綿
津而外不多見也至注楚三閭箋玉溪生乃發
王逸所未言剖石林之欲露近日解疏家又無
論已自冬入春以淮揚被水不能考試日日閒
居而長江道阻無由時親大雅互相倡和思慕
之積如何可言謙與劉公從未謀面而謬蒙傾
倒若此能無愧乎冬刻舊著詩話對問二種

甲子九年五十二歲

夏類腋地部成九月增輯左傳杜注成崑圃先

生作序閭亭太守刻於家塾

丑乙 十年五十三歲

郡志失修八十餘年山東王公歛福來署郡事

聘中允黃唐堂之雋進士張研真梁兩先生總

其事謙與延之半村乾三及孝廉張虛受先生

澤城國學金耐亭思安為分纂謙病不能勝任

辭適王公移守潁州中止十二月節鈔通鑑綱

目前編自盤古氏起至周威烈王二十三年

丙寅 十一年五十四歲

正月節抄正編周威烈王二十四年起。坊人

以房書豹斑二集請方從事通鑑卒卒未暇因
屬今浩鳳放在璣昆季選評謙特署名而已

外丁 十二年五十五歲

春鐘鳴同姪法祖入都應北闈秋試法祖五兄
彛齋長子能詩文溫雅老成少年中不可多得
未幾竟卒於京邸哀哉夏閣學沈公德潛假滿
還朝六月十七日 陛見

皇上問及江南文風士習沈公奏謙閉戶著書不求聞
達

上云不求聞達就難得了十九日傳

旨進謙所著書籍沈公呈

樂善堂賦注四卷增輯左傳杜注三十卷讀經史二

冊

上覽云左傳經史甚好賦注尚有未詳處謙一介庸愚

獨學無師管窺蠡測何意得邀

天鑑欣悚交深

戊辰十三年五十六歲

五月節鈔正編至漢更始二年西漢畢六月節

鈔東漢起九月大病卧牀數餘日寒熱交作醫

者咸謂體虛宜進溫補如其言服參苓病勢轉

劇後飲西瓜汁一盞而愈養疴一室無可消遣
適案頭有劉氏世說何氏語林翻閱之下略為
增刪刻成小本又採書史中語切近有益身心
者彙寫小冊以便攜帶名書紳屬兄壻惠西嶠
承全作序。同延之增訂朱子年譜

已十四年五十七歲

九月於松桂讀書堂之東鑿池疊石種竹栽花
築室數十椽取真山民句顏曰松桂小菟裘以
為娛老之計十二月節鈔正編至魏咸熙吳元
興元年十一日東漢後漢畢十二日節鈔晉起

顧少司成又寄書曰通鑑綱目節鈔此係絕大
制作寧遲毋速寧詳毋略要須事增於前文省
於舊斯言實獲我心

庚午十五年五十八歲

八月得孫十二月哭王表叔惺齋貽穀惺齋相

國文恭公孫少宗伯晴村公次君為人介特自

喜績學工詩詞謙自甲寅歲謝客以來親友中

相過者絕少惟半村耐亭三蕉延之及張司馬

栖靜卿雲部曹二銘景星昆季范秀才師任志

尹表叔吳吟香澄王香雪貽燕與惺齋時時晤

言一室醺酒評花以消歲月半村三蕉於三年
前辭世今惺齋又作古人不勝知交零落之感

辛未十六年五十九歲

十月節鈔正編至晉恭帝元熙元年初九日三
鼓晉紀畢十一日節鈔南北朝起。考訂詩韻
一東至四支十二月二十立春日與延之起原
海文會於讀史樓

壬申十七年六十歲

春節鈔正編至劉宋元嘉三十年三月二銘重
舉原海文會於讀史樓夏考訂詩韻五微起至

十三元秋焚燒書札契券譙平生頗熱腸於知
交中不能膜視以致祖業消磨一切緩急有本
身及子孫貧窘而力不能償者悉行焚燒亦一
快事也。與延之選刻原海文會制義九月節
鈔正編宋孝建魏興光元年起十一月十日宋
紀畢十二日節鈔齊建元元年魏太和三年起
十五日偕友至吳趨寓張氏天游閣旅中仍課
鈔書十八日晨起步至虎邨天氣溫和獨坐千
人石酌清泉看山色遊人甚少是日賤辰以出
門得領靜趣不覺徘徊久之回寓已下春矣十

二月初五日歸弟明經健齋培運欲梓其尊人
帆江伯父遺詩十九日冒雪拏舟攜集來城健
齋乍從西江回是日相對寒窗擁爐酌酒話
廬滕閣之勝為之忻然神往歲除編周甲錄竟
系以二律獨有雙丸疾堂堂自去來吾衰行已
甚臣壯本無才細撥爐中火頻看雪後梅百年
難得遇明旦恰春回墮地男兒命升沉久任天
青雲渺何許烏几且悠然骭麟平生志崢嶸周
甲年昔塵同一夢畸譜愧前賢

徐文長自叙
年譜名畸譜



是仲明先生傳

先生字仲明號誠齋三國吳尚書僕射都亭侯儀之後
明初有名安三者由吳江徙武進之省岸于文山贅居
焦壘家焉今爲陽湖縣人三傳至宗立宗立兄宗本世
宗初以布衣赴京擊登聞鼓訴江南漕弊天子嘉之賜
鎮撫銜以歸譽家深忌之中以奇禍與宗立同受法時
並義之又三傳曰柄者字養涵有焦里聖人之目柄子
二長煥次炎煥無子以炎次子奎爲後卽先生父時稱
晚齋先生者也爲名諸生舊邑志列儒林娶堵氏明大

學士光化伯文忠公曾孫女謹於閫教先生生時體色
純青精覃神穎識者異之年十一隨父讀書西崦楊氏
潛心講習三載足不踰閩年十七爲詩歌樂府與醫士
楊蒼霖相唱和楊好狎妓私以先生詩示妓妓請一見
邀先生訪友啟戶見麗姝疾趨而遁自此與楊絕後楊
喪明旋沒先生憫其妻子與伯兄鎬師事澄江楊太素
先生斐文教以靜坐讀書專心爲己之學遂棄舉業立
日記驗消長課徒至吾非斯人之徒與而誰與當今之
世舍我其誰位者安其所育者遂其生俱流淚不止其

學端極於孝嘗曰盡仁之功仍不外於盡孝事親之至
卽所以事天與人論學曰吾輩之學當先其所亟而能
所不能斯爲有用又曰能知天親一本處用功則無往
而非天無往而非親也出王游衍無往非天出言舉足
不敢忘親無往而非親也又曰吾心虛處卽天一呼一
吸與鼻息相出入卽與上帝相陟降築書院舜山講學
其中是時澄江有克復會太素主之錫山有復七會顧
侯齋主之驥江有躬行會楊恒齋緩齋黃省齋主之其
餘則爲學會三大會赴者恒數百人學會赴者亦數十

人先生往來講習無虛月與平陵黃錫成醕齋爲畏友
其自言曰某自甲辰至辛亥與黃兄過從俱著力於毋
自欺彼我各有所得洵月異而歲不同也或問自欺之
目先生曰善知而不爲爲而不力不善知而不改改而
復行唐灣石桌齋年最長從太素游在師友閒而於先
生爲忘年友庚申九月晚齋先生卒先生痛絕者數四
旣葬遂廬墓以居初覆箬篷一夕爲大風所飄蓑笠坐
巨石下淚痕染石皆成血紋門弟子爲構屋黃郡伯永
年過訪作墓廬記居廬時咯血終夕不止長子洙婦顧

氏晨夕以漚令夫手進冬夜大寒洙自焦墊以瓦壺注乳遺父山中積雪沒脛一跌仆地失乳壺所在旣明於磴旁得之乳猶存也人以爲孝感所致伯兄晚年進德書牘往還稱爲舜山先生先生見之惶駭請勿復爾伯兄曰此由於衷非可強也稱如故江蘇學政尹公會一慕先生名撤儀從訪之山中兩疏薦先生學行會 詔舉經學大學士高公斌河道總督顧公琮交章舉先生以應先生堅臥不起滄甯陳相國世倌罷相南歸問途於秦少宗伯曰過常郡而不見是先生豈不抱憾終古

徒步登山拜晚齋先生墓自此名日盛忌者亦日益甚
邑令聖寶以無行不見答於先生令恨之先是季弟鋹
嗜博與伯兄戒之不悛先生跪密室中自責至是令誘
之列款誣先生守令至山移所著書去卒無以罪先生
後郡守宋公楚望命捐書院移建郡城爲龍城書院有
述令謗書於先生者先生怡然曰誠然當自反事白重
建書院講學如初卞生景純者澄江東鄙人也尙俠好
二氏後稍悔悟長於先生二年而請師事先生鑒其誠
誨之曰汝今日爲學不啻死而復甦以甦名齋可也又

貽之書曰旣篤志向學當如龍養珠貓捕鼠雞抱卵鼈
望生螟蛉之祝青蟲心相戀情相依精神相結寤寐飲
食與之爲一方有見羹見牆參前倚衡之效遂爲先生
入室弟子時宿遷陸迪上海張勛金壇袁光孝丹徒畢
桐溧陽黃孝樸江陰曹汝夔張敬立無錫錢心儆顧時
乘宜荆則有路應麟羊中輝吳炯吳煜唐夢訪咸先後
請受業兼講經世之學或問制民恆產先生曰或限或
均或井因時因勢因地而施問政曰當叢脞時宜疏瀹
毋壅塞宜燥雪毋昏倦事事謹始慎終斯已矣論賑飢

曰既無良法又無實心真正飢民未必均受其福凡事必先有成法然後審行庶幾無弊己丑先生年七十七往梁溪修整其學山居得疾歸山居本俟齋築以居其師而遠近來會復七者也俟齋晚年以歸楊氏漸頹廢至是先生始興復之與錫山諸老仍舉會其中秋疾益劇至九月二十四日卒未卒前夢訪與敬立勛等至山爲講堯典一篇及論語十五志學章中庸道不遠人章取各篇之節次詳說之又講雜卦大過顛也八卦不反對之故以姤一陰初生爲禍機之萌以夬一陰未去爲

私欲之累兩卦是學易切要大過顛也尤爲學易用力
切要處蓋先生之學於易理尤深故疾甚猶舉以相勸
云所著書有雜卦圖說聖學指南三卷晞顏錄孝經圖
頌道南學約配陳氏有賢行子三洙沐潮論曰嗚呼謗
讟之可畏固如是哉先生以明體達用之才天爵自貴
亦何惡於人而謗之罪之之不容已若斯之甚哉原其
故始於睡毗之怨耳然而難發家庭親而易信流俗不
察從而和之覆盆至今吁可怪已嘉興金吳侯瀾喜讀
儒先書會令武進求先生遺書得張敬立所撰年譜則

先生之言率然具在閒眎予爲論列之庶幾先生之道
積晦百數十年之久者自此大明於後世則侯表章之
功也敬立有曰有范彥卿者隱君子也先生年三十二
往謁之呼先生而言曰是某何遠近聲稱之籍籍也吾
疑之孔子聖矣喟然歎曰莫我知也夫已而曰知我者
其天乎蓋知己之難如是故古之君子邈世而不見知
惟邈世不見知所以爲君子先生每想斯言輒爲悚懼
嗚呼以先生之盛德不幸而蒙謗至此彥卿之言真有
味哉

光緒十二年秋七月元和柳商賢撰

毘陵是氏世系

鉄

字器之號
焦浦

淮

字國賢號
沙邨

柄

字爾持號
養涵著有
周易廣義
自得居詩
鈔蓉亭隨
筆

煥

字朗如

炎

字燠如

奎

字玉雯號
晚齋邑庠
生 恩錫
八品著有
尚書存真
詩經復所
禮記彙編
四書綜貫
大學古本
注儒宗象
指家禮彙
通韻彙同
歸擇言集
教學編禮

餘經書字
鑑孺家廣
記南華闢
意楚詞聽
直補訂寒
山詩貫珠
道鳴集赴
機集農圖
新書訓子
隨筆講學
語錄大易
元象太古
元音

曉窗小象 昔年三十有二
復齋姚培敬寫



始於何始終於何終天地之大
萬類曠二古人逝矣眇茲一躬
晉陵長鏡仲明自顯



舜山是仲明先生年譜

先生諱鏡原名鑄字仲明號誠齋金陵先賢吳都亭侯尚書僕射太子太傅子羽公諱儀之後居毘陵焦熱鎮父諱奎號晚齋讀書好古學問淵邃著述博富邑乘采列儒林舜山平生游衍之所因卜葬焉先生結廬墓側終身孺慕創建學所講道授業學者稱爲

舜山先生

闕按唐夢訪撰行述明初有名安三者由吳江徙居武進之省岸子文山贅居焦塾

家焉遂世爲武進人三傳至宗立宗立兄宗本世宗初以布衣入京擊登聞鼓訴江南漕弊天子嘉之賜鎮撫銜以歸辭家深忌之中以奇禍與宗立同殉時並義之及三傳至柄字養涵子二長煇次炎煇無子

以炎次子奎爲後卽晚齋先生也爲邑名諸生娶堵氏前明大學士光化伯文忠公會孫女尤謹聞教

康熙三十二年癸酉六月二十三日先生生

瀾按行述生於南園

故 第 誕時體色純青精覃神穎

三十三年甲戌先生二歲

三十四年乙亥先生三歲

三十五年丙子先生四歲

從伯兄思齋編明句讀

三十六年丁丑先生五歲

三十七年戊寅先生六歲

三十八年己卯先生七歲

三十九年庚辰先生八歲

四十年辛巳先生九歲

四十一年壬午先生十歲

四十二年癸未先生十一歲 隨父晚齋讀書西嶼楊

氏塾同學諸曹好弄先生讀不輟潛心講習三載足

不踰闕

四十三年甲申先生十二歲

四十四年乙酉先生十三歲

四十五年丙戌先生十四歲

四十六年丁亥先生十五歲

四十七年戊子先生十六歲 訓蒙澄江西鄉雙橋謝

氏得脩給甘旨羞養父母散館歸雍容庭幃田盡親
歡館舍狹窄先生處若廣廈雖酷暑未嘗出館納涼

四十八年己丑先生十七歲 學爲詩歌樂府隨體輒

肖楊蒼隸醫士也與先生時相倡和楊好狎妓屢規
勿悛一日楊以先生詩示妓妓仰慕綦切託求一見
先生峻拒之楊佯邀先生訪友啟戶見麗姝知其誘
已趨而返越日楊復至閉門不納後楊喪明旋卒妻

子凍餓多方周恤之

四十九年庚寅先生十八歲

五十年辛卯先生十九歲

五十一年壬辰先生二十歲

五十二年癸巳先生二十一歲

五十三年甲午先生二十二歲

五十四年乙未先生二十三歲

五十五年丙申先生二十四歲 讀孝經至言滿天下

無口過行滿天下無怨惡一章因於六月二十三日

誕辰矢志於關壯繆公祠倣袁氏昨死今生之說立
日記志功過

五十六年丁酉先生二十五歲 師事澄江楊太素先

生斐文字成教以靜坐讀書專心爲己之學遂棄舉

章號愚齋

業立日記驗消長 朱玉節鼎鉉同館宋圩矢志切

磋課徒至吾非斯人之徒與而誰與當今之世舍我
其誰俱爲淚下至位者安其所育者遂其生更流淚
不止

五十七年戊戌先生二十六歲 秋九月隨父晚齋與

楊太素赴錫山顧侯齋先生

培字

學會得晤鄒天目

吳卜臣孫立三驥江黃省齋

呂聲

楊緩齋廣陵朱止

泉

澤漢字

諸先生凡有質問四座傾聽肅然改容甚

有涕泗交流不能自已者侯齋欣然色喜曰斯道也將興矣吾自已已與吾弟恆惺舉會以來未嘗有此

警特

五十八年己亥先生二十七歲

九月錫山舉學會先

生建議東林書院宜增龜山楊子於橫渠之下以明

東林道脈之源流平陵姚學顏於會中見先生稱先

生進道之力持守之堅

五十九年庚子先生二十八歲

季弟某

瀾按行嗜博
述名錄

先生與伯兄勸之不悛以己不能善導跪密室中以
自責 平陵孝廉黃容士 錫成 於去秋東林之會即
心慕先生是冬得晤志合意孚嚴相切磋工夫學問
更加精進楊緩齋聞之歎爲海內絕無僅有

六十年辛丑先生二十九歲

九月隨父晚齋赴東林

學會和來字詩云只因此理自天來一點生機到處
開徧塞兩間原是我更從何處有形骸又和融字詩

云纔有微私便不融好春立地變寒風休言觸處皆
成礙一已形骸旦暮通送朱宗洛北還詩云海內交
游孰我同山居何幸與君逢相期便欲成千古自任
還思係一身信得乾坤原簡易始知學問在中庸百
年易過渾駒隙直下應須有實功登樓復七和輿山
原韻詩云年來胸次盡休休滿壁藤蘿不挂愁俯矚
川流千古在遙看煙景一時收閒如野鶴招誰辱靜
若淵魚尙孰求陰翳盡融忘物我宛然身在揭陽樓

六十一年壬寅先生三十歲 館於郡城 先生自丙

申夏誕辰矢志後每丁初度必豫齋戒祓心申矢有加孟秋朔乃進矢於孔聖先師神位前筮之遇地水師之地勢坤互地雷復之初先生曰精一執中其本也敬義交錯循環夾持其功也不遠復昔人所謂入德三字符也顏子蓋以示其準注之名聖學指南

雍正元年癸卯先生三十一歲以心身言行四者做琴譜減字法記過自省過以得罪於親爲大得罪於親卽得罪於天每夕必循所犯輕重多減自懲自訟月晦則總核其數焚香告天如有欺隱願降罰厥躬

俾知儆 先生曰盡仁之功仍不外於盡孝事親之
至卽所以事天 十月寄寶應朱止泉先生書略曰
明命之體頃已畧見端倪蓋吾心本自粹然至善如
皎日無纖翳之雲但吾明之之功少有不緝便忽暗
而生蔽種種不善皆由之起 錢必蕃問制民恆產
之道先生曰或限或均或井因時因勢因地而施
見錢啟新先生電記云面孔上常要有血一語不覺
卒然發赤乃對一句於下胸窩裏不可無心 伯兄
句有限精神多漏洩煥風吹作小春花先生續之云

小春正是收藏候莫得微陽便放芽

二年甲辰先生三十二歲 正月赴錫山學會 先生

直數驥江黃省齋先生之過曰本原未徹俗腸未破
精神易散亂操持常走作生無所得死無所據一朝
枯落豈不悲哉又無恃年高當悔從前錯過重如小
學生從上大人寫起送別至長山嶺省齋賦詩誌感
云置身最高處此望厯層厓防我分攜後依然與俗
諧後省齋來札畧來前月造候蒙示等語銘佩儼同
日誦別後又覓尊記細讀至治心謹密處深人仰止

至責躬刻厲處令我汗顏向聞一棒一條痕一搥一
掌血非二兄學力之謂歟夫今此之繼絕學紹微言
者將有攸歸矣又細味先生日記最愛不可翦綵爲
花之說至妄言謂何異獸啼鳥鳴其言固已警策以
予論之猿啼鶯語何害於人惟小人任意妄言其毒
可勝道哉又云先生日記不敢輕入人目非是自私
蘭陵瞿朝晉將所輯孝經廣義就正 著曉窗心
譜 夏六月晦夜焚香申矢上帝退而筮之遇困之
剝互家人釋策而歎曰吾向者嘗筮於天矣遇震之

噬嗑互蹇不謂其蹇之至於斯也已而思剝而復俟
諸天困而亨求之已道卽不行於天下化必起於家
人吾又何憾言物行恆修身之要道致命遂志求仁
之極功詩云夙夜基命宥密非厚下乎孟子云居天
下之廣居非安宅乎其曰觀象觀斯象也但未知能
終上天之玉成否 遇雷雨雖盛暑必衣冠夜必興
堵孺人素畏雷先生不能在侍則自跪榻上至達旦
稟於父改名鏡著 聖學終始圖以大過姤至夬
八卦斷宜自爲一局以大過一卦作統領而循環錯

綜以觀之 八月朔旦恭謁先師頌云大哉先師朗
爲人曜克配彼天端極於孝一以貫之卽治卽教人
皆可爲孩提天造是爲至德是爲要道竊有志焉永
宣厥耀 與諸同學講誦孝經云離身無立身之地
離仁無達孝之塗 兄病初愈畏寒以棉衣脫兄覆
足夜已半足無覆具見母衣在牀首不敢取以覆足
謁范彥卿先生先生古之直信人也有隱德嘗呼
先生而言曰是某何遠近聲稱之籍籍也吾疑之孔
子聖矣喟然歎曰莫我知也夫已而曰知我者其天

乎蓋知己之難如是故古之君子所以遯世而不見
知遯世不見知所以爲君子是某吾恐虛譽則隆矣
先生每想斯言輒爲悚懼 友問自欺之目先生曰
善知而不爲爲而不力不善知而不改改而復行
先生曰六藝不與久矣天下所以無真才世儒所以
多迂說顏習齋北方豪傑也然專以之爲主則失之
小潘氏用微肆攻程朱究之不得其當至說大學并
欲驅經而已之矣烏乎可然其所云格通人我強恕
反求擴充四端根本孝弟篤志力行之言又未嘗非

孔孟求仁之良法也不可因噎而廢食 謂章見心

圖軒先生象孫

曰本末原一貫栽培其本正欲條貫其末又

人之生也當與天地之心息息相續未濟曰不續終

也少不相續形雖未死心已死矣吾人當爲天地續

心聖賢續命 十一月朔日與諸同學謁孔聖先師

神位 誦孝經益知敬義之德必由之以行方能四

達不悖上下咸昭 自題小像云始於何始終於何

終天地之大萬類憶憶古人逝矣眇茲一躬 黃容

士於都中寓書云吾兄趨向既正用力又勇續承道

脈責任匪輕先生曰足爲深愧 從父兄游野山美

而樂之得一地甚佳欲與同志築廬其上以爲講習

之所葛堯中先生善數學占之大吉送葛堯中之澄

江至孔灣登其峰曠望江天同至野山占地坐石林

葛言學貴闇脩以此爲二三知己默修默證潛相往

來之地 爲瞿先生參訂孝經廣義時藩政鄂公爾素已梓先

生保甲全書欲并使付梓 周儀聖冒雪問學先生曰顧名思義

可也求受業曰爲師難爲弟亦不易今之求道者亦

有如李延平所云不啻飢寒切身者之求充飢寒之

具之切者乎

三年乙巳先生三十三歲 正月從父兄游野山赴石

栗齋唐灣之會

潤按行述時錫山有復七會俟齋先生主之澄江有克復會太素先生主

之驥江有躬行會楊恒齋緩齋黃省齋三先生主之其餘學會隨地舉之無定所三大會赴者多至數百人學會赴者亦數十人栗齋年最長從俟齋太素游在師友間而於先生為忘年友栗齋稟性寬齊則先生贈之以成其德也栗齋亦時來晤有以輔翼先生之德命宣講先生曰不於父

師之講是聽是行而講於父師之前非禮也孔子云不學禮無以立竊以為必欲講莫若禮禮者其道之矩乎蓋道可通言禮難虛借復命之講曰講易行難

張公覲問立志之方先生曰身者志之質也知自頂至踵一毫一髮莫非志之所在而不敢毫髮有疚則志立不此之務或存一天下萬世之念於心以爲志是以念爲志也不久卽息或因一念之發震動一時以爲志是以氣爲志也不久卽弛 楊廷章阨於遇先生勉之曰處困如逆風進船猛力向前猶懼退墮稍一懈弛便成覆沒不可不謹又曰入冶而光發始見其爲金經霜而色茂始知其爲栢吾輩於此徵學力授以學程曰從容有序負重涉遠其行徐而漸

疾始無竭蹶之虞可要其至 唐以成謂六書之道
幾於長夜矣先生曰不特六書也學問之道亦然會
須獨闢乾坤重懸日月以成曰凡後世無用書文皆
可刪也先生曰不特書文也凡後世無用服物皆可
刪 六月寄書黃省齋有云靜觀時事若以潛脩默
證爲宜無窮之懷非楮墨可盡 七月黃容士來訪
先生曰學術之多歧久矣果欲肩任斯道接引來學
務宜虛衷雅度曲而致之融而化之以漸歸於一慎
毋先立門戶之見卽與辨析使之望風而去甚且墜

其壁壘益爲吾道之敵至於居官立朝尤爲害身債
事之媒他日者聚散雲泥不可期必此言宜深識不
忘 八月孝經頌成 九月孝經翼成 致書寶應
朱宗洛有曰心體工夫稍見親切漸有不容自己之
機一念之非起卽自覺卽覺卽克殊爲省力理欲之
界真是間不容髮乃知從前工夫皆爲把捉念頭雖
極勞苦終易走失卽所謂志亦不過一時淨氣故爾
作輟不恒不成片段 與同人論學曰吾輩之學當
先其所亟而能所不能斯爲有用又能知天親一本

處用功則無往而非天無往而非親也出王游衍無
往非天出言舉足不敢忘親無往而非親也又吾心
虛處卽天一呼一吸與鼻息相出入卽與上帝相涉
降 伯兄曰私意蔓延誠當從根本拔除否則去一
萌一萌復生是終無已時也先生曰以愚觀之去一
萌萌且倍生不特一萌而已也蓋根蟠已固久而益
甚隨處迸發交相牽引其勢自不得不然不可不懼
黃容士臨別謂先生曰直受易力改難六字已書
之座右爲終身白圭之戒惟願吾二兄讀書從容有

序各就地頭理會而無燥迫鹵莽之失也

四年丙午先生三十四歲 三月赴鄭蕩館舟行石尤

風緊謂鄭生曰爲學譬牽舟銳則絕弛則退朱子曰

寬而敬乃悟處家爲學皆宜用此三字 八月聖誕

與黃子容士恭謁是日各另立日記互相觀摩以漸

底於道 九月朔日到館燈下獨坐如有所失蓋自

前月往溧陽造黃子容士宅惟候姚學顏羅古梅二

兄去來者二日與之共起居者二旬黃子夙興夜寐

事事整飭未嘗見其有惰容昏氣又聞其天資穎敏

幼有神童之稱因索觀少作及中卷皆才裕理充迥
出流輩黃子旣弁髦視之恂恂闇質若目不知書者
然間與論學論治則達本探原洞析今古旁趨詭竇
皆不足惑之眞益友也 赴錫山學會橫山有舊徒
欲附學以居母喪謂其父且先教之以禮讀書非精
神不可居喪之禮不飲酒食肉乃可哭泣悲哀精神
羸憊難於進讀 河南吳四不品甚高寄意丹青爲
中州名手用一印章自稱子路門人託繪移形東海
圖懸之室以寓勉有私記一則

黃伯牙學琴于
成連故事也

十月寄答黃子札勉以宏毅 十三日堵孺人七十

壽辰迎養館舍曉起焚香謝天默有所禱不覺流涕

喜懼交集

自後先生言及壽卽涕泣故門人未嘗以壽祝

五年丁未先生三十五歲 二月十八日孔子忌辰齋

宿焚香謁神位前恭謁以孔子十五志學爲已得作

聖之基又嘗以乾九三爻言爲孔子成聖之功蓋必

終日乾乾夕惕若學乃進不然則亦日退而已矣又

安望其能立能不惑而知天命耳順而從心所欲不

踰矩邪矩者何卽易所謂乾元用九乃見天則之則

也先天而弗違後天而奉天時是之謂從心所欲不踰矩嗚呼非甚神聖其孰能之初學之始且求事事循天矩 與友人論日記札日記而不存不如不記存而不省與不存同苟欲存欲省則非簡非嚴不可

答友問政略曰治貴得人在因其俗擇乎前今之善政而酌行之其民必曰是前之某令復來也是吾深受其德而謳思不忘者也則已不勞而令下如流水或涖任之始政教猶未行時當叢脞宜疏濬毋壅塞宜澡雪毋昏倦事事謹始慎終斯已矣

論賑饑

曰既無良法又無實心真正飢民未必均受其福凡事必先有成法然後審行庶幾無弊 文王彖六十四卦獨於坎言心以其一陽在中也夫子傳三百八十四爻獨於復言仁以其一陽在下也天地之至貴者惟陽如不藏于下而蘊於中則亦不足貴矣謙卦山在地中不惟艮之浮陽於此而藏以謙互觀之卽坎也震也亦於此一宅而寓所以其卦六爻皆吉甚至合天地鬼神而言之非溢美也此皆先聖作書大旨所在易曰不遠之復以修身也修身之要在誠意

不遠復誠其意而已矣 孔聖誕辰卜一齋名得一
誠字謹載拜示于黃子曰嗚呼至矣其敬義不遠復
之本與 十一月冬至恭謁先師爲楊名國

壁號筮
凝齋

志與

先生同學晚齋長先
生一歲心師先生

六年戊申先生三十六歲 與黃容士同館郡中二月

十八日李時育童見心黃容士及先生偕游聖廟登
明倫堂慨然有感容士曰學至今日紛紜極矣茲幸
諸友相聚宜首求畫一見心曰莫如誠意先生曰其
如暗室無燈昏衢無導何大學言欲誠其意先致其

知又曰知至而后意誠其序自不可亂也但致知必
須格物而格物之旨必以朱子爲宗庶幾無誤耳
拜贈醅齋二字於容士先生 二月晦率妻子跪香
訟過

七年己酉先生三十七歲 十一月初三日癸酉先生
從父兄在舜山豫營宅兆其山蜿蜒多石而部伍秩
如名石龍嘴穴前有池虛涵萬象清鑒毛髮共期以
反終之地爲原始之日各立日記互相夾持以洗心
退藏于密 因思原始反終姑無論至誠達天無聲

無異卽自孩提色笑以迄于今人僞日滋天真日汨

正如行者之去家鄉漸行漸遠回首家鄉已在縹緲

雲山之外爨于至日曾作楚聲以招之東有弱海西流沙只南有

炎火北凝冰只上有罡風下幽都只是皆害心不可

以之只中有安宅大無外只日月為曠禦雷霆只四序春溫燦羣芳只魂兮歸來其樂無窮只夜不寐披衣起坐提誦如久客

初還無限欣戚瀾按行述惟時一家之中父子兄弟融融洩洩其樂有不可勝言者先生

見極敏悟極速先儒之書一覽卽竟其蘊雖在父師畏之愛之亦若忘其為子弟也者惟平陵黃醕齋沈

潛果毅時有以攻益之足為生平畏友故曰自甲辰至辛亥與黃兄過從俱着力於毋自欺彼我各有新

得洵月異而歲不同也 觀河洛惟天五天三天一皆不易位

何也五居中以御極帝也三出乎震一勞乎坎出所以始勞所以藏出而復始循環無端互古不息默運其樞而默握其樞者非帝乎苟無帝以統之孰主宰是孰綱維是三者之位故不易然則天七地九之相易何也七金九火也火金相易而陶冶中和後天變化之用於是乎出君子之學亦可觀此而識矣 玩易大哉乾乎必始於復復之初卽乾之元也至日閉關卽潛龍勿用之義復則无妄无妄誠也曷爲乎无妄動以天云爾動以天之謂帝出乎震循此而往又

何不吉乎學易者須知此 父晚齋與楊名國及先生靜坐言程子喜觀雞雛先生言某喜觀赤子初學真心既渙試想他在母腹中母呼亦呼母吸亦吸天人未判時是何光景行立坐卧且從此攝持逐漸完養醞釀既久一語一默一作一止氣象迥別 有瞽而丐者身無棉衣冒風而至寒甚留宿均已之禱以覆之因與諸生講西銘及師冕見章之義曰無惻隱之心非人也若禽獸草木見之彼知惻隱乎石先生曰吾輩少飲數杯便可延貧民一夕之命先生曰此

漢文帝所以深惜露臺之費也高忠憲刻刻爲貧民
算計亦有是言亙古亙今彌綸布濩只此一點仁心
觸處發見

八年庚戌先生三十八歲 八月聖誕求聖林遺楷刻

孔子神位得香枅爲趺適於是日告成與楊名國恭
謁且以聖趺餘木製爲教朴以示儆偕游舜山登峰

謁舜像歷覽江山北望燕京有懷黃友

醇齋
入都

降至晚

齋壽兆思構廬其旁爲洗心求志之所且謀舜孔相

配諸願徘徊營度久之而歸

有自
序

得豫章魏顯國

儒林全傳海甯相國學辨及放蛙說儒林全傳斷自
先師爲儒家宗統可爲特識而終於吳澄是冕旒而
娼屨也烏乎可庶幾其許白雲先生乎學辨中論大
學格物及宗儒氣質性命諸說多先獲我心至放蛙
一說寓言也正中今日呂氏之禍漢之黨錮宋之僞
禁所自來矣凡有志於學者永宜切戒 寓言醉齋
畧云吾二人正當異地同心顧名思義閤然自修
乎其醕各踐其實方不負遠學先師近宗朱子以誠
相勉之初意入都時有贈行詩云學術從來只兩端

更無中立可盤桓秋毫義利君須審一脈幾希在此
看又云肄業成均素志端好將經義更盤桓六經疑
義非難了二點靈臺未易看 謂伯兄曰兄至館宜
取一部義理書從容玩繹不特可以變化氣質涵養
性情且可以收攝精神擴充才識也

九年辛亥先生三十九歲 八月答寄黃醅齋先生書
略云在都旅况困陋不堪殆天將降大任於吾友故
爲是種種拂逆與諒兄處之必能動忍增益不負所
玉成也

十年壬子先生四十歲 五月在淮安之宿遷陸氏陸

王門 發 陸惠吉 迪 瀾按行述 二陸李氏甥也 同心志學立日記其

宗人九成 韶 亦欣然其學先生曰學人通患初奮易

持久難倘能不以聚散而異情始終一日以各有所

成也則斯舉也誠千載矣 先生曰心猶穴也心僞

則百事化假雖竭力彌縫僅可欺俗難逃識者 聞

彈唱歌詞益加警策朱子謂今人忙迫一場便休清

夜思之終身忙迫究何事耶有益於身心否耶有益

於古今否耶白沙詩云今人忙處古人閒所謂閒者

惜分惜寸朝市山林皆有事在又非世之悠游玩愒
浪死虛生者可同日語也隨處盡理隨分盡情憧擾
何爲 十一月黃醮齋先生病革口授遺札寄先生
云吾今日始與二兄永訣矣爲學工夫只在致知誠
意四字依他做法直至聖賢地位並無差錯不必他
求也大道仔肩今在一人不可不勉命子孝樸書畢
取視之遂瞑年僅三十有九先生得遺札訃音爲位
慟哭血淚交下斑駁滿紙孤舟風雪扶病攜梅及購
病中所嗜陳設靈几刺血和隄糜爲之點主作文以

祭之復至柩所拜哭親視畚鍤手植雙松表其墓曰
先友黃醕齋之墓

十一年癸丑先生四十一歲 先生復往宿遷 八月

朔日借李敷思陸琬林起程謁聖初八日至聖廟大成殿謁後側身而進敬焚謁聖文與聖學指南及黃友臨終遺札以示不忘焚竟退而肅拜於殿門之外禮畢復屏息進殿瞻仰聖容冕旒玉藻九垂垂衣裳用繪朱履懸瑱秉圭左右佩玉溫潤栗然神光四映又若凝睛俯視者聖前抱著載拜龔篋入道之方遇

恆之坤互夬合之初筮至聖心傳益無遺蘊矣坤加
厚也夬剛決也皆子路請益無倦之意 游泰山登
其巔著魯游記 二十七日在睢甯之壽鹿山李氏
東樓夙興北向遙謁尼山聖廟東樓爲李氏藏書之
所先生自五月杪居之焚香展卷殆三月矣顧涇陽
云人有福方肯讀書書有福方遇肯讀者以此爲最
問陸惠吉曰已識心之家否答曰其仁乎先生曰
是孟子所謂安宅也予謂心無家以天爲家廓然大
公無聲無臭所云退藏藏於是然須識飲食男女百

萬金革之中亦有密在方不入寂滅窈冥去彼二氏之所云密者鬼爲耳非家也不可錯認 九月九日在宿遷思父兄悵然於懷與陸氏兄弟勵志上達以當登高 謂惠吉曰爲學之初宜苦心獨詣致力於人所不見之地雖同室如兄弟亦有所不知雖同榻如妻子亦有所不覺久之自有形著動變之妙夫人之精神其畜之也專其積之也久則發之也盛而傳之也速 九月十五日朱子生辰陸惠吉納贄謂惠吉曰宋儒告君必從致知誠意說起固是正本澄源

之論然此但可施之經筵侍講從容暇豫之時若事
事必欲從此開端反覺迂緩而不切于務不若孟子
之好貨好色好勇好樂因事論理納約自牖當下提
醒易于感悟也 既望霜降坤初之象也始于一念
之微遂成千古之戒者多矣由于不善之根積之有
素辨之不早也人欲中之天理易見天理中之人欲
難知所以學問莫先於致知而功莫切於克己

十二年甲寅先生四十二歲 二月有淮安之行堵孺
人賜佳茗一函太平錢一枚曰茗汝所好途中可以

解渴佩此錢以行保汝一路太平無事也先生敬受
趙俞兩友來送行因境以勸學曰黃庭經云閒暇
無事修太平當此之際不做些閒工夫殊爲可惜

啟行父兄送之至石堰觀桃花透迤邐徑處處令人
流連父兄旣忘先生之出門先生亦若忘其遠出者
天性之樂與春風春氣其相和洽 千里孤行遇一
同郡之人不啻骨肉之親今之人何以骨肉反同胡
越曹真予先生體仁策發明此理極透 三月朔日
在舟中默誦孝經西銘正氣歌 初二日次淮安觀

糧艘次清江浦過閘逆流而上勢如建瓴較之他處
游行百倍其力尙難得過若稍鬆懈便隨流傾瀉直
落到底莫可用力先生曰凡學之境遇至險逆無不
皆然可儆可懼 初七日抵宿遷言于吳凝輝先生
曰只詭詐二字將心性根由盡行剗斷只惰慢二字
將此身模樣盡情頽廢身心者萬事之基本基本既
壞雖有他美不足救矣 偕九成諸兄從容緩步觀
桃花卽境談心因心論道誦點爾何如節注有三三
兩兩勿忘勿助鳶飛魚躍之趣 札陸玉門兄弟云

因足瘡未愈在宅靜養一室中間坐間卧溫讀四書
集註心定目明覺得聖賢意旨皆不啻自中胸中流
出惜不得與昆玉共之也 梁溪龔男占

戊戌秋會
于共學山

居會與矢志日記互相切
磋一時奮興共得十人

館于宿遷候焉論學先生

曰今之學者大抵壞于貧之一字苟于此而堅其守
以義命自安而不爲財利所誘則庶乎可以進德矣

復至壽鹿山李敷思歡迎設宴款洽復上樓讀書
敷思豫拂拭以待客歲所讀之書皆整列如故猶未
有動因思古之于臣去三年不反然後收其田畝誼

誠厚也靜言思之覺得古人意味事事悠長今人意
味事事淺薄氣化安得不澆促

十三年乙卯先生四十三歲 八月二十七日筮構學

所遇良之八因筮同人其學之方及已要終之道遇
頤之噬嗑互坤三五先生曰頤養正也頤中有物曰
噬嗑少有閒焉則養失其正而中爲不通坤三坤五
之文章皆已先失其本矣又烏能暢且發哉然章而
曰含文而曰在其中其尙綱之心至也歟乃著聖學
指南分爲三卷晞顏錄孝經圖頌道南學約雜卦圖

說 堵孺人疾先生躬侍湯藥衣不解帶數月無倦
容六月孺人卒無力舉殯停柩於家起居醜食伴宿
于旁者五載 四月楊太素先生疾革召先生至榻
前正冠起坐而丁甯以屬曰今日三邑學會雖老成
彫謝日就式微留此餼羊苟得一二有志有力之士
出乎其間自不難振興光大斷不可因噎廢食令此
廣陵散遂成絕響吾子勉之矣從此遂不復語 五

月澄江下采金

景純

來訪

乾隆元年丙辰先生四十四歲

八月聖誕日恭謁孔

聖神位或以孫淇澳遺墨來售有入石精神何處看
紅燈一點向前團之句先生曰其殆示某以立誠之
道乎憶自戊申初遷居祠側予年三十有六是歲與
平陵黃友同館郡城先是草木之辰以聖林文楷敬
鑄朱子手書大成至聖先師神位配以香枌跌座終
身師事之至是日復偕黃友恭謁文介公故宅今黃
友冢上之草已宿訣別以致知誠意四字遺勉客夏
暨陽楊師臨終復以不廢講學爲吾道之餼羊而以
喜聞過勿憚改爲實際自顧俟齋黃省齋兩先生設

錫山復七驥江躬行兩會師友星散頗有式微之感

初楊太素先生約數人講明克復之功久以老病中輟至去冬方謀續舉而楊

師謝世今春某勉力如遺命卜基盛灣先買敝廬爲麗澤嚆矢因游於盛灣江山明秀殊可人意爲之目營心構者久之暮而返異日苟得落成便可爲某面壁之所未審一點紅燈果能入石否也

二年丁巳先生四十五歲 六月二十三日先生生辰而不見所生之人感慟幾絕 與卞采金札有云邇年來師友剝喪先慈見背時以眼淚瀕面去冬聞石

先生之訃寒風中往哭於南郊不能自己流淚過多
風作輒左目痛脹迎風而淚或謂此目將有盲廢之
兆然天地賦人一點真心自當有此一點真淚苟無
此一點真淚而徒寄此塊然七尺於天地之間竟與
木偶何異惟是事事擴充時時保守爲難耳 卜采
金赴錫山學會先生見其氣象安和嗜學意篤商舉
講會欣然樂從且降心屈已以求師友之至

三年戊午先生四十六歲 先生病中口占有云病裏
工夫愈值錢日當如月月如年般般蹂動終須息種

種蠶絲更莫纏凡耗精神皆是鬼但離心性總非天
牀頭一卷羲皇易正好參求未畫前病後口占病餘
心氣細如絲一脈幾希更勿疑舜蹠中間難合處天
人兩畔了分歧化機浩浩通元宰聖道昭昭挂赫曦
勘破古今原一息軒渠端不負鬚眉與卜采金札
云旣篤志向學便當心相戀精相結寤寐飲食與之
爲一方有見牆見羹參前倚衡之效使平日之肆者
約惰者勤褊隘者寬宏迫遽者從容柔靡者強毅拂
戾者和順踈脫者縝密結礙者疏通拘滯者靈活游

移者鎮定遲疑者明斷鄙嘖者雅馴多言多動者沈
以默凝以靜乃見氣質變學力行瀾按行述下生景
純者澄江東鄙俠
士也嘗役志於二氏後問道於石栗齋豁然悔悟繼
見先生氣益下志益虛求列門下者屢矣先生鑒其
誠作札誨之卽此札也又云時上海張勳金壇袁光
孝丹徒畢桐溧陽黃孝樸江陰曹汝夔張敬立錫邑
錢心微顧時乘宜荆兩邑有路應麟羊中輝吳
炯吳煜咸先後來受業夢訪亦得侍而執經焉

四年己未先生四十七歲 館於卞氏孟秋朔日采金

納贄先生以金閻齋先生集

閻齋長於湯默齋二歲
而師事默齋采金亦長

於先生二歲而師事先
生故以閻齋集爲贄

先生以聖學指南道南學約

授焉 與汪爾寬論學有云身內食色兩關身外名

利兩關似皆看透然滾來滾去只在此關中過日不能跳出不辦一勇猛心奮然割捨總無出頭日也與郡中楊孝廉符蒼先生校正周易往還書札尤夥謂大易一部要旨不越此四字卽所謂乾元天則者是刻刻流行觸物燦著只爭人之見與不見耳苟能見之則乘龍御天元自我立晝夜可以通知不見則載鬼張弧明自我失終身入于幽谷九三君子所以終日乾乾而夕猶惕若正恐失此天命不能大明終始之故耳蓋一息不惕卽一息不明一息不明則一

息不知一息不知則一息不行而乾知乾行或幾乎
息矣 卜采金年及知非虛心抑志當盛暑勅斷家
事抱恙肅衣冠恂恂闇闇日執經侍側請講大易魯

論

五年庚申先生四十八歲 正月赴錫山學會荆溪唐

理巖 夢訪 謁先生於會中 二月至靖江弔楊緩齋

之喪謁金閭齋先生墓訪先生舊宅遇其孫子純初
不類後悔之先生爲述宜興周處改過事大有轉關
問默齋遺書言於庚戌遇火 赴東川書院講學

四月十三日無錫顧長元

侯齋子

徽州汪爾寬

侯齋門人武

進毛秦芟靖江黃省齋二子及褚蕢若至會於卞采

金家先生曰內要主一無適外要整齊嚴肅工夫則

在非禮勿視聽言動 五月同卞采金謁子游虞仲

墓謁言子祠訪虞山書院 六月先生誕辰自咎自

勵曰從前所學種子不堅實根腳之不深固不可不

重加培植 閏夏季晦得趙凡夫

宦光

澄泥研篆刻

其蓋曰石函函者含也宇宙之物謂無乎不函也銘

曰發我元光運我靈筆傳百十世壽永日月亦用篆

凡夫吳門高士性至孝著述甚富艱於梓惟說文長
箋行於世精書法尤長於篆父卒買名山毀家營葬
極園林登降之勝以娛之率妻子廬其閒先生曰蘇
雅東北室隅爲宦又六書宦同頤養也後天易千宦
爲艮三陽上達光氣熊熊乎燭天矣歿而養之其用
晦而明之道乎是日講易終坎始離適符銘日月之
義離曰畜牝牛吉宦光之謂耶何以宦之曰敬畜之
至德輝所及方且被四表格上下洞古今而悉毫末
焉烏乎錯烏乎嗟烏乎戚烏乎涕烏乎突烏乎焚烏

乎死烏乎棄詩云於緝熙敬止獨文王已哉干聖司
契著函研記 七月先生謂卜采金曰汝今日爲學
不啻死而復甦齋名甦可也

及采金卒先生曰不能復醒矣爲更璞齋

九月十七日父晚齋先生卒先生號慟悲絕備極艱
窘扶柩與堵孺人合葬舜山之麓舉殯後卽欲留山
以遠地親知時來慰唁故暫棲靈室酬弔客終夕喘
嗽痰血盈壺卒哭乃得至山園草覆篷結廬墓側伯
兄有寄懷詩引云吾弟終葬歸旣虞一榻侍靈几終
夜欬聲不絕痰血交迸盛以唾壺至晨輒滿孝順顧

氏晨夕以漣令夫手進今吾弟獨居在廬難乎復繼
矣詩云哀固有節慎毋過傷結廬孤處燈光夜涼終
夕咯咯寢食不遑誰供孝乳潤爾肺腸 冬長子洙
以瓦壺注乳至山省父夜昏黑積雪沒脛山路嶮巖
蹉跌仆地手失乳壺摸索得之安傍石磴乳猶是也
未稍傾注人以爲孝感所致是壺先生嘗以示門人
從兄錦有詩云一切世情薄惟於天性真結廬甘
獨處抱疾伴雙親先生賦廬次哀吟七首 伯兄作
廬墓記有云吾弟今年四十有八矣結廬於此雖與

大舜之孝窮通異致而孺慕之心固無異也 卞氏
諸子就學墓前社廟中

六年辛酉先生四十九歲 卞采金率子就學廬東構
書舍先生居廬廬覆箬篷一夕爲大風所飄先生蓑
笠坐巨石下每遇風雨上漏下濕荷蓑荷笠或以終
夕淚痕斑駁廬中塊石竟成血紋先生寄楊符蒼先
生書有云不孝山居聊以盡哀盡禮而已深痛生平
事親無狀每以汲黯之釁施之親且以迫於俯仰頻
年授徒行役出外之日多居家之日少旣不克周旋

膝下隨視寒煖復不克得二人歡心善承色笑痛定
思痛有悔不勝悔者不過自比放桐以爲怨艾之所
而已矣且先母之殯無力卽舉與之饋食起居撫摩
拂拭者三年終制後初御內寢枕席間如負芒刺夜
披衣輒就故寢出而復入入而復出又三年於茲家
君一旦見背同爲告窆皇皇而返登堂不見吾父之
容入室不見吾母之柩神魂飛越時在體魄之藏假
此少紆其回翔躑躅之思者自不得不出於此其禮
蓋創自聖門本以義起行之後世因有表閭之典不

問情否動以好名坐之於此而好名固天地鬼神之所不許也

七年壬戌先生五十歲 先生服闋猶宿於廬有終身之志曰三年易過如駒隙一日難忘是此廬倚窗望墓曰四面有窗都可望九京何日得相從卜采金卽書屋餘材易草茨爲墓廬伯兄以適成於五十改墓爲慕 六月先生生辰諸生進祝泣而辭曰匪莪伊蒿不如死之久矣偷生天地於禽獸乎何殊且昔賢謂生日無父母當倍悲痛小子當以戚而祝耶跪而

自朴者十 冬舟訪犇牛張天隨先生以二十年聞
聲傾慕一見如素洞見肝膈無世俗浮套語言學易
從履悟入

八年癸亥先生五十一歲 館於郡中談氏 構講堂

寄札張天隨先生論易履卦有云世之談易者但
知上天下澤秩然難犯者之爲履而不知中互家人
藹然一體之意則徒知其外而不知其內徒知有體
而不知有用故曰履以和行又履和而至則有孚攣
如肫肫其仁之謂也進德之基孰外於此故曰履者

德之基屏山劉氏謂吾於易得入德三字符焉所謂不遠復也先生悟入既在於履卽以和而至者爲三字符將見觀其會通以行典禮因乎天則以識乾元凡所纂述其必有裨於倫常日用世道人心矣

九年甲子先生五十二歲

春海甯陳相國世倌入都

過郡於呂棠溪家咨訪先生虞學博入都先生上書海甯略云學者苟以性善爲宗而格物以明之慎獨以體之窮則獨善達則兼善盡己性以盡人性盡人性以盡物性卽至恭己垂裳黎民於變鳥獸草木咸

若不過復還其天命之初而已與陋巷鶉衣疏水曲肱原無二致顧知之非艱行之惟艱先生以孔孟程朱之學而居參贊密勿之地惟願及時有爲發抒素蘊致治於未亂保邦於未危體上蒼命德之意協同寅和衷之雅無適無莫而義之與比至虛至公而與之委蛇夙夜匪懈以事一人慎銓選正百僚勵行檢變士習禁奢侈厚民俗則天下之受福於先生者多矣又責難陳善務以古大臣之道事其君先以真西山之大學衍義進講經筵復以萬思默之經世要略

參觀自輔

十年乙丑先生五十三歲 七月海甯陳相國書來寄

訓士邪言十賢傳序先生覆書有云竊爲先生計非
格君心和寮窠終不足以有爲非厚民生端士習斷
不足以圖治夫士風之所以不可問者以徒取之以
言而不取之以行徒造之以無用之文而不造之以

有用之學也又贈五言古詩一首

海甯有賢相骨帶
烟霞姿夙具聖人

志今爲王者師敏德何汲汲布政何遲遲不競亦不
絀穆如清風詩求賢若飢渴寢食縈夢思版築同胥
靡或亦未易知精誠格高穹何患無墟篋蒼生
久枯槁霖雨今其期試看扶搖翮冲雲起溟沙

十一年丙寅先生五十四歲 三月海甯尊君易經述
寄來先生答書有云爲相之道有六曰德曰度曰量
曰才曰識曰膽必六者備而後全夫德貴沈厚度貴
端凝量貴寬裕才貴通敏識貴深遠膽貴勇決後世
命相惟取其才或取其度德之與量識之與膽置而
不論蓋膽之不足實由於識之不透故大學謂知至
而后意誠至於意誠則利害不能淆威武不能屈生
死不能奪又何不壯決之有識雖天授非人力所能
致然程子謂學進則識進則人也而天焉矣學之維

何曰誠而已誠至而明生明至而如神又何見之不
早防之不豫爲之不力也哉以是觀之則識之與膽
皆由於誠也故曰惟天下至誠爲能經綸天下之大
經又誠身必先明善誠意必先致知大學中庸一綫
相承若合符節博學審問慎思明辨皆明善之目卽
格物之功也然格物而不格其本末之物以致其先
後之知求其至善之所在而務力焉而徒以讀書窮
理當之游談無根虛而不實其弊更有不可勝言者

江蘇撫軍陳可齋大受飭錫金兩邑尊聘先生主

東林講席先生赴講 汪學博言乾之九三乃古今

聖賢命脈先生曰卽天地命脈所寄少有息焉則天地聖賢之命脈由我而斷乾之九三乃三百八十四爻人爻之首參天兩地全賴此人其在甚大其責甚重烏得而不惕惕乎 儲元長問明德心乎性乎先生曰性具於心吾身之天也渾身是天渾身是明德明德卽天明之者人天人不可須臾離少有忽焉自絕於天矣故明德傳歷引古聖人而結之曰自明之者非他人自也昏之者非他人自也大學乃入聖第

一書明明德乃綱領第一句其條目先格物而格物
重知本明德爲本萬物本乎天萬事本乎明德要之
卽性卽心 十二月博陵尹學政會一先致來書有
云頃在都門師相處得聞大名心焉志之丹陽舟次
閱答海甯書管窺通儒經濟知先生乃莘渭之伊呂
非箕穎之巢由也沿途博訪未審南陽定所下車第
二日方悉江陰密邇名山爲之喜而不寐也除夕前
二日訪先生於舜山撤儀從至學所強先生並坐罄
心論學至廬中謁晚齋先生墓見通志橋下埕布大

石歎曰使伯淳爲宰相可使萬物各得其所惜不合
吾先生作經綸宇宙手而僅施之山林泉石間也先
生卽致書謝有云貞下起元乾之元卽復之初至日
開闢卽潛養之義而發生之中仍含潛養否則造化
皆爲脫根無以過往來續生生不息大生廣生之本
十二年丁卯先生五十五歲 獻歲二日謁學政於澄
江書院享先生以殊禮問史記稱孔門身通六藝者
七十二人後儒有謂教學不從六藝入手終難成德
達材者惟是藝有小大禮樂爲重當禮殘樂缺之時

窮鄉晚進求一度數聲音而不可得似宜先以孝弟
忠信爲主循循於禮樂之實務本守約直內方外所
謂敬義立而德不孤者或庶幾焉但未知於古人文
以禮樂之功果可同歸一致否先生曰某按周禮以
鄉三物教萬民一曰六德二曰六行三曰六藝孔聖
學程其目有四首曰志道次曰據德次曰依仁而終
之以游藝其本末輕重之序昭然可考近儒有鑒於
宋明末造積弱之弊謂儒者之效迂腐而不切於用
徒足以亡人之國乃不歸咎於人君之不能用賢而

反委罪於賢者之無益遂言學者不從六藝入手終
難成德而達材於古人教學之序殊倒置矣且七十
二賢之以藝稱者莫如冉有其於志道也則曰力不
足事君也不過曰具臣甚至爲季氏聚斂而謀伐顛
與得毋徒工於藝而德行之不足與今大人有鑒其
失先之以孝弟忠信循循於禮樂之實使之務本守
約直內方外以成其德輕重得宜本末具舉不惟可
以救近世虛文取士之弊直可上追孔孟教學之道
而無疑記謂士必先慤而後求材無德而有材適足

以爲德之病矧孔孟之所謂材且不沾沾於射御書
數之末也六藝之中固以禮樂爲重而夫子謂禮云
禮云玉帛云乎哉樂云樂云鐘鼓云乎哉又云人而
不仁如禮何人而不仁如樂何孟子亦謂禮之實節
文斯二者樂之實樂斯二者則禮樂固有其本而不
可不求其實矣先務其實而漸被以文亦一定不易
之序也然以二者而論似又當以禮爲主蓋崇禮方
能作樂未有無秩無序而能和能樂者故曰禮先而
樂後記云斯須不莊不敬而慢易之心入之矣斯須

不和不樂而鄙詐之心入之矣此又無體之禮而無聲之樂也故曰禮樂不可斯須去身度數聲音未云乎爾問孔子謂臣事君以忠又曰忠焉能勿誨乎乃其爲魯司寇因受女樂遂行未聞有一言之納誨豈事君以忠與事君以道義有不同者與先生曰某按事君以忠本也隨時隨事啟心決心格非長善匪朝伊夕從容納誨積誠悟主全在於平日至有闕失而面折廷爭批鱗折檻則在於臨時及其事已成而惑方甚雖有異語如同沃石進以法言益甚其怒輕則

貶議重膏鑕斧徒增其過而君臣之誼遂以不終又
不如決之於義託以他辭見幾而作之爲愈某之所
疑乃在於方陳文駟列女樂於魯東門外桓子微服
往觀邀魯君爲周道游猶未輒受也夫子身爲近臣
咫尺闕廷諒無不知何不於是時力爲諫阻抑或力
爲諫阻而不聽記者或失其傳與以至旣受之後明
眸皓齒妙舞纖歌目爲眩而耳爲靡日不足而繼以
夜遂不覺其三日之不朝也而君迷矣而且不得而
見言又烏能入乎蓋千古敗國亡家未有不由於內

嬖女寵外信小人所致故夫子於其行也而歌曰彼婦之口可以出走彼婦之謁可以死敗桓子疾輦而過魯城喟然嘆曰昔用夫子斯國也將興矣乃以吾故得罪此小人一念不死之良也然而晚矣凡有大臣之責者苟於二者之間早加之意防其漸而杜其端於盡忠之道思過半矣文宗贈先生端硯一函謂虞學博曰是某端人也故以硯之名端將意委校君臣士女四鑑錄續北學編 郡尊黃靜山 永年 來山 訪先生前守京江寓書致候云迫吏事不得至山閒

與先生考德問業若有憾焉先生曾答書云隱居求志學問卽爲德業卽爲吏事王或庵金壇人墓在丹陽門外傍于氏祖隴子若孫相繼沒已爲莫敖不祀之鬼先生書云倘可檄縣爲之勒石以表其墓并置祭田一畝春秋祔享於于氏文章知己自當銜泣九京 五月尹學政特疏薦先生品端學邃安貧樂志不事聲華舉止言動有儒者氣象 十月高相國

顧撫軍 琮 會審常案學使出迎詢先生知先生在梁

溪秦少宗伯 蕙田 家卽偕過訪先生辭曰荒山布衣

未嘗輕見貴人正擬趨避不意屈尊乃爾相國曰道
是大抵無所不包不輕見先生體道之嚴得惠見先
生畜德之宏也隨至舟中報謁論已發未發 顧撫
軍泣浙束帛加璧遣使致書聘主敷文書院講席敦
請四次先生屢致辭 晤方望溪先生於白下以抑
戒之詩相勸 顧撫軍復任河督又致書敦請主洙
泗書院講席秦少宗伯代先生致書有云老先生將
以真修實詣爲多士勉不惜以封疆節鉞之尊嚴勤
蓬室草茅之束帛而其人猶不失自知之雅則風聲

所樹或轉足以靖流俗之營營一時尚賢之美與守
分之懷未必非兩相得也 十一月尹公又疏爲察
舉布衣云是鏡授徒舜山隴次曾造廬親訪謀面之
頃見其舉動不苟言論通達業經奏明再加細察今
科試既竣復見其人遂與講求修己治人之道無不
井井有條明理而兼曉事殆心慕邵雍而願學以終
身者臣觀其資性聰穎表裏相符允爲適用通儒

奏議外刻有舜
山答問一卷

十三年戊辰先生五十六歲 寄書尹學政述湯默齋

金閭齋章圃軒楊太素顧俟齋顧恒惺鄒天目吳卜
臣孫立三朱止泉楊恆齋黃省齋楊緩齋諸先生行
實進祀東林 七月弔尹學政喪公子亨山 嘉銓問

虞祭居廬禮先生致書縷答 寄顧河督書有云未
發之旨係學者第一等工夫非淺學者所能驟窺雖
以朱子之明悟身親實歷亦至數轉而後定其旨具
於答南軒第四書敬徹動靜而敬之所施必本於靜
卽戒懼涵養之功也後儒紛紛反多疑議譬之於卵
渾然之中味爪羽毛無不畢具其已發者卽其未發

者但能飲啄飛鳴或行或止各得其時斯爲發而中
節其涵養未發則孚卵之功也更以治河譬之兢兢
業業防患於未然卽未發之功疏濬排決各當其則
卽中節之驗說者謂治河必復故道其患乃息不知
神禹於帝堯癸亥告厥成功河自右碣石入於海至
周定王己未河徙故瀆而更不言其所在惟魏郡鄆
縣下注云故大河在東北入海逮漢武帝元封壬申
旣塞宣房後宣帝地節壬子河復決於館陶分爲屯
氏河東北至章武入海宋神宗熙甯丁巳七月河大

決於澶州曹邨澶流斷絕河道南徙東匯於梁山張
澤灤分爲二派一合於南清河入於淮一合於北清
河濟水故道洪武辛未河全入於淮而故道遂淤永
樂辛卯雖疏入故道而正統戊辰終合併於淮入江
而歸於海是天壤開所謂四瀆僅僅有其二而其屢
變屢徙愈趨愈下殆天地氣運使然恐非人力之所
能強致惟窮其病源之所在審其旁流之易決而豫
以防之勤以察之疏以殺其怒寬以養其性率之刷
之漸引漸深俾地上之水高隄於城者盡由地中而

行以安其順下之性斯已耳 九月赴錫山學會華
希閔先生問四書論仁以何者爲要先生曰其強恕
而能近取譬乎華先生曰孔子言居處恭三句尤爲
切要先生曰居處執事與人事也恭敬忠卽仁也又
體無動靜時有動靜易曰夫乾其靜也專其動也直
是以大生何得無靜 儲元昇問復七是何意先生
曰卽周子主靜立極意也而取義於復七者蓋不久
則不成片段故須七日以復之 海甯陳相國札來
先生答書有云身爲宰相自任天下之重烏能不思

致君澤民革薄從忠興仁與讓以挽回氣化於隆古
乎顧吾之所以靖獻於君者苟不曠觀遐覽密察於
興衰之本治亂之機從大處致力微處轉關於治道
世道不過因陋就簡隨俗襲非彌縫牽補姑爲塞責
聊以畢事云爾終苟道也先生有意斯世未有孤立
無與而能有爲者容物方能入物隨時所以救時孺
子之歌可以興悟途人誚讓可以明學執兩用中多
在好問好察之中此大舜之所以爲大也先生十賢
傳序謂立身則先去其自私自利之心居官則急絕

其患得患失之念語雖淺近切中鄉愿鄙夫膏肓之
隱某自得書以來刻刻勉爲服膺時時爲人誦說二
者之間殊未有見矚然無滓脫然無繫者卽在吾先
生亦宜以已之言反躬自驗舉心動念細加勘問愈
精愈密令無毫髮之累以干靈府乃見先生晚年學
力則學進識進而誠無不致矣

十四年己巳先生五十七歲 春游徽州 五月晦日

陳相國罷相歸訪先生於舜山出都時問途於秦少
宗伯曰恐生朝廷耳目或多不便公曰過常郡而不

見是先生豈不抱憾終古乎至毘陵扁舟一葉直抵
舜山二里外步行登山一僕自隨持刺徑造學所相
見於承緒堂卽下拜先生力辭不獲曰久仰盛德已
十餘年通書問五六年因繫官於朝不得一親道範
若非遺籍安能一慰平生之願至慕廬拜晚齋先生
墓稱子姪輩誠心自然脫落世習披襟暢談略無彼
此 十月郡伯廣昌黃 永年 撰慕廬記云陽湖是君
仲明抱道而耕於野廬其先人之墓於舜山始也毀
甚其問業弟子卽山起書屋爲就學之地復以君廬

草茨不足蔽風雨卽書屋之餘材爲墓廬以居君有
年矣或曰塚廬禮與曰是固難著之典要云爾昔者
孔子歿三年之外門人歸子貢築室於場獨居三年
是可謂非禮乎弟子者以是不能已於其師況人子
乎曰是君之自述也廬之成適某五十伯兄爲改墓
爲墓非敢希聖也何也曰是君讓與顏淵稱舜何人
予何人學聖人者亦爲之而已矣顧舜五十而墓不
必於廬也今士人無仕宦之拘繫四方羈旅之役得
守先人之墳墓如存如生豈非善與君廬於是慕於

是偕弟子諸生講道羣學於是可謂隱君子矣君之
先人博雅敦行爲諸生有令名授君以程朱之學而
非以干祿前代儒者之有書皆能徧觀而識之前年
余訪君山中君氣貌充然常慨然憂道之不振思一
見其學於世示余上海甯陳相國諸書其議論若決
河而注前學使尹侍郎暨相國皆嘗先後就訪君君
名曰在賢公卿間孔子曰立身行道揚名於後世孝
之終也君屬余爲之記余諾而未暇以爲蓋踰歲而
後得書之以歸於君云 十二月高顧兩河督薦舉

經學云是鏡陽湖縣人潛心經學篤志勵行不求聞達臣不敢以布衣壅於

上聞

十五年庚午先生五十八歲高中堂致書勸駕并將奏稿寄閱先生答書以辭兩江總督黃訪憲先生善行孝友端謹哀毀廬墓讀書敦行履潔懷芳多士景從講學不僭勘詳註冊咨部彙奏奉

旨給額旌獎郡守胡給力敦善行縣尹聖給至

性純修

灑按四字可謂實錄又按縣志時縣尹爲旗人聖寶卽甲戌與先生構隙者也前恭後倨

情事
顯然

五月之徽州游黃山 題曹守堂先生黃山

圖冊 得宋周程張朱五賢圖餘絹自繪小像 海

甯復相答書云前歲夏五承枉駕荒山一睹德輝見
面目之光霽胸襟開爽議論明透意慮之懇至而略
無名位得失之心介於動靜

特詔恩命復爲台鼎而尊札過爲謙抑若不克勝其任
者此其所以爲先生也然以先生而處此其克肩厥
任實有倍難於前者或與眾委蛇則指爲伴食或少
變風采則議爲兩截或偶形亢直則謂爲矯激千古

之定論一生之晚節咸於是乎在 贈卞采金挂劍
圖以示不失初心之意

十六年辛未先生五十九歲 奉

旨徵入京師試用高顧兩河督保具呈力辭

瀾按舊本有云後核

議得九人欲列先生名於首以進會輔臣史相國先
期入告言先生以理學自居未屑於名物度數之詳
遂得脫然事
外莫枕山林 九月赴錫山學會語同學輩曰觀今

日學會奄奄不振渙渙不聚皆因無人主持吾輩當
各引爲己責今日擔荷此脈惟在於剛剛非倖倖自
好也全看自家一副心力所謂注心一處何事不辦

須具好仁無尙志願方肯視如救火追亡一般中庸
言誠者自成不誠且無以成已更安能成物近至寶
應謁朱止泉先生墓觀喬省齋困學堂其地學者頗
多但失所領袖難於自興向來有季會喬先生歿遂
輟余至復爲舉之因易其名曰繼會而謂諸同學曰
繼之時義大矣哉古者五帝繼天出治降而至於賢
繼聖士繼賢繼善繼學繼明皆繼也而繼之之功止
在一點乾惕之心故乾惕領全易之首終曰乾乾與
時偕行神龍變化無非自強不息眞精透露至未濟

取象於小狐而濡其尾則乾惕之心失遂至於不續
不終天地毀而人物盡矣故人生之氣呼吸不繼便
爲委形人心之良頃刻不繼則天地之心於是焉絕
聖賢之脈於是焉斬而吾之性命亦於是焉亡矣體
貼到此方見道之不可須臾離而初心之繼續爲不
可已也

十七年壬申先生六十歲 寶應朱賓旭仵來懇作朱
止泉先生聖學考序 六月生辰高士吳錫諧以大
蒜兩枚老薑兩塊爲先生壽 學所碑記海甯陳相

國撰驥江鄭太史序書其文曰道之大原日流行於

天地之間君得之而仁覆天下師得之而垂教萬世
臣得之而忠子得之而孝隨遇而各足時措而咸宜
目擊耳聞無非道也顧人能宏道而非道宏人特觀
其所志何如耳蘭陵是仲明先生蚤歲志道敦行孝
弟承父晚齋之命與兄鎬執贄於澄江楊太素之門
從游錫山講會獲聞顧俟齋朱止泉諸君子緒論反
躬默踐而密與平陵黃錫晟相切琢由東林而上究
聖學之心傳靡不窮源析委融會貫通而協夫時中

之矩父歿卜葬舜山廬居邱隴奉亡如存悉中禮則
服闋與羣弟子講明先聖之道兼求經世之畧而尤
邃精於易爲遠近學者所嚮慕先是澄江有卜生者
率其諸弟子幡然來學爰與闢地於居廬之旁負山
襟江營搆學所以廣麗澤迺疏石畜泉留其石之佳
者環列於庭而橋跨其上以濟上下名曰通志刻聯
於柱云且除頑石存佳石莫把清流混濁流前爲門
道編籬爲園以植眾芳曲徑通幽香風引步循級而
登自東自西各隨其所從入上爲客堂顏曰凝遠聯

云人文乍啟江山秀聖脈長留天地春蓋人文盛則
世道昌而聖脈之長留於天地者仁而已矣後爲清
風臺取朱子清微之風化養萬物之義三折而升是
爲講堂顏曰尙志聯云惟願躬行敦實學無騰口說
驚虛聲則內自一念之微外至倫物之著隨時隨處
必求自慊而所講爲不虛矣後倚壁爲半亭涓涓延
延泉從石孔流出匯於前味清而和醅如也名之曰
蒙蒙以養正聖功之本以果以育經綸參贊於是乎
出入道賴以常存而乾坤所以不毀也最上爲潛心

關顏其外曰仰止上下懸絕旋從講堂後左右紆折而上複道重疏虛明四闕俯視一切廓如也中奉宣聖顏曾思孟侍端木言子衿旁列宋明諸賢以迄道南餘裔而虛其後以待來者題曰幾希一脈聯云人心危道心微精一執中遠溯虞廷宗旨敬直內義方外誠明並進恪遵泗水源流蓋大舜孔子皆以匹夫而立萬世君師之極顏孟二子則爲希蹤舜孔之先導顏子歿非曾無以傳夫子之道非思無以開孟子之先而孟子歷敘幾希之統始於大舜終於孔子而

以已之私淑繼之其自命之意昭然可見惟是道南
一脈咸謂來自龜山實則肇於言子沿至顧高迺極
其盛流風餘韻迄今未艾遺澤之遠將與洛閩同流

則荆溪

湯默齋

繼其絕而錫山衍其傳也其祀端木則

以天資之穎悟顏子而下厥惟端木與聞一貫之傳

曾子而外亦惟端木且夫子歿居廬獨久遲至六年

而後去在三之義於斯爲極其與顏曾同祀也固宜

山之巔故有舜祠而不祀乎舜則以非儒生之所可

對越云爾闕之下顏曰承緒聯云達天有路惟循理

入聖無門在立誠則示人以進德之程作聖之基而承緒之功也蓋先生廬舜山之下恪守孔孟之傳歲舉克復之會以思親孺慕之地爲講學會友傳道授業解惑之所久而不替吾知其必有明體達用之儒者出大展所學之蘊黼黻鴻猷以克濟於世其功豈小補之哉以視世之文人逸士營情於臺榭池沼之樂寄懷於山林泉石之間以自寫其徜徉閒適之趣者相去爲何如邪且登其堂而遠近諸山之映帶左右江靖文峰之參差矗立與夫江濤之震蕩澎湃風

帆之出沒於煙靄林際者其勝概固未可一二數已
已已夏五道經蘭陵躬詣舜山以傾積愫一一周覽
其勝如此余老矣倘得解組歸田重至講堂聞所未
聞爲洗心藏密之計庶幾克遂桑榆之志云 八月
聖誕日錢必蕃先生來山言先生世途交接恐不能
無事宜存界限且何爲必自試於磨澀之場乎先生
曰界限緊要在心上立心上立得定事上殊有不容
過爲拘泥者乾三爻屬人卽言君子終日乾乾夕惕
若做了一個入何一刻容得你不從憂勤惕厲中過

曾子說戰戰兢兢臨深履薄而今而後吾知免夫可見吾身一息尙存卽一息難免一息莫知一息不可不戒懼直至蓋棺方論定也 訓門人曰義字自漢儒以秋配說便專主嚴威肅殺如義者宜也質直而好義何嘗不委曲細膩須得精義入神則時而發揚蹈厲時而和順從容施之自各協其天則矣 九月赴錫山學會同學論敬靜分途先生曰敬靜原是一致唐虞以來多說敬至周子則曰定之以中正仁義而主靜言主靜而先之以中正仁義可知非釋氏之

靜卽通書一者無欲也意思但只說个無欲尙可混入空虛及高子言靜則曰惟天理至靜方說吾儒之靜原不同於佛老發揮更覺切實精透禮記亦曰人生而靜天之性也程子亦曰其本真而靜單說敬雖貫通動靜然或未免向衣冠瞻視上着工夫以靜爲本方纔透得天命之性篤恭而契於無聲無臭之原惟真靜方是真敬久之而熟無不靜敬而忘其爲靜敬乃爲真靜真敬高子之學直入程朱精奧陸當湖乃云顧高未脫姚江餘習不知王學專致良知他因

格一竹無所得遂不復格物上加功且力矯朱子支離訓詁流弊舉學問一掃而空之直從致知入後且有以不良之知爲良者高子則恪守程朱相傳孔門宗旨從格物入故其就正錄第一條卽云聖學必從格物而入正破姚江之病蓋當湖止到程朱藩籬故未識高子之精也又曰此地學會幾三十年不舉矣今復來此舉會直如將死復生大家宜整頓精神凝斂志氣辦得一副合煥扶衰誠意把這件事各人默自擔當不忍聽一綫之涇亡且必使自我而克振於

以重飭前規復修舊業自非穿七札過紙背握拳透
爪具此一番神力何以繼往開來光顯斯會於無窮
也

十八年癸酉先生六十一歲 正月元旦子時廬中遙
拜山巔大舜燃燭於壁牖中有蜘蛛當香正中直下
徐收而上先生念唐虞授受不過一中中則無不正
中者天命之精卽人生之直也此正示一綫危微之
象 二月秦太史績來山言治政之難先生曰果而
確無難焉呂新吾實政錄宜讀也 八月二十七日

率同學及門人輩作文告於宣聖曰鏡自庚申之冬
廬居先隴越歲辛酉營搆學所迄今十有三載始克
落成畧具規模次第自門而堂自堂及閣紆迴陟降
虛明四達一氣貫通茲遇先師誕日恭進神主暨四
配端木言子朱明諸賢以及道南餘裔共三十位俶
古釋菜之意聊陳薄祭伏維來格來歆默佑默啟俾
來者有繼引申弗替日就光大則學所之建不爲虛
設斯道幸甚尙饗 寄海甯相國書有云頃年來不
特穀貴而已也一切貨物無不俱貴愈貴而買者愈

多而貨物愈少而人之好爲奢華競爲巧麗者互相效尤捷於桴鼓藹然波靡從風推盪而不知所止雖家無儋石典衣鬻產逋負纍纍不恤也世道人心益復非古先生於積弊中畧施救弊之法推昔賢所謂寬一分則民受一分之益以自反自求自盡厥職而已前蒙枉駕山中論學曾以明善立誠爲獻拜別以來必加深造此雖學問之常談實係中庸之要旨明之之至至於精義入神窮神知化過此以往未之或知立之之至至於經綸參贊感孚異類縱橫妙用無

所不通明之之功立之之效斯爲究竟而其血脈則在於仁之一字故哀公問政章謂爲政在人而曰取人以身而曰修身以道修身以道而曰修道以仁修道以仁而曰仁者人也親親爲大此其血脈也故下文復申言思事親不可以不知人思知人不可以不知天竊謂人卽仁者人也之人天卽天命之性之天明者明此誠者誠此後於至誠經綸章特提肫肫其仁而復於浩浩其天以點醒其血脈其義不更昭然可見乎以至五常之德或言仁義禮而不言知與信

三達德則言知仁勇而不言義與禮又論語言禮義
信而不言仁知言知仁勇而次第互有後先先聖立
言隨其所在各有攸當不必彼此牽合強爲分疏也
易曰仁以行之中庸曰力行近乎仁顧力行何如耳
今之學者亦惟於科舉之外治經之餘隨其材質之
所近兵農禮樂水利算數之類時爲講習兼使體悉
人情歷練時務朝夕漸摩積久成習或可稍備器使
而其立本之功仍不外於明善立誠交資並進若舍
其本而末是國未有不立見其敝者也 十月學政

雷翠庭 鉉 澄江試竣致書相訪云前此試事未竣嫌
疑之際不得不避某素望淺薄未敢比跡博雅近又
調補江澗未遂入山訪道之願而拳拳鄙懷固所謂
中心藏之何日忘之者也理本大同道貴自得先生
之自得者深矣先生答書有云千聖之學在於求仁
故中庸首提天命之性而曰率性謂道問政章言修
身以道修道以仁仁者人也親親爲大又曰力行近
仁至誠章歸結於肫肫其仁以爲經綸之本聖人之
情見乎辭矣蒙示理本大同道貴自得兩言包舉義

蘊無窮願大同之中至精至微苟非深造詎能自得
卽有所得未經就正知其所得之是耶否耶

十九年甲戌先生六十二歲 三月舜山學所舉求仁

會十四日起
十六日止先生刻期每日工夫分爲三節第一節

靜坐凝神第二節講論學問第三節起行體驗每一

節以一炷香爲度學者須將欲心名利心一概洗盡

方可與講學先生曰我輩講學只要切實做爲己工

夫果能內省不疚無惡於志不必管人議謗 先生

向咏爲人詩

爲人祇是學爲仁若不爲仁枉作人仁
意周流靡不貫須知端本在親親須知

端本在親親從此充周四海守到處陽和皆化日何
愁大地復生塵何愁大地復生塵朝野恬熙樂性真
雞犬桑麻皆沃土鳳翔天半彩霞新鳳翔天半彩霞
新恭已垂裳聖德神吁嘒都俞原一體賡歌喜起慶
臣又詠入德詩入德工夫未易傳肫肫浩浩復淵淵
鄰但能爲已知幾切下學功深自達天
下學功深自達天勿忘勿助是真銓循循亶亶存存
熟一片天機到處圓一片天機到處圓周行無滯亦
無遷三千三百悠悠在魚躍鳶飛本自然魚躍鳶飛
本自然三三兩兩舞雪邊浴沂風詠春將莫單裕應
欲仙各四首爲在座學者朗吟數過尤以詩中肫肫
浩浩淵淵爲已知幾循循亶亶存存數語反覆指陳
親切透闢爲下學上達工夫 謂羊寅清曰温温抑
抑戰戰兢兢此八字要着實用體驗工夫然温温抑

抑氣象非是外面妝成俱要從戰戰兢兢發出來

十六日午刻將祀四先生

太素栗齋
晚齋醑齋

郡伯陳公

麟

邑

侯聖公

寶

突如其來蓋風波已起於首春矣陳公陟

降學所至隴次坐書齋看日錄雖爲搜羅而來尙有
衛道之意至夜搜取未刻文集凡鈔錄之籍盡攜而
去先生神色自若將所攜去者逐本存留目錄一一

查明包束命二生護送後隨率諸子祀四先生儀注

與錫山同

攜去書本呈送制軍幸無摘釁

四月

陳公攝篆解任事委於聖邑侯制軍發還書本竟被

欺匿在蠹構難於先生季弟造僞誣誑並不之察藉
誣申詳風波洶洶訛言孔嗟當事因無實據斥爲誣
誕而不之究聖乃造示誣毀恣意摧殘橫加荼毒自
夏徂秋日無甯晷然先生若固有之惟難發家庭抱
隱痛耳瀾按行述邑令某素無行不見答於先生恨
之乃與先生季弟鏗爲謗書以達當道郡守
宋公勳移書院於郡城風波乃息敬立述令
勳謗語先生曰誠然當自反而絕無怨尤

五月

寄相國東軒書有云此點心源卽河圖洛書北一之
水先天後天降衷之體一綫危微習坎而亨退藏於
密上通帝載何思何慮卽無適無莫無意無必無固

無我圓而神方以知易以貢貞吉悔亡一隨感應之
自然萬感萬應而寂然不動不離未發之中朱子答
張敬夫已發未發說謂敬者心之貞又謂敬者貫通
動靜而必以靜爲本是以君子戒慎不睹恐懼不聞
莫見莫顯而必慎其獨也

東軒時罷任河干讀易展
玩四書五經手自批閱有

茅齋讀易記聞縣尹以僞學示禁摧殘侮弄
心欲拆毀書院爲之勃然毅然義彰於色 又書有

云今夫天仰而觀之蒼蒼爾冥冥爾湛湛爾寂寂爾
渾渾爾穆穆爾俄而雲興俄而雨驟俄而風馳俄而
雷轟電掣未幾而雲收焉雨散焉風息焉雷暗而電

冥焉其蒼蒼冥冥湛湛寂寂渾渾穆穆者自若也則所謂何思何慮者勃然毅然者亦若是焉而已矣二者雖有動靜之分發與未發之判而勃然毅然者卽其何思何慮者也何思何慮者卽其勃然毅然者也復譬之人焉語焉默焉坐焉立焉行焉止焉寤焉寐焉坐焉止焉默焉寐焉人也行焉立焉語焉寐焉亦人也不可以默與坐止與寐者爲人而語與立行與寤者爲非人也則所謂體用一源顯微無間者亦若是焉而已矣故時而動焉則體在用而用卽體時而

靜焉則用在體而體卽用非體自體用自用判然而
爲二也 答海甯相國書有云先生來札屢以心地
齷齪爲言非刻刻洗心不能知其齷齪果心地齷齪
其肯以心地爲言邪尊撰碑記勒於蒙泉之上洗心
亭中茲得此書而致力焉未必非洗心之一助也陵
谷變遷此碑不毀學所以碑記傳碑記不以學所重
也先生年近古稀昔人有句云老去光陰更值錢日
當如月月如年惜寸惜分自不待鏡之多勛也 七

月朔縣尹逼毀書院郡伯宋公

楚望

勸先生捐入龍

城書院蓋宋公奉制軍鄂公之密札也 八月二十
七日聖誕拜聖如常儀先生率采金敬立輩雍雍肅
肅敬禮益虔卽日縣尹牌示拆毀至二十八日拆毀
者畢至先拆講堂次拆聖閣 先生命畢生進詞於
宋公請神位碑亭安置府發兩縣議 九月朔日拜
聖於客堂誦孝經西銘正氣歌董生行又歌爲人入
德詩瓦礫拋擲之聲不啻奏音樂也 初五日府廣
文詣山請神位神位一去客堂乘夜卽拆初七日稟
於宋公留門道一進居守墳墓保護碑亭 九月九

日感懷詩有但得斯文終有託縱成灰燼亦生香句
學所廢海甯相國及秦少司寇吳太史尹刑曹輩
俱有札候歲臘雷學政致書皆孜孜以道相勸不以
毀譽成廢言 贖垣殘級修整完固詩云一寸頽垣
一寸金忍教從此便拋沈百年且暮忽如昨留與空
山弔古深

二十年乙亥先生六十三歲 客冬除夕先生舟中度
歲元旦至山以青豆薦晚齋先生墓前以告度歲之
事率及門登閣基循級而上曰達天有路惟循理今

階級猶存則是達天有路也入聖無門在立誠聖閣
廢入聖無門矣而立誠則在人也 溧陽廩生石可
書徒步來山求受業辭之謂可書曰奉父遺命於大
寒中不遠數百里而來真覺難得但某愧不敢當此
意夫人之所以爲人得身於父母得性於天地而身
不可不守性不可不盡然欲守身莫如盡性不然辜
負天地父母實多矣 無錫秦果亭 鑽 制終將復任
請益先生曰於時局中要立得定拔得出若欲周旋
免患未有不奄然媚世者又曰人若幹些事業須是

有不忍人之心而至肫肫其仁方纔做得 九月赴
錫山學會 十月先生借思齋先生與及門登山玩
景隨處指點道趣曰心中無物乃見其妙惟靜者自
領之耳 論離騷曰朱子謂屈子多支離怪誕之詞
非也蓋屈子一腔忠悃盤天塞地無由抒發悉於此
寓之如孔子浮海居夷意思一般朱子又曰原之忠
忠而過者也亦未是以論方正學楊椒山輩則可屈
子是楚同姓爲貴戚卿其初甚見信任不如何足
爲屈原看他離騷經開首數語通篇大旨一齊揭出

思祖念父顧名思義以見天之賦畀爲必不可負以
已之修能爲必不容已直透天親一本源頭成身卽
所以孝親孝親卽所以敬天而盡忠卽所以成身澈
底見得這個本領適處了這個情地時勢故除死方
休更無轉身退步處其十餘年不死者非欲偷生猶
冀君之一悟耳不意懷王客死於秦頃襄忘不共之
仇反締昏媾之好子蘭靳尙鄭袖讒諂柔媚之小人
女子紛紛競幸酒酒耽色馳獵盤游昏迷日甚舉國
若狂而原於是乎不沈汨羅不得矣近見劉季莊注

甚佳然未盡脫文人習氣楚辭燈頗有可採黃友蘭
齋亦曾注之然嘗存朱子窠臼在予將申以論列求
無憾於屈子之意云 十二月伯兄思齋病篤先生
齋戒禱於神告於祖願分餘年以增兄算醫藥親爲
商定手自煎煮以進如父母

二十一年丙子先生六十四歲 元旦伯兄辭世哀毀
如喪考妣服喪茹素殯殮之事誠信無悔先生幼嘗
受業伯兄及思齋晚年進德書札稱舜山先生我師
先生跪懇勿復爾曰此由於衷非可強致仍如故

季子潮奔伯喪失足墮河溺死門人黃孝樸有輓詩

七月二十八日卜采金辭世

二十二年丁丑先生六十五歲 正月作夏峰孫緘齋

先生傳

癸酉歲蘭陵孝廉楊鳳洲建章先生入豫得觀孫氏子孫彬彬家學又獲交於緘齋先生

之孫在城而在城慕先生學行乞鳳洲懇傳於先生今鳳洲公車北上攜傳至京郵寄河南蓋孫氏居河

南之容城又稱蕪門夏峯者緘齋曾祖徵君書院地名也

作讀易質疑序

無錫黃先

生堯容著

夏得甲戌所失諸書蓋以不意而得之也惟

失去晚齋先生所著易之門蘊圖

二十三年戊寅先生六十六歲 八月構小閣於清風

臺之東顏曰留春兩旁列迴廊中建三小廈中廈設門道由通志橋而上西廈向前講堂東廈臨北挹大江先生積心注神復始於此

二十四年己卯先生六十七歲 正月初七日立春進

父晚齋楊太素石栗齋黃醅齋兄思齋卞璞齋六先生神位於留春閣

闕按行述璞齋嘗從受學而有功學所者也

二十五年庚辰先生六十八歲

二十六年辛巳先生六十九歲 先生倡助百六十金

恢復無錫其學山居堂舍規制躬親部署悉俾整飭

先生訓門人曰汝輩來此虛心領會無處不可感
發得其意趣如所懸圖畫入門見九思圖山水春柳
喜鵲水鷗一團春和景明氣象折迴廊則有裁成圖
儼然師弟授受有無限懇切情味轉而至閣下又見
持梅託杖凝斂肅穆爲杖託扶持圖拾級登閣又見
獨行踽踽和靜端莊爲古賢圖於此以思亦可以興
矣又烏必予之在山哉 爲太素孤孫謀口田贈以
金 冬構墓祠享堂闢祠樓址

二十七年壬午先生七十歲 正月建祠樓 錫邑同

學吳鼎自郡中寄壽詩壽杯祝先生壽 八月聖誕

錫山楊申一輩來舜山講學問道

二十八年癸未先生七十一歲 正月初七日諸門人

來學舍先生曰應事得宜即是工夫且學問原在事物上見但要得情得理而中節耳若稍見意思無嚴師益友相近切磋便自負意見傲物凌人卽爲無忌憚矣又曰中庸一部書誠孝仁禮四字仁者人也親親爲大惟天下至誠於倫中第一在孝故妻子好合之下卽接鬼神體物至大孝無憂達孝以及哀公問

政而禮所生大哉章禮儀三百威儀三千敦厚崇禮
及郊社宗廟之禮疑有脫文而慎獨是無對的人不見不
聞動念之間便省是念天理乎人欲乎中和二字豈
易言哉一有所動非過卽不及矣敬立曰看來總不
外大學八條目次序先生曰先聖後聖其揆一也於
此不同何爲揆一 八月聖誕留春閣懸泰一圖蓋
書泰卦二爻爻辭先生指示妙義謂身心家國天下
無可離此義也 講赤壁賦曰此東坡文之最佳者
人當自尋歸宿毋醉生而夢死也

二木九年甲申春集榷主三歲歲八月月享堂落成 赴

紫陽謁先賢書院是日道勉肆中黨錄置田家農具

頽垣破瓦必傷之歎尹王公深揚人語也先生集寓起王

公俾為修整事乃論賢節之盛廢者修復之志五月自

紫陽歸八六月武進陽湖移以志先生遺蹟於山古廟

礎主播振聲尊國粹金闕齋石梁齋黃齋齋野翁

何良所詣先哲行望著迹在傳送志局中味二字

三十年乙酉元月之七歲而並聘家縣禮學金壇袁

光孝省縣也之妻大壘暢護植基三匡魏來雷學新取

至舜山先生扶疾坐講竟日

三十一年丙戌先生七十四歲 正月初七日舉人日

會不遑及門數輩先生各指不變化處訓迪要歸身心事事着實工夫在各人頭地上做 曾孫心培生

三十二年丁亥先生七十五歲 山居墓祠門道西樓

成 三月師母陳孺人疾起 先生訓敬立曰其爲

人也孝弟爲是要着力去做爲學要貫中庸與易之乾坤乃得大本道也者不可須臾離也可離非道也卽顧謫天之明命工夫在戒慎不睹恐懼不聞莫見

乎隱莫顯乎微 五月十四日師母辭世殯於門道
東翼後葬於慕廬之麓葬後先生請父晚齋母堵孺
人神位供於享堂焚香率子婦拜謁命循次班坐告
以廬居之由居廬之事學舍之建意外之變廢而復
興師母內佐中饋靜守空山備極勞瘁且離子媳之
養榮榮孤處今墓祠甫告厥成遂邁危疾溘然長逝
此後山居事宜付洙與豕婦居山守護 尹亭山自
都中遺先生櫬竹杖其銘云行有常觀其生素履往
利永貞

三十三年戊子先生七十六歲 春月浚鑿駁築山麓
池塘池中之石或去或留或填或補指揮布置各循
其序 上海張勛來先是辛巳復共學山居山居本
俟齋築以居其師而遠近諸同學來會復七者也俟
齋晚年空匱立議以與楊氏荒廢不堪先生久謀歸
復未得其便至是始克與錫山遺老仍舉會其中垣
牆庭戶俱已頽敗力爲修整勛來俾居之而會事亦
漸有條理矣

三十四年己丑先生七十七歲 先生往梁溪方圖爲

山居翻整牆門忽遭痰疾吳門良醫張亮揆曰此由
用心太過先生能置書勿看輟學勿講可治先生笑
曰某自二十餘矢志於此將六十年造次顛沛未嘗
一刻忘朝聞夕可殆其時乎奚以藥爲 秋疾益進
先師誕日理巖與敬立勛等至山猶自強起以心作
骨率令拜聖拜墓拜六先生如常儀諄諄提命不以
病異曰今日拜孔子則當學孔子今在舜山則當學
大舜學舜以伏書堯典一篇爲法將其篇節次逐一
分解之學孔以論語十五志學章鄉黨章中庸道不

遠人章爲則亦取各篇之節次而詳說之又曰顏曾
思孟其學各有下手着力處吾欲詳爲注釋以示汝
等今不暇及然汝等果能不負初志實踐躬行自能
得其方也又講雜卦大過顛也八卦不反對之故以
姤一陰初生爲禍機之萌以夬一陰未去爲私欲之
累兩卦是學易切要大過顛也尤爲學易用力切要
處時痰氣雖或上壅然語音清朗指示詳明 時敬
立居相近時至問候九月二十三日先生召敬立及
二子至榻前肅衣冠起坐論以後事時吳門梁溪有

有札問疾命敬立讀之燈光之下先生面容清和光霽
如平時二十四日上午喉中微有聲欲至舜山曰三
十餘年心力俱萃於此可不終老於此邪惜未有舟
竟不克遂夜二鼓先生辭氣愈清命將古書名畫及
父兄手著謹藏於笥并封識之曰吾子孫慎守勿妄
動也絕無呻吟聲愁苦狀旣而以手自按曰六脈無
矣至亥末顧視敬立及子洙曰山事勉爲之瞑目而
逝 師母陳孺人先卒孺人事先生以禮自律白首
如賓性耐煩不求安逸有桓少君風西崦孝廉楊自

怡題曰克相夫子蓋實錄也子三長洙娶顧氏有孝
行次沐娶胡氏季潮娶姚氏早卒無出孫二鳳梧娶
金壇鄉貢進士袁光孝女洙出榛娶郡城楊氏沐出
時曾孫一曰心培先生所名也鳳梧出女一一適郡
城北門太學生趙鎮一適橫溝太學生顧範

右是仲明先生年譜未著撰人名氏證諸唐夢訪撰
先生行述知出自先生高弟張敬立即侍先生疾而
視舍歛者也夢訪謂先生與人論學札當編之文集
及門問答當彙之語錄故綜其生平別爲行述瀾竊


謂論學札與及門問答著之譜者所以見先生之德
與年俱進及裁成之廣如此未可譏也敬立此編蓋
據日記以成書故語氣時有似先生自述者有詳於
行述而爲譜所未及者瀾爲撮其精要按年分注於
下以補所未備又年譜至戊子年上海張勛以下佚
瀾謹依行述補之如右先生以布衣負重名真修實
詣爲當時鉅公所推服然嫉之者亦衆矣與縣令相
齟齬生前卽被謗議幾致不白阮吾山茶餘客話董
時滄東臯雜鈔皆痛詆先生且附會其事以實之蓋

揚縣令之餘波不察而爲此道途之說也自後羣以
僞道學稱之以至於今則此二書之故也瀾昔年讀
是書而疑之謂夫尹會一方望溪戴東原袁隨園諸
人皆一時通人俱有推重語及書問往來見之各家
文集中可證也道途之言容有未可信者而無所考
證不敢自堅其說及服官吳中聞大府爲先生請
旌孝子並建祠以祀而新修縣志猶不敢爲之立傳者
蓋公論漸彰而流俗附和之談猶未盡息也旣而承
乏武邑爲先生所產地亟訪其後人求遺書讀之得

所爲年譜行述及海甯陳相國舜山學所碑記又先生自著黃堯咨讀易質疑序然後知先生品學之醇並畧得其謗議之所由起今年春與蘇州柳大令商賢論學偶及先生大令瞿然曰吾懷此久矣瀾請伸其說大令所見一一與瀾合瀾竊喜此心此理之同遂將年譜校刻行世願與海內學者共證之嗚呼先生之學抑鬱沈霾於煙霧之中者越百數十年之久此書出然後其道遂明於天下然則願晦固有其時哉斯可感已光緒丁亥夏四月嘉興金吳瀾跋於武

進縣廨

4



泰舒胡先生年譜

華亭王永祺編次

康熙三十三年甲戌十二月初五日巳時先生生

先生諱寶璵字泰舒號飴齋晚號瓶菴又稱蘭筍

巢仙世居徽州府歙縣方塘村始祖昌翼公本李

姓嗣義祖胡三公從胡姓舉同光乙酉明經進士

世稱明經公以理學世其家代有名儒從祀

文廟者數人號七哲自宣城太守以下人物之繁科

第之盛載在家譜不復敘先生曾祖惇五公諱守

倫畚經爲業早年質志以歿著有易旨探微蔭堂
詩鈔祖誠之公諱希烈四歲而孤孝友性成矩言
楷行蓄德深遠家中落復興甚豐裕一日作家訓
垂多藏之戒盡散給親族其浙江衢嚴一帶負公
者多累萬皆焚其券惟延名師起書樓以訓子孫
祖妣汪太夫人嫗範叶矩相夫立業治家條理井
井敬禮塾師無不周至考教授公字賡雲以名諸
生貢入太學

廷試第二年十八授溧陽訓導能於官總督于清端

公特加賞識已登薦牘會丁內艱訃至或曰遲三日則疏出矣公以爲大不可立報以憂去後補寧國府訓導陞婁縣教諭署縣篆治行有聲終常州府學教授樂育羣英善績彰著母洪太夫人孝事高堂善承先志好施與遇歲歉有穀數十倉太夫人一時盡散給貧之一鄉賴以全活先生兄弟八人皆洪太夫人生長方亨公嘉會次涵齋公嘉浩皆邑庠生三邵齋公才標太學生四山靜公寶璫薦舉博學鴻詞

左
闕里盛典纂修官丁卯舉人庚辰

恩科

欽賜國子監學正五嘉謨早殤六劍溪公寶光癸酉舉
人鳳臺教諭先生行七八海槎公寶琳附貢生保
舉分刑部由郎中知福建邵武延平二府卓異今
任山東運使先生生於宣城正學書院時教授公
爲寧國府司訓無公廨以書院爲官署中祀新建
伯王文成公將生之夕教授公夢王文成贈一金
軸曰五十年後送至吾鄉明日而先生生

三十四年乙亥先生二歲

三十五年丙子先生三歲

三十六年丁丑先生四歲

三十七年戊寅先生五歲

三十八年己卯先生六歲

是年教授公移官松江婁縣教諭先生及諸兄弟咸隨焉

三十九年庚辰先生七歲

始就傅

四十年辛巳先生八歲

從無錫糜宸英先生

四十一年壬午先生九歲

從顧繡墩先生

四十二年癸未先生十歲

讀書春暉堂

四十三年甲申先生十一歲

讀書家塾

四十四年乙酉先生十二歲

從張銘淵先生

四十五年丙戌先生十三歲

讀書亭橋

四十六年丁亥先生十四歲

讀書亭橋

四十七年戊子先生十五歲

從武進吳觀成先生學始爲詞賦一日庭前牡丹
盛開教授公持家釀與西席酬之酒半令賦詩以
答花貺卽成一律以獻曰春寒收盡蘊香腴特坼

仙苞舞六銖莫大文章王氣象全滋雨露帝工夫
旁求莫惜千金買珍重應教百寶扶桃李徧栽皆
退聽日輪獨照鳳凰雛教授公微笑曰未免張大
然頗有器局

四十八年己丑先生十六歲

從張天申先生學

四十九年庚寅先生十七歲

從何先生學

五十年辛卯先生十八歲

是年先生聞寧國有名師獨負笈步行千里往從
焉師爲丁梅士先生學無所不通議者以先生生
平皆得力於此先生肆力於詩古文者數年教授
公誨之曰吾先世所學何學今汝飛文騁辭所謂
玩物喪志大不似吾家子弟非世守之道乃復爲
制舉業

五十一年壬辰先生十九歲

讀書寅城

五十二年癸巳先生二十歲

讀書北倉從金滄洲先生

五十三年甲午先生二十一歲

讀書北倉

五十四年乙未先生二十二歲

讀書龍潭從陳履萬先生

五十五年丙申先生二十三歲

娶俞氏華亭增貢生候選訓導諱承鳳詔臣公第

三女附貢生候選訓導蓉菴公嫡姪女乾隆丙子

庚辰兩科副榜考授州同鑲紅旗教習期滿奉

旨以教諭用諱寶銘胞姊

五十六年丁酉先生二十四歲

讀書瑄湖橋

五十七年戊戌先生二十五歲

讀書瑄湖橋

五十八年己亥先生二十六歲

子己亥生

五十九年庚子先生二十七歲

是年教授公移官常州

六十年辛丑先生二十八歲

先生爲時藝深鄙庸腐小試不合時宜年二十餘
尙困童子軍是年夏歸試松江四書五經七藝成
有餘力又重作四書兩藝不及燭而出文皆典贍
學使者鄭魚門先生嘆賞不置拔第一入謁時語
曰吾試上下江未見有奇才如汝者故以特冠一
郡當不復歲試卽鄉薦矣已而果然

六十一年壬寅先生二十九歲

館陸氏書塾

雍正元年癸卯先生三十歲

是年登賢書座師爲北平少宰黃崑圃先生本房
沭陽令晉江黃學山先生初得先生卷謂後場淹
貫古今封五王表淵源詳悉極華贍爲通場所無
必老儒夙學榜發乃知爲先生慶得人計偕入都
卷在輦太史房中薦元未售因歸常州

二年甲辰先生三十一歲

先生以太夫人病未與會試

三年乙巳先生三十二歲

長女生後適己酉科舉人候選知縣東湖戴公長
子庠生象晉

四年丙午先生三十三歲

子鼎梅生是年十月教授公捐館舍先生哀毀成
疾教授公官婁縣最久樂育甚眾將僑居焉故先
生就試松江教授公既歿暫厝松江奉太夫人居
松江之北郊遵遺命也

五年丁未先生三十四歲

館廖紅泉先生家子己亥卒

六年戊申先生三十五歲

館學士里

七年己酉先生三十六歲

次女生後適癸卯進士萊州府知府時懋洪公長
子太學生煦冬遊京師

八年庚戌先生三十七歲

館范太僕家監司公清洪少僕公清注皆受業試
南宮已得復失亟歸而洪太夫人病甚日侍湯藥
不離左右

九年辛亥先生三十八歲

是年丁太夫人憂讀禮於家

十年壬子先生三十九歲

三月北行饑驅齊魯間僑居曲阜主衍聖公家時
方修

闕里盛典以先生學問淵博請以爲纂修官

世宗憲皇帝可其奏并課其二子監司公繼洵農部公繼
汾先生謂素王之緒不可墜宜相尚以道行先於
文不使逞浮華之習

十一年癸丑先生四十歲

館衍聖公家

十二年甲寅先生四十一歲

館衍聖公家子鼎蓉生

十三年乙卯先生四十二歲

館衍聖公家

乾隆元年丙辰先生四十三歲

會試薦而復黜是年先生居濟南館座師黃北平

官署

二年丁巳先生四十四歲

臨場有先寄禮部文者待不來及期知其人已至而名冊未列亟爲投遞時諸舉子將點入先生慮其無及爲負所託慨然曰豈有渠不入試而吾獨試乎卽攜筐出後其人仍以文到入闈而先生已出外城竟居場外其篤於友誼類如此是年考授

內閣中書

三年戊午先生四十五歲

官西清太保西林鄂公雅知先生曰省中隱埋一

老名士大能任事亟召入軍機裏行先生務爲
晦不欲與諸同事競然極博洽通時務直舍無書
籍而有問則應據經史百家及直省地形土俗官
職兵制因革利弊言之鑿鑿太保公深倚重之三
女生後適福建按察使紫泉王公諱廷諍次子庚
辰舉人篤祐

四年己未先生四十六歲

五年庚申先生四十七歲

六年辛酉先生四十八歲

是年秋相國松莊查公今大司馬果毅公阿公奉
命度地奉天三省奏請以先生同行仍隨

駕木蘭校獵畢由土默特噶爾沁諸部落入九關臺邊
門經廣甯登醫無閭至

福陵

昭陵銀河縈帶繡嶺周環王氣肇啟萬年天光綿亙六合
先生鞠躋欽仰喜

帝業之無疆爲生平第一盛事十月過打牲烏拉吉林
烏拉松花江閱視阿爾楚哈拉林費克圖噶爾山

等處至呼蘭達三姓觀五國城復由呼蘭抵齊齊
哈爾墨爾根十二月至黑龍江又從伯都訥駐舍
利度歲

七年壬戌先生四十九歲

正月自登爾者庫踰鄂木和索落到寧古塔遙望
長白山天作靈岫朱果發祥欣忭神往二月入烏
蘇里閱綏分直至琿春而還是行也煮雪爲飲乾
餽爲食喬林蔽天每腰斤開荆棘熊虎四出以弓
矢金鎗禦之入自古無人之境審其山川形勢辨

其土宜如指諸掌至京共行二萬二千餘里歸復
隨

駕東巡

上出落葉詩令從官和先生奏稿選入

御刻是年冬奉

特旨慎選言官必如陽城馬周者大學士九卿不拘資

格秉公薦舉相國查公卽以先生應

詔

御試擢第一引

見記名以御史用內閣中書例不考選膺茲
異數自先生始

八年癸亥先生五十歲

四月陞內閣侍讀五月奉

旨補授福建道監察御史協理陝西山東山西浙江
南道事先生感激

聖恩遇事敢言其奏牘選入

皇清奏議是年秋

上幸奉天謁

祖陵羣臣獻詩

上親選十六人

賜盛京賦先生與馬詩刻

皇清文穎

九年甲子先生五十一歲

十年乙丑先生五十二歲

十一年丙寅先生五十三歲

鼎梅娶范氏太學生莠堂公女

上幸瀛臺賜王公大臣及翰林科道宴隨令賞花釣魚

先生際茲隆遇恭和

聖製宴畢

賜大緞

御書果品鮮魚以歸十一月轉戶科給事中鸞臺主封
駁皆崇大體又以爲錢穀總會之所力剔私弊而
考核不苛

十二年丁卯先生五十四歲

六月京察一等加一級

十三年戊辰先生五十五歲

五月

特陞順天府府丞提督學政先生以身任文教乃廣厲
士林學校振興時金川土番跳梁方逞螳臂督師
者調度未協

上親籌畫指授方略

命大學士傅公往經略其師

勅先生從行

賜帑金荷包先生晝夜星馳越晉踰陝登劍棧抵蜀度
竹索橋從者皆不及獨穿不借步行過大赦納四

等山直至噶撒方羽檄旁午毒瘴爲厲或三晝夜
一食先生一心許

國無室家身命之念是以親臨戰陣之地矢石交加
談笑如平時竟不爲蠻氛所侵蓋志定而不搖也
十四年己巳先生五十六歲

是年春大學士傅公恪遵

廟算師大捷番人喪膽厥角請降金川平凱旋之日

上以金卮貯酒手賜之舉朝以爲榮有詢其始末者先
生以實告曰吾書生不知兵一切謀略皆不得與

聞不過供書記而已其在軍時深居幕府不外交
一人亦不干涉一事

上明見萬里外途次卽令兵部議敘加軍功一級并驛
賜人參荷包白鏹且知先生謹慎卽軍中陞順天府府
尹敘金川功復加軍功三級羣臣請修平定金川
方略以先生爲纂修官告成紀錄二次三月到府
尹任京兆素稱難治先生事事務實一無粉飾不
矜發摘而奸弊自除

十五年庚午先生五十七歲

鼎梅生子傳書鼎蓉娶范氏乾隆壬申榜眼掌福
建道監察御史芄野范公諱械士女己卯科舉人
諱錫圭胞妹四月晉宗人府府丞秋扈

蹕禮中嶽途次陞都察院左副都御史先生居柏府清
正自持兩衙門前後輩素仰風標整齊嚴肅中外
稱之

十六年辛未先生五十八歲

上南巡大臣之隸籍江左者

欽選隨

言
三
駕惟先生一人道中

賜宴賜金文綺方物恭和

御製詩章賡颺喜起繪太平之象而民物咸熙山川增
色

上將渡河先

命先生祀

河瀆

幸吳山又

命先生祀浙江

海神

駐蹕會稽

欽點大臣賚

御祭文祀王文成先生適承茲

命先生驚喜至祠堂下拜讀祝如見如聞因思自生於
文成書院迄今五十餘年果應其兆敬書三不朽
三字懸之廳事至嘉興時有河南奸民傅毓俊者
告張姓謀逆一事牽累百餘人先生奉

命馳驛往審日行三四百里七日而至開封亟赴偃師

甫至集案牘夜視之詰朝司道來見先生曰吾已
得其實矣一訊而證據確鑿俯首無辭爰書遂定
誅傅毓俊一人餘皆省釋至今中州有神明之稱
復

命泰安

行殿

上嘉之賜貂皮大緞仍扈

駕至京十一月恭遇

聖母六旬萬壽跪迎西華門

皇太后面賜荷包鼻煙壺

恩詔加一級

覃恩封祖誠之公考賡雲公及本身皆資政大夫都察院左副都御史軍功加二級祖妣汪太夫人妣洪太夫人妻俞氏皆夫人

十七年壬申先生五十九歲

春奉

命祭告南鎮會稽山

欽假還鄉提軍武公迎請

聖安太守蔡公聞之曰吾官此數年不知郡中有此縉紳訪之已步至里門太守來見所居破屋八椽門不能容車斗室接談猶然蓬華士嘆息而去蓋未歸者二十餘年故舊皆老蒼道生平握手不能判袂居兩日卽行至盤山

上召對良久以車馬之勞

優旨令先回京恭值

耕藉大典禮臣請

點三王九卿先生爲副憲

上特命先生從耕三月晉兵部右侍郎仍兼管順天府
府尹事夏五月畿輔蝻子生先生飛馳撲滅日暴
酷暑中匹馬往來不敢少息又奉

命兼往天津河間捕蝗一一殄除

上以蝗蝻撲捕勤勞所有從前處分之案盡加恩開復
仍議敘紀錄二次

萬壽恩科順天文武鄉試爲監臨官武會試復爲監射官
十月奉

旨署理山西巡撫兼管提督事務涖任後招集饑民親

理政務嚴懲貪吏整飭戎行謹關隘修隄防除奸
豪理冤獄教養並行兵民愛戴納側室汪氏長孫
女生鼎蓉出許字廣東糧道□□金公諱烈孫記
名御史刑部員外郎涵齋公姪孫候選員外郎□
□公子□□

十八年癸酉先生六十歲

八月文鄉試爲本省監臨官武闈主試內外場揀
擇精當榜發一時稱得人子鼎梅卒九月奉

旨實授山西巡撫十月

特調湖南巡撫奏請

陛見

上特允之歲底入都卽

召對

十九年甲戌先生六十一歲

正月

陛辭仰承

聖訓以苗疆重地應實力經理先生感

上知遇之恩星馳赴任詳察地方情形民多貧乏而俗

左言
二
尙未端因力行教化重四維勸諭諄切吏治習於
翫骸嚴考課以振勵之撫苗獠禁兵役滋擾簿領
山積皆親理夜分始息

二十年乙亥先生六十二歲

子鼎衡生側室汪氏出也聘漳氏康熙癸丑會狀
禮部尙書賜謚文懿慕廬公諱葵曾孫女康熙庚
辰進士翰林院庶吉士

誥封朝議大夫東籬公諱孝基孫女雍正庚戌進士司
經局洗馬瀝芳公諱彥曾女四女生許字康熙乙

丑進士廣東廉州府知府□□蔣公諱梟孫乾隆
乙丑會元現任兵科給事中提督山東學政時菴
公諱元益子□□三月調江西巡撫自湖南行五
日抵任卽審辦要件先生以事關風俗人心并敬

刊

聖朝訓典分發各學按名分給行部所至必親加訓誡
士風丕變鄱湖多盜久爲行旅患先生設法編船
責成文武互相稽查盜遂息又立保甲法城分四
門鄉分四路以管收除在四柱法按月按季稽察

事不繁而可久是年江浙皆荒斗米數百錢亟望
汎舟接濟而江右亦僅爲中熟之年市價較往歲
差昂先生恐市儈土豪居奇遏糶預爲設法調劑
檄示查禁且曉以通商惠鄰之道令度其蓋藏可
接來歲早收其餘盡以出糶且乘時得價於農民
生計亦爲有益於是市米輻輳轉運商舟連檣而
下時謂得西米之濟勝於川廣而江浙山鄉北壤
向來販運難到者今亦源源而至尤爲得力其人
莫不歌祝

三十一年丙子先生六十三歲

廣信府有封禁山明末盜巢也

國初封禁後屢議開禁皆不果近年復有建議應開者且極言地土之利衆議不一先生乃單騎親往陟嶢巖入深谷看詳周備笑曰此其土不可耕而叢木僅供炊爨不足償工運之費且良民誰肯穴居者開之無利可取徒資奸宄藪耳仍卽民居所到者以爲限重加封禁添設汛守具以狀上得

俞旨其議乃停八月監臨文鄉試十月主試武闈事畢

入都

陛見

上叠次召見慰問諄切

賜貂裘錦綺仍

命回任

二十二年丁丑先生六十四歲

是年春

上南巡先生復迎

鑾至山左卽隨

駕至江南

賜詩

賜扁額并

賜御廐良馬硃呢緞匹荷包紋石袋齋戒牌等物謝

恩還六月

特調河南巡撫聞

命三日卽行江右士民追送之至九江攀轅不絕晝夜

兼行入豫境時歸德一郡積歉連年而是歲六月

水患尤大連及開陳汝許并大河之北彰衛懷各

郡同時被澇者計六十餘州縣仰賴

聖主宸衷獨照備悉民艱地方情形究其源本大發帑
金數百萬撥米數十萬

恩旨疊頒有加無已先生上遵

聖訓下恤災黎率勵大小屬吏悉心撫綏稽核戶口無

一遺漏賑必先時俾沾實惠更爲葺屋宇招流亡

計田畝借牛種冬則隨地留養煮賑給衣一一承

上德意全活者以數千萬計而又精心密察胥役地保

不容絲豪冒濫且蒙

睿懷廣運以救於旣灾不若預除水患以爲永久之計
欽差大臣并令與鄰省大吏通盤籌辦於是幹支各河
大工并舉趨事子來民不知勞且以代賑當是時
聞賑咸歸道路清謐麥苗徧野寸土無曠經營半
載以來而灾地已有起色矣

二十三年戊寅先生六十五歲

先生伏念

聖主宵旰焦勞時深南顧亟求安集以慰

殷懷往來查辦丁丑歲暮始歸會城清理案件新歲卽

巡行四出時復奉

恩旨展賑直接麥秋先生循行阡陌勸課春耕人皆復業又以疏濬要務上厪

聖懷特諭於雨行之前竣工以防春漲而上冬雪深土凍施工未畢之處俱應亟趁春融普力興作於是躬先督率自春徂夏無一夕寧居而工賑兼行悉歸妥協

上嘉獎之

特頒諭旨曰豫省災區積困已久朕特用胡寶瑒爲巡

撫伊不辭勞瘁實能仰體痾瘵在抱之意而又能悉心調劑以蘇窮黎甚可嘉也胡寶琮著交部議敘欽此部議加一級先生特承

恩命感激不寧益自奮勉以求報稱自是四五月間賑務已竣麥秋已至民氣和樂災象全消而各河大工於二月告成後并田閒水道道路溝渠纖悉備舉於是自溝達支自支達幹流分派別脈絡井然瞭如指掌復與

欽差裘公分道勘查量度收功是役也同時開濬者四

府二十八州縣之境幹支各河六十七道計二千五百七十餘里兩岸之隄如之涵洞橋梁悉備奏入

上深嘉之

諭曰據裘曰修胡寶琮奏豫省河道全工俱於二月內完竣等語開歸陳汝等府頻被水澇上年特命裘曰修會同該撫胡寶琮悉心商度廣爲疏濬自發帑興工以來諸臣能體朕宵旰殷懷實心經理數月之間原辦續辦各工一律迅速完竣甚屬可嘉裘曰修胡

寶琮著交部議敘其在工承辦各員並著該撫等查明分別議敘以示獎勵摺并發欽此復議敘加一級於是先生條列善後事宜以上奉

旨如所議永遠行之

上復允先生請

御製碑文垂示永久爰於永城縣之通衢擇地敬立先生又將各河源流統繪一圖并爲之說各記其修濬丈尺請勒石公所以便遵循修治復奉

俞旨蓋豫省各河主於宣洩層層下注分入於江南之

濰泲各河而滙於淮以歸洪澤向例民修人力不齊間段沮洳因而旁溢又無隄岸以防之遂致成災

聖主洞悉受患之源發帑數十萬以治之先生悉心相度經畫咸宜工成之後順軌安流數郡中比年大熟至辛巳秋黃河奪溜全入賈魯惠濟兩河亦賴就下甚利民田仍卽涸出尤其明效大驗也是歲以拿獲脫逃要犯奉

特旨議敘加一級七月奉

上諭河南巡撫胡寶瑑歷任封疆賢勞懋著嘉茲顯績
特晉崇階用示褒榮以彰優眷著加太子少傅

二十四年己卯先生六十六歲

三月京察

特旨以督撫九人各稱厥職宣力有年議敘加一級先
生與焉八月監臨文鄉試時署學政印以武闈期

近

奏准錄遺十月主試武闈是月

欽賜

御刊墨妙軒法帖十一月

欽賜

御筆墨搨二十五卷

二十五年庚辰先生六十七歲

三月大兵凱旋經由豫省先生仰體

聖主慰勞有功兵士至意督率供應有加權騰於道八

月監臨文闈十月主試武闈十一月以大兵凱旋

恩詔議敘加一級十二月赴京

陛見途次奉

特旨復調江西抵京疊蒙

召見賞賚便蕃

二十六年辛巳先生六十八歲

正月侍勲臣大宴

上以玉卮酒親賜之并和

御製詩章旋

陞辭赴任江右久望先生復來聞將至皆懽抃至則吏

肅民和自然就理風氣肅清一如前在江右時至

七月豫省河決楊橋沁洛丹衛同時並漲被災者

五十餘州縣

上以先生撫豫日久一切情形均所熟悉

特旨仍補河南巡撫先生奉

命速行抵開封卽赴楊橋工所是時楊橋之決河不東

注全溜折而南行直入賈魯河分及惠濟諸河以

入淮仰賴

皇上神謨立斷謂必先堵楊橋決口乃扼全局之要且

以工程甚鉅

欽差大學士劉公協辦大學士兆公來豫董其事復

命少司農裘公南河高公共襄之先生至已有成議惟
決口數百丈東西兩壩計日進埽并開挑引河築
壩兜水約需稽料蒜麻數千百萬日需夫數萬名
惟期調度悉應而不累民爲已任至十月規模已
定適有閩鄉奸民拒捕殺傷差役十餘人先生聞
信素知其俗獷悍曩多大案非親往速辦不可卽
飛往至則文檄四發以斷其逋逃之路一面曉示
俾知良匪有別不至玉石俱焚凡安居者卽爲良
民逃竄者卽是匪黨於是村民乃相率復業而諸

兇無可容身不數日皆就擒先生親訊之悉俯首
無辭乃欽遵

諭旨一面具

奏一面誅馬現龍等於市於是兇徒無漏網而平民
一無濫及僅旬餘而大案遂結時論以爲非公莫
辦也奏

聞

上嘉其督辦迅速

特諭議敘加級其在事勇往者咸擢用事定至楊橋已

一
掣溜東注僂工合龍是日天氣清明風恬浪靜大溜順軌施工甚易奏

聞

聖心嘉悅

特頒諭旨建立

河神專祠諸大臣及在工員弁并予議敘先生復加一級其善後事宜與

欽差大臣及兩河臺悉心商度無弗周密先是賈魯惠濟諸河悉爲黃流冲漫先生慮其水去而沙停也

於是預檄各屬乘其浮淤而治之又令預築各隄
決口惟留洩水之口以洩田水是時河流深通就
下甚速平地瀰漫之水并不挾沙入河其河面浮
沙多刷於隄根停淤甚鮮施工甚易是以黃水斷
流之後數日之內田皆涸出仍得種麥卽一體借
給籽種其在河北則黃沁交匯之工爲大且懷慶
一郡攸關其隄向皆民修

上特借帑數萬令委員興工先生并親往督率之亦於
冬月全竣自是工程之事大定矣其賑務則諸河

初漲其勢更驟於丁丑之灾而民間連歲有收非
彼時積歉可比且小民皆知

聖王愛民之心無不安心待賑是以路無流亡卽房屋
被冲者皆搭棚棲止民氣甚定旋奉

旨發帑數百萬工賑並舉其米粟則本省儲蓄尚多惟
晉省協米十萬石餘皆於本省酌撥無須別籌轉
運於是先給房費以定民居撫賑則定期早給其
他救荒之政一如丁丑時過境者不見灾象而鄰
省亦不見逃荒一人咸以爲從來辦灾所未有也

二十七年壬午先生六十九歲

正月恭逢

聖駕南巡先生赴山東迎

鑾至新莊接

駕侍宴

行營并奉

詔賦銅繩詩扈從數日屢蒙

召見至德州

賜詩一章卽恭和焉時奉

恩旨展賑而先生已在途因卽將分別加賑具奏得

俞旨復

賜詩二章侍宴

行殿旋奉

旨回豫并奏明於

回鑾時赴徐恭迎

鑾輅復蒙

恩准回豫後各屬按期加賑並十處城垣興工及赴西

換班官兵由豫經過悉往來親督事竣赴江南至

徐州

行在再覲

天顏卽隨赴山東

恩眷優渥途中復蒙

賜詩旋奉

命回任抵開封麥秋大熟復得應時之雨普種秋禾蓋
先生所至必爲豐年是到處稱福星云四月京

察

特旨以督撫中十一人宣力有年各稱厥職交部議敘

以示優獎先生與焉議加一級上年恭逢

皇太后七旬萬壽

恩詔給內外臣工封典先生任副憲時恭遇

覃恩因有加級已請二品

封典茲因巡撫亦二品乃奏懇以兼銜提督請一品

封典

特恩俞允於是先生曾祖惇五公祖誠之公考教授公

皆晉贈榮祿大夫曾祖妣汪太君祖妣汪太君妣

洪太君皆晉贈一品夫人先生授榮祿大夫俞夫

人晉封一品夫人四世一品同被

恩榮於以信先世積德之報而先生報本追遠之思亦
於是大慰焉先生素性習勞時因巡查地方往還
數千里自夏至秋不少息七月至彰德嘔吐病發
八月先生以闡務重大非力疾可辦因委藩司代
之遵例奏

聞

上閱奏注念甚深

馳諭日數百里令安心調攝叠次

降旨慰問時

上巡幸木蘭旣遠

頒天廚珍品并

賜人參藥物又

特遣侍衛明公同太醫張公來豫診視得數藥而愈十

月子鼎崧生先生復接印任事自以病已深痼特

蒙

聖主賜之生全每與人言輒感激涕零益奮發自勵蓋

三冬漸已如常歲且更始

御賜福字并鹿肉等物先是在

內廷十數年

賞賚便蕃不可勝記及外任封疆每逢新歲必

賜福

三驅禮成必

賜珍品

聖主優念賢臣先生忠誠足以上結

宸眷何其盛也詎意春令甫交忽不能食先生自以甫

愈復發難以再痊卽具摺

奏請解任

二十八年癸未先生年七十歲

正月六日奉

上諭不必解任復

遣侍衛台公同原看太醫張公來豫先生感激

聖恩逾格有加無已雖委頓已甚猶令人扶掖伏地叩

首謝

恩自陳感激之忱語不能接惟涕零不已至是非藥力

所能回矣病革先一日口授遺

奏惟惓惓於

君恩未報涕泗橫流諄囑母作行述彌留之際與署中諸友握手作別進見屬吏皆以盡職報

國爲囑旋顧諸子曰吾一介寒儒歷官至此年已七旬一家四世

恩榮一品同胞尙有三人年老康健糟糠偕老有子有孫吾生平更有何憾惟沐受

君恩深重豪無報稱此吾嗔咽不能已者汝等但各自努力能爲

朝廷出力一分卽是孝於乃父矣言訖而逝時正月十八日巳時也一時吏民聞之滿城皆哭傳之四境亦皆哭是月二十四日遺摺

進呈

天子覽之

特頒諭旨曰河南巡撫胡寶瑗幹練老成恪慎精敏敷歷中外宣力有年昨因舊疾復發遣御醫診視尙冀痊可茲聞溘逝深爲軫惜著加贈太子太保兵部尙書所有應得卹典仍著該部察例具奏其遺摺內請

入籍江蘇青浦縣之處并著照所請行該部知道欽
此禮部准吏部咨稱原任河南巡撫胡寶琮應照
例按其加贈品級給與全葬致祭銀兩遣官讀文
致祭應否

與諡伏候

上裁奉

旨依議仍著與諡先是先生隨教授公官松江因家焉
既卜葬地於青浦之蘭筍山故遺摺奏請入籍既
奉

俞旨子鼎蓉等因奉先生柩歸松江卽於本年四月二十二日安葬新塋是年秋

皇帝遣蘇松糧道朱奎揚

諭祭於原任河南巡撫加贈太子太保兵部尙書胡寶璵之靈曰敷歷領巖疆之重懋著賢勞明禋昭異數之仁導揚寵命爰沛飾終之典以獎勤事之臣禮備哀榮恩周存歿爾胡寶璵通明練事恪謹持躬始給札於薇垣不言溫樹迨乘驄於柏府益懷清霜存登卿尹之班兼掌文銓之寄值元臣之秉鉞備僚屬以

從軍匹馬短衣贊戎韜於闔外飛書馳檄効參佐於
行間用集大勳與有不績擢居憲長風度肅於三臺
旋貳夏官紀律申夫九伐相其敏達足稱撫循宣風
先故絳之區持節蒞長沙之郡大江右壤載藉屏垣
全豫濱河重資鬢剔惟爾數承清問克廣德心際邊
事之方殷置遞無艱於齋送每民言之上達宵衣用
釋於憂勤倚畀方深膏肓遂及命國醫爲調脈賜上
藥以駐齡幸已脫於沈疴凡郇再任何遽增夫舊疾
和緩空勞省覽遺章曷勝怛悼特加峻秩晉台座於

文昌允其卜居慰營魂於宅兆式頒奠醑俾愜幽明
嗚呼民功曰庸永念成勞於保障乃言可績尙留餘
愛於甘棠靈而有知庶幾馨格隨由工部繕給

御製碑文曰朕惟宣德意於封疆聿著匪躬之義紀功
宗於珉石用垂壹惠之文惟澤被於嘉師斯恩昭於
來葉勸功之典時惟懋哉爾加贈太子太保兵部尙
書原任河南巡撫胡寶瓌才本通方學有經法簪豪
省闈篇章傳紅藥之名執簡臺垣冰蘖表素絲之節
周旋禁地殿庭之進止無愆屏翰神畿京輦之喧囂

胥靖策馬戎沙之地洞達邊情備僚武帳之中與聞
廟畧用襄大凱其克有勛擢居風紀之司亮直無慙
於豸繡俾貳夏官之長機宜悉協於樞鈐嘉其中外
之成勞畀以撫循之重寄晉水湘江之會並建牙旗
豫章梁宋之區載馳玉節朕殷懷人瘼惟爾實撫其
流移朕軫念河防惟爾勤司其宣洩日者時巡南服
顧問守臣嘉忠讜之上陳喜神明之益茂未經改歲
遂染沈疴馳內院之盧跗賜尙方之參附方謂宣勞
猶昔二豎全祛何期夙疾俄增三靈失祐悵老成之

已謝空歌勿翦於周南冀後嗣之芋寧允卜攸居於
吳會爰頒贈卹以慰幽冥晉保傅之宮銜遷正卿之
峻秩稽諸冊府錫以嘉名象厥生平謚曰恪靖嗚呼
豐碑式煥緜世閔於五湖三泖之間舊德不忘緬勛
庸於九棘雙槐之次欽予時命宜爾後人公子鼎蓉
等卽具呈江蘇巡撫代題謝

恩又同冢孫傳書詣京師恭謝

天恩適逢

駕幸都城隍廟跪伏道左復蒙

垂問乾隆三十年乙酉秋奉

上諭原任河南巡撫胡寶瑯之子胡鼎蓉着賞給舉人
一體會試欽此

聖恩高厚異數頻仍良由先生之碩德鴻才

宸衷軫念追崇身後庇蔭後昆傳諸青史昭垂不朽云

先恪靖公年譜刻版燬於兵燹久已無存僅有鈔
本一卷藏諸行篋攜至京師庚子歲拳匪之亂又
經遺失迨壬寅夏出守吉安道經里門晤姻丈顧
香遠太史出示舊藏刻本吉光片羽彌復珍貴爰
加校整重付手民以垂先德於不朽云癸卯仲春七
世孫祖謙謹誌於吉州公廡



憶往編

誥授奉直大夫鴻臚寺少卿提督四川學院安邑宋在詩著
憶往編者野柏氏自憶其生平所閱歷按年次之用以
自考者也野柏氏宋姓名在詩字雅伯號宜亭晚年更
號野柏世居安邑之運城先世譜系詳家乘不備書
康熙三十四年乙亥一歲余以八月十五日丑時生
先慈王太宜人嘗語人曰吾生是子殊無所苦夢寐中
稍覺震動方索鐙而已呱呱泣矣

三十五年丙子二歲

三十六年丁丑三歲

三十七年戊寅四歲先嚴奉直公偶述 先王父母時
事余掩面大哭曰王父母今安在何不令我見也 先

嚴亦爲出涕

三十八年己卯五歲是年粗識百餘字遂不好嬉戲日唯坐地上以指書字

三十九年庚辰六歲初讀四書屬對先嚴口授焉

四十年辛巳七歲從路先生學先生諱允恭字堯欽太學生先嚴之業師也時年已近七旬仍以訓蒙爲事先嚴以館舍相近命余就學焉

四十一年壬午八歲

四十二年癸未九歲二年皆從路先生學

四十三年甲申十歲從馬先生學先生諱宿暉字向薇館規嚴肅講解明晰初教余學爲文不一年粗能成篇四十四年乙酉十一歲四月應縣試六月應運司試十

一月赴平陽府時安邑尚應院試適學院陞任停考未
獲與試而歸

四十五年丙戌十二歲六月感傷寒病甚劇小愈後復
轉痢疾一晝夜數十起先嚴慈求醫問卜無所不至
廢寢忘食者百餘日此蓼莪一篇所形容未罄者也

四十六年丁亥十三歲

四十七年戊子十四歲約同志數人爲文會主筆者王
子淳先生也先生諱惠噩運學增廣生工于小題其所
指授皆隆萬法律承教歲久受益良多

四十八年己丑十五歲

四十九年庚寅十六歲

五十年辛卯十七歲

五十一年壬辰十八歲是歲馬先生失館余遂讀書于家遊衛道輔先生之門先生諱士楨猗氏人丙戌進士時館于運城其學有源本評余文屢有獎許以遠大相期余由此益自奮勉

五十二年癸巳十九歲十一月科試受知督學孔公諱尚

先丁丑進士山東人八邑庠名第一

五十三年甲午二十歲應鄉試不售

五十四年乙未二十一歲二月督學黃公諱叔琬巳丑進士大興人

觀風取一第一名

五十五年丙申二十二歲九月應科試取一第一名黃

公激賞殊甚隨補廩

五十六年丁酉二十三歲三月初一日完婚外舅李諱樹

諱字雲朋 先嚴之執友也識余于孩提時以其季女字

運學庠生 余至是親迎成禮四月督學黃公檄取入三立書院肄

業余即日束裝就道同學百餘人皆三晉名士一月五

課每課卷出佳篇如林學業由此日進秋闈以禮記中

式第十九名主考華亭王公諱時鴻壬辰進士翰林院編修海寧陳公

諱世侃癸巳進士翰林院檢討房考東鄉黎公諱為客丁卯舉人汾西知縣

五十七年戊戌二十四歲會試不第

五十八年己亥二十五歲

五十九年庚子二十六歲

六十年辛丑二十七歲正月初九日卯時長女生會試

以毛詩中式第一百十八名總裁遂寧張公諱鵬翮庚戌進士吏

部尚書陽城田公諱從典戊辰進士戶部尚書儀封張公諱伯行乙丑進士戶部侍

郎臨川李公

諱紱巳丑進士副都御史

房考全州蔣公

諱綱丙戌進士翰林院檢

討新安李公

諱如璠壬辰進士翰林院檢

四月朔

殿試第三甲第二十名

賜同進士出身

欽點翰林院庶吉士分習

國書二弟在書八庠

六十一年壬寅二十八歲二月謁儀封夫子問學夫子

授以程朱諸書以躬行實踐相勸勉生平聞講學正論

始于此十一月十三日

聖祖仁皇帝賓天時

臣在詩

患病未痊聞之震驚哀痛

病增劇閱數日小愈力疾入哭

世宗憲皇帝御極隨班朝賀恭逢

恩詔臣在詩

敕授徵仕郎翰林院庶吉士臣父 繼

敕封徵仕郎翰林院庶吉士臣母 王氏

敕封孺人臣妻 李氏

敕封孺人

雍正元年癸卯二十九歲三月吏部四司缺員外奏請

于庶吉士內揀選補授翰林院保送八人余與焉引

見

欽點四人余仍歸翰林院肄業是年開

恩科四月鄉試

欽點京闈外簾官分管謄錄所事九月吏部文選司缺

主事冢宰指名保奏引

見奉

旨宋在詩着補授吏部文選司主事欽此隨謝

恩到任視事時掌選者為錢塘沈公諱近端方正直于

人少所許可余以朴實極蒙獎許恭逢

恩詔臣在詩

敕授承德郎吏部文選司主事臣父緝聲

敕封承德郎吏部文選司主事臣母王氏

敕封安人臣妻李氏

敕封安人

二年甲辰三十歲二月

欽點順天鄉試同考官分校易五房薦中汪堅等十四

人副榜三人出闈日聞報二弟在書中山西鄉試第五

十九名四月

欽點順天武鄉試同考官薦中解元王宸等四十四名
五月吏部保陞考功司員外郎十月

欽點武會試同考官薦中會元馬逾隆等三十二人吏
部保陞稽勲司郎中十二月二十日酉時子鑒生

三年乙巳三十一歲三月陪祀

先農壇

世宗憲皇帝躬耕藉田隨班觀禮六月協辦文選司郎
中事時高安朱文端公爲冢宰極蒙許可一日與少宰
某公議公事不合某公作聲色余辯益力不爲屈某公
怒余亦拂衣出文端公謂余曰君所執固是與上大夫
言閭閻如也獨不記斯語乎余改容謝教後此事聞于
各部余遂獲彊直名然心愧文端公之言竊自悔當時

辭氣之過激也十二月大學士九卿公保江南湖廣山東河南四省巡察官時同引

見者十二人

欽點四人又

御筆記名二人余與焉

四年丙午三十二歲正月

特旨在京各衙門官員通行引

見考察賢否蒙

恩記名

賜內緞一疋貂皮二張五月吏部保送分理水利營田事務隨怡賢親王巡視霸保文大及天津等處河道回京仍管水利一切文案十一月開外學差奉

旨提督四川學政着宋在詩去欽此吏部照例請授僉事道銜

上以同一學差何得有院道之分

敕大學士九卿會議僉請由部曹提督學政者改授翰林院編檢銜

上可其奏永着爲例將赴任請

訓旨名

見養心殿

賜御用筆墨各一匣臣叩首謝

恩奏請便道省親得

旨俞允十二月十一日馳驛出都門歲除抵家時違親顏者已六載矣上堂起居畢備述

聖恩優渥閤家感激不勝歡忭

五年丁未三十三歲正月二十日自家馳驛就道二月二十一日抵成都府卽日到任三月因河清

恩賜加一級具疏恭

謝開錦江書院刑學規八條一變化氣質一精研四書一經學一史學一古文法度一時文法度一詩學一字學馬撫軍招飲語次問余曰貴衙門未設養廉前任每新生一名收贄儀十二兩君仍之乎余曰十二兩之數頗聞人以爲苦今仍其名減其數每名不過四兩無力者或二三兩亦聽其便赤貧者全免之公以爲何如撫軍曰果如此蜀人之福也行當以此入告矣閏三月開場首試成都府新生喜出望外以四兩贄者甚夥二三

兩者間有之五月按試嘉定提調官知州某請日供給費無所出奈何余問前例對曰前例提調官薦舉童生數名概蒙收錄耳余曰此大不便一切食用本院發見銀公買不費地方官一錢也遂革去供給舊規各棚俱爲永例矣九月接到

御賜

欽定詩經傳說彙纂一部具疏恭

謝十月回成都先是馬撫軍已于六月內將贄儀一事摺奏並請或歲給養廉三千兩贄儀停其收受等語奉硃批照所請給養廉馬撫軍隨調任湖廣新任憲撫軍諱與余面議養廉自十月爲始嗣後贄儀全免蜀士子聞之歌頌

聖恩彌知鼓勵十一月按臨敘州重慶各棚

六年戊申三十四歲三月接到

御賜柏梁體詩刻一帙具疏恭

謝六月接到

御賜子史精華全部具疏恭

謝八月歲試告竣九月舉行科試應

詔保舉安邑縣生員呂姜緒送部引

見命往直隸以知縣等官試用

呂君少與余同學明白爽直經直督委署延慶

衛事甫兩月旋即病故惜哉

七年己酉三十五歲二月重慶總鎮任公用

諱國

摺薦內

稱公而且明聲名甚好撫軍憲公摺薦內稱婆心教士

諸凡循規蹈矩不敢徇情不敢受賄等語二事當時俱

未聞知後刊發

硃批奏摺全部乃得見之會同憲撫軍題請設立黎大
所學校得

旨俞允四月科試告竣是科值拔貢之年余所至悉心
遴選共得顧汝修等一百二十餘人內本科中式者十
餘人歷科中式成進士者數十人川省道路險遠夔州
建昌遵義等柵舊係歲科連考余亦照舊連考訖將報
部拔貢月日皆須改易心不自安遂上據實聲明一疏
章下禮部議處宜先題後考不宜考後具題請交吏部
議處吏部引事應奏不奏律請降調奉

旨宋在詩着銷去加一級抵降一級仍降二級調用欽
此于五月內部文行知到蜀隨交印撫軍于六月初東

裝回京諸生送者盈道左皆有依依不忍別之色七月

初便道省親閏七月初到京赴部候補

八年庚戌三十六歲三月初二日丑時次女生

九年辛亥三十七歲

十年壬子三十八歲三弟在禮入庠以上三年未遇應
補之缺日惟讀書課子與二三故舊爲文酒之會餘無
事可書也

十一年癸丑三十九歲三月補大理寺右寺正大理爲
三法之一所辦理皆命盜大案余隨事敬慎間有平反
十二年甲寅四十歲四月約同鄉諸公各量力捐貲重
修三晉會館館爲

國初諸先達所勅建至是日就傾頽余旣倡議重修同

人遂以庀材鳩工事屬余閱數月工竣

十三年乙卯四十一歲監督京右翼富新倉倉米約百

萬石責任綦重余嚴出納慎會計積弊一清八月

世宗憲皇帝賓天入哭盡哀九月

皇上登極恭逢

恩詔請以本身妻室

封典

贈祖父母 臣祖居恭

贈承德郎大理寺右寺正 臣祖母劉氏

贈安人 臣父緝聲 再

封承德郎大理寺右寺正 臣母王氏 再

封安人

乾隆元年丙辰四十二歲四月陞授鴻臚寺少卿以監

督任內有盈餘米石紀錄二次

二年丁巳四十三歲三月恭逢

恩詔仍請以本身妻室

封典

贈祖父母

臣祖居恭

誥贈奉直大夫鴻臚寺少卿

臣祖母劉氏

誥贈太宜人

臣父緝聲

誥封奉直大夫鴻臚寺少卿

臣母王氏

誥封太宜人四月二十五日先慈王太宜人壽終年七

十有一五月初八日赴音到京一慟幾絕匍匐奔歸六

月抵家母柩在堂父哭甚慟呼母拜父肝腸欲裂此景

此情不堪追憶

三年戊午四十四歲三月二十二日葬母于東郊祖塋
鄉俗儀文有不合禮者槩不用八月著四書要義摘錄
大全蒙存諸說間附鄙意數語閱歲乃成

四年己未四十五歲八月服闋有司催令赴補余以先
嚴年屆八旬不欲復出先嚴曰如

君恩高厚何余對曰仰體

聖朝孝治天下之意卽所以爲報也先嚴領之

五年庚申四十六歲二月謁舜陵

六年辛酉四十七歲表胡東渠劉朴菴兩先生故里

七年壬戌四十八歲六月子鑒入運庠名第一十二月
初三日先嚴奉直公壽終年八十有三自丁巳喪母猶

幸得事父至此怙恃兩失長爲鮮民矣痛哉

八年癸亥四十九歲

九年甲子五十歲六月充宏運書院掌教吉鹽臺

諱敦慶

聘辭之不得作學規述舊一卷示諸生又刊柱聯云日用倫常之事證諸簡編乃是切身實學天人性命之微闡其蘊奧斯爲載道鴻文秋闈子鑒中式本省鄉試第二十三名

十年乙丑五十一歲正月二十五日安葬先嚴向葬母時爲石壙作久遠計至是啟而合葬焉三月服闋四月入京候補十一月子鑒完婚向官京師與同年少宰崔公諱紀結姻至是始就婚江南學署

十一年丙寅五十二歲二月子鑒暨新婦到京九月十

九日午時長孫葆淳生

十二年丁卯五十三歲著讀詩遵朱近思錄秋闈姪鑿中式本省鄉試第五十名

十三年戊辰五十四歲春闈子鑿中式第六十五名殿試第二甲七十名引

見命往浙江以知縣用余以候缺無期于九月內攜眷赴浙途次聞子鑿委署永康縣事十一月抵永康

十四年己巳五十五歲四月子鑿題補常山縣著見聞瑣錄九月十九日辰時次孫含淳生福建雷貫一

諱鉉

歸省路過常山來論學甚相投契

十五年庚午五十六歲著宋氏歷代傳人錄十二月二十八日寅時三孫體淳生

十六年辛未五十七歲十一月恭逢

恩詔縣令應

封一代臣在詩依原職

誥封奉直大夫鴻臚寺少卿臣妻李氏

誥封宜人臣子鑒

敕封文林郎常山縣知縣妻崔氏

敕封孺人十月子鑒調任鄞縣

十七年壬申五十八歲著論語贅言

十八年癸酉五十九歲二月海寧周春來問學春子鑒

別賦五古一篇志所聞其詞日至教久云邈微言不可
知有生三代後慨然慕良師涉獵不探本雖多亦奚為
如落雲霧裏憑誰指途迷余從安邑公聞道欣未遲為
語重力行勿徒誇文辭人生三不朽立言乃後之為語
敦孝弟庸德無足奇果能盡愛敬聖功即在茲為語讀
書法返身戒紛馳四子與六經正學鮮他岐勿為利所

誘勿爲名所卑富貴震一世磨滅殊堪悲試觀歷代史
究竟傳者誰余向汨俗學聞言乍生疑久之漸愧悔浹
背汗已滋始信從前謬檢點煩時時方得下手處補過
庶無虧攜書示我解出圖令我披勝清追擊壤析理窮
洛伊坐臥春風中真樂良不疲高堂有老親匆匆賦遠
歸此心頗悵杖履違追隨願言守藥石克踐以爲期
秋闈姪鈔中式本省鄉試第五十六名

十九年甲戌六十歲四月四川門人蔡澤修來問學蔡
生以歲貢生肄業國子監期滿歸里迂道來浙余告以
身體力行之意反覆曉譬生欣然曰都中三年未嘗聞
此等一語十一月十二日丑時四孫育淳生

二十年乙亥六十一歲著憶往編六十年事蹟畧敘梗
槩嗣後按年續錄

二十一年丙子六十二歲八月二十八日午時次子鏞
生側室范氏出秋闈姪鉅中本省鄉試第二十七名十月

杭州副貢生方塘來問學也方生子鑒本年秋闈所取士
 未未得為學要領願先生進而教之余曰無事他求即
 如論語中聖賢單詞隻字苟能返而求之身心均有入
 手得力處因出向所著論語贅言示之且語之日知之
 非艱行之維艱願有志者共勉之生肅然日謹受教
 二十二年丁丑六十三歲著左溥便覽又著消閒隨筆
 詠史絕句七十首

二十三年戊寅六十四歲續著詠史絕句三十首讀理
 學宗傳客城孫鍾元先生所輯也內圈點四月子鑒陞
 廣東南雄府通判著諸儒實行考十一月至南雄

二十四年已卯六十五歲六月子鑒入蜀解饟十一月
 歸來云過二弟黔江任所叔姪暘敘甚歡又云所到處
 老人猶能言余督學時事咸有感念之語著說孟又著

消暑偶錄

二十五年庚辰六十六歲選杜詩取其載道合于三百篇之旨者

二十六年辛巳六十七歲著說左

二十七年壬午六十八歲子鑒奉委攝署潮陽縣事余

于正月二十四日自南雄登舟二月二十四日抵潮陽

路經韶州廣州惠州潮州各府粵中山川之勝游覽過

半然跋涉匪易心常悚惕耳益加聾目亦倍花矣三月

作清慎勤三箴七月七日自潮陽登舟八月廿二日抵

南雄

二十八年癸未六十九歲前歲冬子鑒告請終養上官

為題報矣正月二十一日自南雄起程五月初二日抵

里七月虞鄉山人王佗山舊號子山諱桂重來論學佗山二十年前故交

也向見其葵書稿今攜刻本來曰此書已刻吾願足矣余出拙集數種共閱之極為許可耄而好學作出有焉

十二月二十九日四弟季立病故

余五月至家即訝其癯甚然精神清爽數

月已來病勢日增遂成不起傷痛不忍言矣

二十九年甲申七十歲正月二日為四弟作行狀六月

二弟遠知告致歸老年兄弟二十載睽隔相見歡甚八

月曹氏族眾請主宏運書院秋祭十一月十七日二弟

病故二十載睽違半年聚首遽棄子而去傷哉為二弟

作行狀

三十年乙酉七十一歲四月長孫葆淳入學為衛都立

傳張敏惠附

二子皆少年有志學道惜不永年

三十一年丙戌七十二歲刻論語贅言說孟說左讀詩

近思錄文稿詩稿見聞瑣錄七種告成

三十二年丁亥七十三歲講道于宏運書院每月初二

十六無論士民長幼願聽者齊集十二月諸生公舉鄉飲大賓辭不獲已勉應之

三十三年戊子七十四歲三月榆次李進士振文來問學授以所刻全集心愜而歸七月陽城田少宰諱懋以書來講學屢有往復極相心契

三十四年己丑七十五歲七月次孫含淳入運庠名第

一
三十五年庚寅七十六歲四月四川門人顧汝修來問

學余視學時推顧為蜀中第一人後以壬戌翰林累官大京兆是時家居將赴都便道省余共證別後之所學授以全集一部

三十六年辛卯七十七歲改別號曰文坦為說以明其

義門人顧汝修為贊十一月二十四日為子鍾完婚本城

劉氏

三十七年壬辰七十八歲八月三孫體淳入學

三十八年癸巳七十九歲讀座師張清恪公困學錄集粹著晚年瑣錄十一月子鍾入學二十一日未時曾孫福林生葆淳出

三十九年甲午八十歲八月爲子鍾捐按察司照磨並捐請

封典爲其生母叨一命之榮也十月初六日亥時曾孫德林生體淳出長孫葆淳以優生考取題准貢生四十年乙未八十一歲重讀理學宗傳頗有溫故知新之處

四十一年丙申八十二歲六月二十八日元配李宜人

病故

宜人勤儉作家位余垂六十年
心力過人乃先余而卒悲哉

為宜人作行狀

四十二年丁酉八十三歲余以康熙丁酉科中式舉人
是歲重逢丁酉科邑侯高公詳明各憲方伯黃公援余
同年杜登長甲午科前例以本年

國郵停止筵宴議請給予鹿鳴再遇匾額撫軍巴公製
匾發交邑侯十月十一日致送親友賀者盈門余閱方
望溪文集有明三百年來得此甚以為難臣在詩仰沐
聖朝壽考作人之化恭逢盛典榮幸曷極

行狀

嗚呼吾師文坦先生以名儒賦卿班碩德夙挈遠近欽
挹矣其著述刊行于世久已饜飫學者之心篇自束髮
受書卽獲從先生遊親承指授于今餘四十年竊見先
生之宅心制行無一不與其所以立言者相顧久而彌
篤老而彌邵今茲壽考令終悼哲人之旣萎緬典型之
猶存孤子鑒等創鉅痛甚之際以苦由僭僭用行狀見
委篇何得以謏陋不文辭先生姓宋氏諱在詩字雅伯
號宜亭又號野柏晚乃自號文坦世居安邑之運城高
祖諱洛由萬歷甲子舉人累官陝西鞏昌府同知所至
有惠政曾祖諱廷梅運庠生著有四書詩經心得錄祖
諱居恭邑庠生考諱緝聲俱以先生貴

封奉直大夫鴻臚寺少卿祖妣劉氏妣王氏

封太宜人懿行詳載崔南有先生所撰墓誌銘先生生而穎異稍長學識字日惟以指畫地作書不逐羣兒嬉戲十歲學爲文卽能成篇康熙丁酉科舉於鄉辛丑科登鄧東長先生榜進士改翰林院庶吉士選肄

國書雍正元年未散館

特授吏部文選司主事二年遷考功司員外郎又遷稽勲司郎中先生恬正有清識其任銓曹稽察胥吏甚嚴而以和平處之無亂法者凡有所立章程後皆永以爲式時陽城田文端公高安朱文端公先後爲冢宰錢塘沈端恪公爲少宰皆以道重先生或密薦于

朝不令人知也先生嘗擬稿呈堂少宰某公欲易之先

生所持既正執不可某公怒聲色俱厲先生辨益力某公卒無以奪也諸曹聞者咸服先生之愨直云四年
欽命提督四川學政初由部曹督學者例爲學道
世宗憲皇帝稔知先生文行卓越特加銜爲翰林檢討
並著爲曹郎視學之例因得概稱學院自先生始也先生既蒙

殊眷方圖報稱因論今之學使者公明卽爲盡職若使周程張朱古大儒身居此官其作用當必有高出于人者至蜀則歷來相沿陋例汰革一清悉心校試而外殷殷以培養人材爲急務開設錦江書院精選聰俊之士肄業其中立學規八條教以通經汲古而以品行器識爲先勉爲有體有用之學士風丕變至今謳思不替時

重慶總鎮任公中丞憲公交章薦有公而且明婆心教
士諸語而以建昌等郡歲科連考 奏遲被吏議十一
年左遷大理寺右寺正大理寺爲三法司之一秋官獄
具皆得覆校先生詳慎參覈大有平反嘗刊一柱聯云
筆判疑生慎列銜名題紙尾法期平允細將事理問心
頭乾隆元年晉鴻臚寺少卿

今天子初登極勵精圖治先生數上封事多所獻納退
而皆焚其草云二年丁內艱匍匐奔歸哀慟欲絕復念
老父在堂勉于膝下作平易狀轉面卽淚湧如泉蓋先
生淡以未及早歸侍醫藥視含殮爲終天之恨見諸筆
札發于謳詠一卷之中三致意焉服闋後遂決計侍養
不復出太夫子嘗諭曰如

君恩高厚何先生對曰仰體

聖朝孝治天下之至意俾鄉黨後進知功名不重于父母是卽所以爲報也乃承歡奉晨昏備極色養又四年而太夫子以壽終先生之居喪也竭誠致哀必依于禮鄉俗儀文有不合者輒不用而孺慕之誠終身不衰每遇兩親生忌辰未嘗不哀思歔歔飲泣竟日也先生有兩弟友愛因心一生無閒言太夫子嘗察其善處昆季閒離離有旣翁之象喜謂先生曰開吾家忠厚之風者汝也先生體素弱督學時不肯假手于人閱卷過勞遂遭心疾嗣是屢作旣赴補需久未得缺歲戊辰長嗣鑒成進士

命往浙江以知縣用先生喟然曰余衰病不耐煩劇汝

膺力方剛宜及時自効吾其卽汝乃移疾就養浙中嗣
君補常山令調鄞遷粵東南雄郡倅屢攝州縣篆凡其
蒞官行法事無大小莫不稟先生之命而行所爲條教
多出先生手筆以故所在著循績皆先生之教也粵中
大吏方器重嗣君欲薦之而南方卑溼非衰年所宜久
居嗣君亦遂仰體先生意告請終養而旋先生之提南
宮也出儀封張清恪公之門公知先生內行篤修天姿
近道面授宋儒理學書若干種勗以躬踐實學旣而讀
曹明學先生仰節堂集慨然興起志于聖賢之業行已
接物一以曹先生爲法從容討論束修砥礪至于耄年
養益醇而德益粹尤樂于成就後學凡操觚及門者仍
課以舉子業引而致諸儒先之正學語皆平易近人不

爲新奇之論故教易入而人易從遊歷南北遇有志道之士講學而來則罄所心得語之竟日夜不倦莫不聞所未聞亦聞所欲聞而去卽與庸夫俗子言亦必因事開譬反覆論之于道或疑其未必領受先生曰吾固知之但使十人中有一人百言中有一二言能聽從者所裨益不已多乎惓惓之意惟冀有能傳吾學者故吾城衛生都張生敏惠先生以其資美庶幾于道不幸早卒皆爲立傳其獎掖來茲用意深遠矣所著書皆切而引諸身心之間實而證以當世之務文如布帛菽粟日用而不可離其不本諸身不切于入者弗載也論者以謂不但可繼仰節堂集卽擬諸薛文清公讀書錄允堪並傳不朽者也其已刊行者曰讀詩近思錄論語贅言說

孟說左懷古堂詩文稿見聞瑣錄其未刻者尙有四書
要義左傳便覽先儒實行紀畧宋氏歷代傳人錄杜詩
選憶往編晚年瑣錄共若干卷嗚呼先生雖體弱多疾
然以淡于嗜欲善于調攝故年逾八旬而聰明不減今
歲丁酉科重逢鄉試中式之年大憲旌其間曰鹿鳴再
遇士林榮之篇等竊幸先生後福未艾詎意十月下旬
後氣體日以衰弱漸積二十餘日而遂溘然捐館舍邪
篇等日來省視榻前先生猶諄諄論學不輟易簣前二
日尙爲講析曾子啟手足章以謂該括甚富豈止懼形
體之毀傷已邪嗚呼非學有定力詎易臻此先生生于
康熙三十四年八月十五日丑時卒于乾隆四十二年
十一月十八日酉時壽八十有三配李宜人運庠生雲

湖公季女先一年卒先生自爲行畧備矣側室范氏
封孺人子二長鑒李宜人出戊辰進士廣東南雄府通
判娶崔氏 封安人都察院副都御史南有公女次鑣
范孺人出運庠生捐職按察司照磨娶劉氏盛京刑部
員外郎用章公女女二長適湖南沅州府知府李公蔚
瞻長男國學生蟠洛次適刑部雲南司郎中王公琳亭
次男工部司務廷芝孫男四長葆淳甲午科優貢生娶
葛氏次含淳運庠生娶介氏繼馬氏次體淳運庠生娶
史氏次育淳娶胡氏俱鑒出孫女四長許字運庠生王
政未嫁殤次適郭含章次字王赫俱鑒出次勿未字鑣
出曾孫男二長福林葆淳出次德林體淳出俱勿未聘
曾孫女三長含淳出次三俱葆淳出俱勿未字嗚呼篇

沐浴教澤沁心浹髓而先生之懿德如讓產焚券收族
已債恤孤振貧倡行義舉諸事蹟傳頌人口不可殫書
擇其犖犖大者畧爲詮次非敢阿好詎有溢辭筆下涕
從語無倫脊伏冀大人先生錫之銘誅以光泉壤篇等
感且不朽豈徒孤子鑒等世世子孫感且不朽哉受業
何篇謹狀

墓誌銘 弁序

先生諱在詩字雅伯號宜亭別號野柏晚乃更號文坦
世籍安邑運城曾祖考諱廷梅運庠生祖考諱居恭邑
庠生考諱緝聲耆年碩德望重鄉閭以先生賢

誥封奉直大夫鴻臚寺少卿並贈祖考如其官先生生
十歲能屬文應童子試舉康熙丁酉鄉試辛丑成進士
雍正元年由翰林院庶吉士授吏部文選司主事遷考
功司員外郎稽勲司郎中四年提督四川學政初由部
曹督學者例爲學道

世宗憲皇帝特加翰林院檢討並著爲令曹郎視學槩
稱學院自先生始也事竣因公左遷大理寺右寺正今
天子旣位晉鴻臚寺少卿尋丁母憂服闋移疾不出長

嗣半塘公歷官南服就養治所半塘公請終養奉先生歸歸十餘年乾隆四十二年十一月十八日卒年八十三先生自爲諸生時卽有志聖賢之道以立誠爲本及捷南宮出儀封張清恪公之門受先儒理學諸書竊以聖學躬行實踐之要旣而讀曹明學先生仰節堂集愈渙然有以自信裨躬勵德日進不衰昔人所謂廉于取名而銳于求志薄于徼福而厚于得民菲于奉身而燕及煢痿陋于希世而尙友千古先生實允蹈之初任銓曹冢宰陽城田文端公高安朱文端公少宰錢唐沈端恪公俱以道見重所定章程皆爲永式吏無敢亂法者嘗擬稿呈堂少宰某公欲易之先生所持旣正執不可某公怒聲色甚厲卒無以斂其視學蜀中以培植人材

爲先務立錦江書院甄拔髦士教以通經明道有體有
用之學嘗謂督學以公明爲盡職若周程張朱諸大儒
其作用當必有高出于人者故真切教誨不徒以尋常
供職爲報稱人士歌思至今不替方太夫人之歿也先
生奔喪歸里深以不及侍湯藥視含殮爲終天之恨遂
決計侍養封公嘗諭曰如

君恩高厚何先生對曰仰體

聖朝孝治天下至意俾鄉黨後進知功名不重于父母
是卽所以報也先生遭逢

聖世昌明正學以繼往開來爲已任獎掖後學勤懇不
勸卽遇庸夫俗子亦必反覆啟牖諭之于道或疑其未
能領受先生曰但使十人中有一二人千百言有一二

言能聽從者爲益不已多乎年踰八十無欵坐無懈容
卒之前夕猶爲及門諸子講論啟手足章謂該括甚富
匪直髮膚之未於戲斯非立誠之學任重道遠之明效
也與所著讀詩近思錄論語贅言四書要義說孟說左
左傳便覽先儒實行紀畧宋氏歷代傳人錄杜詩選懷
古堂詩文彙憶往編見聞瑣錄晚年瑣錄凡若干卷配
李宜人邑庠生雲朋公女

誥封宜人與先生同德同福年八十先一年卒側室孺
人范氏子二長鑿戊辰進士知浙江常山鄞縣事通判
廣東南雄府與先大夫適堂府君同官于浙稱莫逆所
謂半塘公者也次鑣運庠生捐職按察司照磨女二長
道園學生李蟠洛次適工部司務王廷芝孫四長葆淳

優貢生次含淳運庠生次體淳運庠生次育淳曾孫福
林德林純不敏未嘗聞道惡能測先生萬一然朱子言
讀得一尺不如行得一寸有招費鉛山講學著銘山曰
吾志在實行不願多言竊以爲道學真儒已盡于此否
則不免東坡高談性與天道之譏先生操履介澁和之
閒出處合進退之宜未嘗爲畸節高論警世取名而庸
行庸言誠中發外老而彌竺久而彌光故無遠近知與
不知皆信爲有道躬行君子茲卞乾隆四十二年三月
十有七日合葬于運城北郊新塋良山坤向銘曰
性命無迹仁義有軌脩辭立誠一室千里有倬哲人儒
林蹶起霽月光風金輝玉理守道之竺精進靡已廣道
之傳教思娓娓嗣響龍門儀式涑水匪夸匪諛來茲仰

止後學喬奕純譏

此處為正文內容，因圖像質量原因，文字極其模糊，難以辨認。可見其為一長篇論說，分佈於十餘個欄位之中。

墓表

安邑居條山涑水間自明曹真子官保倡正學
餘年而宋少卿文坦先生繼之實推本真子所
行實踐爲本先生諱在詩字雅伯號宜亭又號野
年自號文坦世居邑之運城高祖洛陝西鞏昌同知曾
祖廷梅祖居恭並庠生父緝聲祖父皆以先生貴贈封
如其官祖母劉氏母王氏皆宜人先生生而穎異十歲
能屬文康熙丁酉舉于鄉辛丑成進士改翰林院庶吉
士座主儀封張清恪授以宋五子書蓋先生力探正學
自爲庶常時始也未散館以吏部文選司主事特用遷
考功員外稽勲郎中每議銓曹事侃侃不少假諸曹官
皆折服以是益有聲而先生是時已三任同考試官一

記名巡察官又分理水利營田事雍正四年奉

命視四川學政學政旧部曹出者加翰林編檢銜自先生始至蜀汰革供給贅儀諸陋規開錦江書院以造士刊學規八條以通經學古爲教蜀士至今頌焉以諸郡連考日期奏遲部議鐫級補大理寺右寺正多所平反監督富新倉嚴出納慎會計乾隆元年四月陞鴻臚寺少卿其明年以母憂歸遂侍父養不復出自是以後父憂服闋候補居京者四年就養子舍于浙于粵者前後又十餘年餘則家居之日爲多是以研窮性學至篤篤先生幼而至性過人年四歲聞述祖父母事居父母喪傷慟幾絕審擇喪儀悉哀于禮嘗曰閭後進知功名不重於父母是乃所以報

主知也友愛兩弟終身無間言子鑒補常山令

南雄郡倅凡莅官聽政一秉先生之教南雄

榕焉其大十圍婆娑蔭數畝先生爲作記者

粵東時學官諸生尙指而言此先生所憩也今

葆淳以狀來請表于墓雖不獲從先生遊而得藉以

仰止前哲之願實重有幸焉 國朝正學名臣自陸平

湖湯睢州外如孫鍾元魏環極諸公皆以實行爲著述

若先生祭曹真予文謂居心行事有一毫不可對先生

者先生勿恕之至哉斯言其可以信古而垂後矣先生

所著書已刊行者懷古堂文集四卷詩集二卷論語贅

言二卷說孟一卷說左一卷讀詩遵朱近思錄一卷見

聞瑣錄三卷未刊者四書要義左傳便覽先儒實行紀

略宋氏歷代傳八錄消閒隨筆消暑偶錄杜詩選晚年
瑣錄共若干卷家居以後掌宏運書院講席充鄉飲大
賓重逢丁酉科鄉試當事者以鹿鳴再遇題
生于康熙三十四年八月十五日卒於乾隆四十二年
十一月十八日壽八十有三配李宜人先五年卒子男
二鑿戊辰進士廣東南雄府通判鑣庠生按察使司照
磨女二孫男四葆淳優貢生含淳體淳皆庠生育淳孫
女四曾孫男二福林德林其誌狀所未詳者具於先
所自著憶往編云

誥授奉直大夫 文淵閣校理翰林院編修
纂修官年家後學大興翁方綱撰

原啟

○色爾古德之長子色爾布進京承襲

曾曾祖拜公所遺佐領生二子長色勤次色敏

曾曾祖色爾古德二十七年
乾隆二十一年子方十一歲
年八十一歲



年譜

康熙三十五年
甘水佐領色
圖布生

二歲

三歲

四歲

五歲

六歲

七歲

八歲

九歲

十歲

十一歲

十二歲

十三歲

十四歲

十五歲

十六歲

十七歲

十八歲娶伊
松里氏

十九歲

二十歲

二十一歲

二十二歲

二十三歲

二十四歲
父色爾古德
歿

二十五歲

長子色勤
生

二十六歲

二十七歲

二十八歲
經三九年

二十九歲

三十歲

三十一歲

三十二歲

三十三歲

次子色克
生

三十四歲

三十五歲

三十六歲

三十七歲

三十八歲

三十九歲

四十年
承襲佐領

四十二歲
乾隆元年

四十八歲

五十二歲

四十一歲
封父母
恭人

五十一歲

五十八歲

四十三歲
妻
伊拉里氏
誥封
恭人
四十四歲
祖母
鈕祜祿氏
四十八歲

五十一歲

五十九歲

五十二歲

六十歲

四十五歲

五十三歲

六十四歲
乾隆二十二年
承佐領色爾
布投

四十六歲

五十四歲

四十七歲

五十五歲

四十八歲

五十六歲

履歷

色爾布生於

康熙三十五年丙子冬十月初十日丑時

十二年癸巳

十八歲春正月娶伊拉里氏年十八歲

康熙三十五年

丙子春正月十六日子時生康熙五十八年己亥

秋九月

父

康熙五十九年庚子

二十五歲冬十一月十一日長子色勤生

雍正六年戊申三十三歲冬十月初十日 雍正十三年

乙卯四十歲冬十月 乾隆二年丁巳四十二歲秋八月

乾隆三年戊午夏六月十三日未時伊拉里氏四十四歲 是

歲冬十月 繼娶 喀拉喀爾氏 乾隆四年己未四十四歲冬十一月二十六日申時 祖

母歿壽 順治八年癸卯夏四月十八歲 乾隆二十一年丙

子。春二月。初九日。亥時。世承佐領。色爾布。歿。壽六十
一歲。



釋威先生小象





傳

方天游者。本姓胡。一名騏。字穉威。浙江山陰人也。少好奇。任氣有異才。于書無所不窺。

今上卽位。

詔天下舉博學鴻儒。天游以鄉副貢來應。

詔主舉主任尙書蘭枝家。時四方文士雲集。每稠人廣座。天游輒出數千言。落紙如飛。文成奧博。見者嗟服。一日赫然名振京師。同舉者皆得顯官。而天游以病不能試罷。天游于文工四六偶儷。得唐燕許二公之遺。詩亦雄健有氣。其古文自言學韓愈。踈險處時

似唐劉蛻元元明善非其至也。然自喜特甚。時桐城方苞爲古文。有重名。天游力詆之。前人如王士正朱彝尊詩文。徧摭其疵病無完者。士大夫皆重其才而忌其口。一統志成當進。

御鄂張二相國屬表于齊。檢討召南。檢討因推天游。鄂相國驚歎其文。爲具欲招之。檢討曰。天游奇士。豈可招耶。卒不至。其任氣不可輕下如是。湖北萬御史年茂。目爲浙江一人。天游居京師十餘年。名日以盛。忌日以淡。歲辛未。舉經明行修。卒爲忌者中傷而罷。蓋天游負才名三十餘年。兩舉鄉貢。皆抑爲副。再膺

特薦卒不遇。而天游亦已老矣。嘗與田侍郎懋有舊。田家居山西。因往依之。以乾隆二十三年正月十二日病卒于蒲州。年六十三。子元琢。舉乾隆庚午順天鄉試。兄驥亦奇士。遇余京師。以余知天游。因爲傳。因書此歸之。

贊曰。天游氣剛好奇。似唐員半千。自高其才。似蕭穎士。嘗自比管樂。詆訶詩文。摘人所行闕失。不避卿相。其淪落不遇。非盡由數之奇也。然使天游懲窮而易所守。豈足以見天游耶。乾隆乙丑。余與叔兄仕玠應試京師。天游集天下知名士十五人。修禊陶然亭。余

兄弟與焉。時天游年五十。今十餘年。余來京師。十五人者大半零落。而天游亦以窮歿。悲夫。天游篤交游。重意氣。自行雖過中道。要不失爲天下奇士。其兄驥言天游事母至孝。與兄驥友愛無間。驥語及輒流涕。嗚呼。此又其可尚者也。梅崖朱仕琇撰。

先考穉威府君年譜紀畧

康熙三十五年丙子二月二十六日子時府君生先

一日祖母杜太夫人見牖閒有鳩鵲二鳴集移

時人以爲文明之祥旣冠體弱得咯血疾然讀

書不輟未三十文譽已盛

康熙五十五年娶吾母王孺人

康熙五十九年己亥姊生

今適山陰龍尾山邵維清

康熙六十一年辛丑元琢生

雍正二年甲辰弟元協生

雍正四年丙午七妹生

今適山陰後馬周堅

雍正六年戊申入山陰縣學為弟子員時府君年三

十三是年九妹生

今適山陰東浦沈彙斯

雍正七年己酉中浙闈副榜第五名

雍正八年庚戌丁祖父慎履公憂

雍正十一年癸丑十妹生

今適山陰前馬倪虞臣

雍正十二年甲寅丁祖母杜太夫人憂

乾隆元年丙辰府君入都應博學鴻詞是年四十有

一

乾隆二年丁巳禮部尚書任公蘭枝府君己酉座師

也奇府君才特疏復請試鴻詞續至長安待詔

者時欲首拔府君已入 廷試鼻血污卷扶病
出諸公咸爲府君惜時以府君故復入鴻博翰
林者四人首江南立興萬松齡次雲南石屏張
漢江南武進楊度汪福建洪世澤府君遂居任
公第

乾隆三年戊午中順天副榜考授州同銜是歲居任
公第

乾隆四年己未留任公第

乾隆五年庚申留任公第是年元琢至京

乾隆六年辛酉府君落解先是翰林雙慶公入闈分

校自詡曰吾必中胡某爲闔榜炎府君卷落其
房而雙慶公不能句讀卽鉤勒皆悞人咸謂其
愛府君才而不足以識府君文爲悞以表語華
縛拔今順天丞申甫卷以爲是必胡某也亟中
之及榜發則知申甫而實非府君雙慶公亦自
以爲愧先是戊午科杭人今翰林編修盧文昭
以南皿登北闈賢書其文詭險分校有悞認爲
府君卷者竟高捷是科分校烏程張公爲儀桐
城姚公孔鋹能識府君卷座主孫公嘉淦抑之
副車張姚力爭竟不能

乾隆七年壬戌留任公第

乾隆八年癸亥留任公第

乾隆九年甲子元琢寄大興籍是科長安朱樞以庶
吉士分校順天其尊人與府君同年素交好樞
倡言入闈不中胡三叔則爾輩剗吾目及得府
君卷又以奇古不能讀反加紅勒焉榜發樞慚
詣館道譴時鄂西林張桐城二相國素愛府君
奇才久抑且謂風節實今世罕及同疏薦入
三禮館纂修

乾隆十年乙丑留任公第五月元協弟自南始入都

乾隆十一年丙寅正月任公致仕將歸籍歿於第府君遂僦居于米市胡同凡依任公自丙辰至丙寅凡十年至是始賃屋于外秋大病繼復痢疾十月虞山蔣相國來聘館李炎橋未幾復以病辭居南城九條門檻卒歲養病

乾隆十二年丁卯館王晉川宗丞第應順天試御史沈廷芳素重府君名卷竟爲所擯甚悔之冬十月移居閭王廟是歲三弟自南來十月回紹興乾隆十三年戊辰是歲二月府君赴山西寧武太守周公景柱署脩寧武府志五月伯父來京三弟

來京九月回紹十一月府君自寧武回京住小
安南營火神廟

乾隆十四年己巳二月府君客太原旋走榆次應錢
之青明府聘修縣志七月由寧武經大同入居
庸回京十月率元琢赴蔚州贅外家童氏府君
十一月自蔚還京復病是年三弟至京九月還
紹

乾隆十五年庚午府君畱京師館田少宰懋第五月
吾母王孺人偕三弟七妹至京是年府君閒居
極窘吾母自南來典衣裘以迎吾母弟妹于糧

艘六月元琢自蔚回京九月登北闈賢書是歲
冬阿公克敦史公貽直劉公統勳王公會汾彭
公樹葵共舉府君經學

乾隆十六年辛未府君畱京館少司農裘公曰修第
十月將試經學引 見時左都御史梅公穀成
但稱府君詞章遂不得召 見

乾隆十七年壬申直隸制府問亭方公以禮聘遊保
定天津都轉運盧公抱孫以禮聘遊天津是歲
畱京

乾隆十八年癸酉府君赴河閒修河閒縣志九月三

弟娶弟婦馬氏十月初一日元琢攜婦自蔚州
歸京住棉花下五條胡同十一月府君赴山西
蒲州府周公署

乾隆十九年甲戌府君畱蒲修蒲州府志十月回京
病

乾隆二十年乙亥二月二十六日府君六十壽三月
自京赴蒲州是歲秋赴陽城修志從田少宰之
招也

乾隆二十一年丙子府君畱蒲

乾隆二十二年丁丑主河中書院講席是歲十月十

五府君始病指麻脚腫不食不寐服參藥倏減
倏增自慮不起是歲秋七月元琢自太原來省
府君因畱不他適牽得侍病三月至戊寅正月
初二日府君終于河中書院嗚呼痛哉自府君
去世停棺蒲州凡一百日本年四月十三日元
琢扶柩歸京至五月初六日抵京家人得哭拜
曆于京永定門大沙子口安樂林元琢等回籍
擇地安葬男元琢謹述

二十一世諸孫學醇校刊

叙言

康熙庚子舅氏省庵徐公督學粵西 正笏 相隨

赴粵是時今

相國榕門陳公方以名諸生噪聲庠序偶讀其文
根極理要而正大純粹望而知爲有品有學
然起敬未幾公領解南宮入詞垣雍正甲辰
與公遇於都門相得甚歡不數年公有守揚之
命相招入署 正笏 少承父師之訓妄有志於建立而
薄植淺才無所成就見公孝友篤摯立心仁恕

而政事之勤敏操持之廉潔刻刻以民生休戚爲念凡所措置皆覺實獲我心旣感公國士之知得公訓迪開心明目身心受益者不知凡幾又主人情重相別爲難因而到處追趨不覺三十餘年而予亦已老且耄矣公荷

聖主特達之知膺節鉞者八省有再至四至者計十有五任今入秉鈞衡又三年壽臻七袞

皇上錫額賜服典禮禱皇天下莫不以爲罕有之榮公子蘇園先生曾按年編公行譜尙未竟考述

事無鉅細瞭然在目猶恐或有掛漏以正笏知
公深寄示商權竊念公生平苦心實力古人與
稽未明而起至更盡燭施未嘗離案稿牘皆手
自親裁與賓朋相晤對多道古人嘉言懿行及
省身克己之要有勸公稍息者則曰吾一休息
便多廢事屬員遞相遲緩小民有不得其所者
矣偶遇地方災祲必躬自撫恤每曰

聖天子愛民如子身爲重臣可得不仰體耶迄今官

京師日侍

夫顏退食之暇仍以開編爲樂志在與人爲善成人之美有干以私者輒峻拒之蓋秉性公正如是也桑梓之誼極篤故交舊雨無不致推解之愛爲地方計久遠必得當而後已一身之遇合榮悴所弗介意也公惟此不容已於斯民之心蘊蓄於中隨處發見不能自己無所勉強總不外於一仁所以所至之地童叟皆知親愛而所去民之思之不置此編亦美備兼賅矣嗚呼官怠於官成古人所戒公本應運而生敷歷中外揆

文奮武數十年勤劬如一日今雖位至端揆而
精勤慎密不肯一刻懈忽想見

堯舜君民之心益摯晚節之香於茲可信公方康強
無恙而事業勲名日新月盛以酌

高厚者亦正無窮以後邇年編紀以抵期頤 正笏 雖
老耄猶將拭目俟之乾隆丙戌春王正月崐山
後學葛正笏謹識時年七十有八

卷一

一

三

恭公年譜卷一

男鍾珂敬輯

府君姓陳氏諱宏謀字汝咨里有老榕蟠第門
因號榕門先世系出潁川籍隸楚南郴州始祖
寶聚公避兵燹遊粵西樂臨桂西鄉橫山風土
清嘉遂家焉四傳至高祖父表叅公族始繁衍
道素相承代有厚德又三傳至先大父贈資政
大夫韞璧公諱奇玉尤以積善訓子爲事配先
大母劉太夫人恭儉仁慈均載墓志先大父資

政公於康熙十五年生先伯父封奉政大夫容
庵公諱宏誠後連舉三女始誕府君焉

康熙三十五年丙子府君生於臨桂縣西鄉橫山里
舍

時九月十五日午時也

康熙三十六年丁丑府君二歲

是歲病甚置地一宿而甦里人異之

康熙三十七年戊寅府君三歲

康熙三十八年己卯府君四歲

熙三十九年庚辰府君五歲

始受學於先伯父奉政公

先伯父奉政公長府君二十歲府君誕生之年
奉政公已遊泮時啟館於鄉府君遂受學性聰
慧授以書輒成誦

十一月叔父封翁怡亭公諱宏議生

康熙四十年辛巳府君六歲

康熙四十一年壬午府君七歲

康熙四十二年癸未府君八歲

康熙四十三年甲申府君九歲

康熙四十四年乙酉府君十歲

康熙四十五年丙戌府君十一歲

康熙四十六年丁亥府君十二歲

先大父資政公見府君善讀書深垂愛議婚屢弗就同邑處士楊翁家英見而異之曰陳氏子氣度端凝必成大器遂以長女許字焉是爲吾母楊太夫人

四十七年戊子府君十三歲

康熙四十八年己丑府君十四歲

吾母楊太夫人來歸

先大父望育孫甚切是歲遂爲府君成婚

康熙四十九年庚寅府君十五歲

四月不孝鍾珂生

不孝 本生父爲先伯父奉政公也

康熙五十年辛卯府君十六歲

始應童試不售

是歲先伯父奉政公應秋試薦而落解府君亦

應童試未售先大父鬱鬱不樂族人某來慰曰
公長君次君皆必售技也聞明歲將開

急科策令專心舉業可耳先大父色喜乃糶粟數斗
命購國初大家文讀之府君鍵戶攻苦遂心制
藝講求四子書精義足不踰閩楊太夫人日送
飯一盂夜則焚香代晷習以爲常

康熙五十一年壬辰府君十七歲

康熙五十二年癸巳府君十八歲

康熙五十三年甲午府君十九歲

從外舅楊靜庵先生學

楊公諱家脩品端學醇從學者甚衆後任河南
寶豐令府君執贄受業學日精進

嘉慶五十四年乙未府君二十歲

歲試入臨桂縣學

是歲府君仍受業楊靜庵先生門應府縣試俱
列前茅隨受知於督學鼓公澍列名第四補邑
庠生與同邑曹公鑰楊公聲夏周公世英秦公
際仲陽公丙宣永寧劉公新翰同會爲文以道

義相砥礪

康熙五十五年丙申府君二十一歲

科試一等第五名補廩膳生是歲應秋試落解

康熙五十六年丁酉府君二十二歲

康熙五十七年戊戌府君二十三歲

康熙五十八年己亥府君二十四歲

時同邑司馬朱惕庵先生龍躍方歸田望重鄉
里先大父命府君往謁並請命以字朱公因字
府君曰汝咨贈以名扇湖穎法帖

七月長妹生後適維揚禮部侍郎謝公溶生一子
十六年以疾卒

康熙五十九年庚子府君二十五歲

肄業華掌書院

撫軍高文良公其倬觀風試士重府君文
筆墨貢紆取入華掌書院肄業山長卽朱楊
先生

是歲應秋試落解

主司得府君卷甚遲閱而嘉之將置榜末

主司意微不合遂置之曰留作後科榜首迨後
中式竟成語懺

康熙六十年辛丑府君二十六歲

授徒於穀巖村

歲試一等第一名

督學爲編修崑山徐省庵先生諱樹屏復令
業華掌書院山長爲長洲許子遜先生諱廷
府君覃心經史文名益著與劉公新翰冷公
松曹公銓篤志同學試輒前茅

八月次妹生後適全州福建汀州府知府蔣公治
秀子太學生蔣公本廉乾隆十一年以疾卒
康熙六十一年壬寅府君二十七歲

邑西關舊有西山寺地頗精潔府君讀書其
與寺僧某相得甚歡僧常目府君狀似韋馱
府君撫江西僧年已七十餘來署談夙昔事
鑠如昔府君爲製衣一襲題寺額聯以誌勝
今已成大叢林矣

科試一等第一名

代鄉民保借官穀

是歲邑偶歉收鄉民多乏食有司借倉穀例
有身家殷實者具結狀西鄉民數十人約赴
借穀官以無人具結狀不允日暮將歸適遇
君於市府君明日慨然赴縣代借邑令重慶
言鄉民各得穀以歸藉存活者數十家迨
府君領解後村民咸曰去年代任我等借
騰不小卽應中元矣復相約如期還穀君
陳君也府君自爲秀才時卽有以天下爲

之意每曰吾生平不肯作自了漢嘗題書室
云必爲世上不可少之人必爲世人不能做
事乃弗虛生莫作心上過不去之事莫萌事
行不去之心斯爲無咎又曰有工夫讀書便
造化將學問濟世方見文章見者知府君之
遠且大也仍書長聯懸於廳次

雍正元年癸卯府君二十八歲

禱於銅巖神

府君以屢試不售恐辜老親望聞銅巖舊有神

最靈於除夕徒步往禱且請示夢以卜終身休咎是夜夢中若有示以二語曰人原多道氣吏本是仙才後果驗

授徒於路西邨

二月應

恩科鄉試中式第一名

座主爲四川朱景先先生諱曙菘長白德權村先生諱齡房考爲廣東林公諱遇春先是府尹肄業書院與劉公新翰最契應試同出闈携手

誦試文劉公歎服曰今科解元讓君矣旁有
而竊笑者榜發府君果領解而劉公亦中式
八名宴鹿鳴後劉公以府君貧代籌資斧曰
君聯捷後予再圖北上也先大父資政公聞之
感劉公激昂慷慨明年劉公赴公車先大父乃
貸金以酌其雅

是秋北上八月應

恩科會試中式第一百八名

座主爲桐城張文和公諱廷玉高安朱文端公

諱軾房考爲鄱陽王公諱傳奉新甘莊恪公
汝來榜後謁座主謂曰場題道德齊禮原
節政刑來非謂德禮之朝可廢政刑理原如
本此成文可卜異日遠到府君聞之益愧不
因請題堂額於張文和公公書培遠二字付
殿試三甲第九名成進士
時新進士須九卿密舉方與館選府君相知
少適諸城王公沛檀以粵藩擢少宰識府君
遵例密薦府君不知也

改翰林院庶吉士

恭遇

覃恩府君授階徵仕郎先大父得

封如府君官先大母劉太夫人及吾母楊太夫人均
封孺人

寓座師德樵村先生第

樵村先生有賢母太夫人待府君恩誼尤摯常
慰府君曰使爾父母在都見子做官其樂何如
府君感誌不忘旋又館長白夔公舒家夔公後

司臬兩湖執弟子禮甚謹

雍正二年甲辰府君二十九歲

九月散館授職檢討

府君在詞垣惟以考古習書爲業應 制之作

詞華古懋人咸驚爲異才

雍正三年乙巳府君三十歲

充

一統志館纂修官入直

武英殿

雍正四年丙午府君三十一歲

八月充順天鄉試同考官

是科得士十餘人前撫軍周人驥編修張
守商盤司馬常青岳令趙凱圖其最著者也

改授吏部郎中

上以詞臣壅滯命掌院揀選若干員分部學習政事
君在選中同人有勸府君辭弗就者相國張
和公聞之曰陳君才可大用吾正懼其沉淪
垣中耳命府君掌驗封司郎中事兼理文選

功兩司府君每日赴署詳閱案牘未竟則携
 私寓燈下繙閱務悉其事之端委故一時無
 事同官咸服府君識見如老吏吏亦無敢異
 為奸

雍正五年丁未府君三十二歲

先大父資政公命不孝鍾珂為府君後

先是府君家居有日者謂府君得嗣遲生
 資政公因命不孝隨奉政公至京為府君
 不孝年十八矣

遵

旨奏舉先伯父奉政公

時奉

旨令京外各官不拘子姪親族擇賢能者各舉一
發効用府君以奉政公勤苦半生屢試不
以應

詔引

見

上云人尙去得但過於忠厚耳奉政公雖未蒙

簡用然草莽小臣得覲

天顏一生厚德悉邀

聖鑒誌戴不朽

雍正六年戊申府君三十三歲

府君體素孱弱是冬積勞成疾久藥不效一

神昏若脫同年友劉清恪公吳龍周力堂生

學健同集寓齋相顧駭愕私釀金籌身後事

夕服參桂疾頓瘳時相國史文靖公貽直爲

宰府君入署謁之公詢病原贈以左歸丸

人曰陳公幹練才將來名位不在吾下後由
守維揚值史文靖公攝兩江督篆密疏保薦
知實基於此

雍正七年己酉府君三十四歲

二月補授浙江道監察御史

相國張文和公朱文端公奏令兼理吏部
事

五月送先伯父奉政公旋粵

奉政公見府君宦况清苦不欲久居京師府

亦時念兩親家居缺養又不便遽請假歸先養
奉政公旋粵以慰老人倚閭之望

六月覆奏請設粵中觀風整俗使

粵西學使衛公昌績奏粵民嗜利輕生健訟
作平日既畏紳衿強橫有事則藉紳衿曲庇
照閩省例設觀風整俗使一員以整齊而約束
之奉

旨令傳集粵西在京官員明白回奏府君隨同編修
公悅侍御蔣公洽秀等奏請照衛昌績所奏

立觀風整俗使以資化導奉

上諭爾等紳士乃兆庶之觀瞻閭閻之坊表若
能於忠孝禮讓之道身體力行以爲衆人之
又各教訓其子弟各規勸其鄉黨則小民之
風觀感興起風俗自日歸於淳厚若不能端
躬先表率而望秉鐸司教之官家喻戶曉使
遷善易俗移風所謂遂末而忘其本也爾等
惠桑梓貽福子孫當於己身自求之欽此

疏請冒名考職人員並免令自首以省擾

直省貢監考職例得受空銜本無選用之
多冒名代考陋習相沿蒙

皇上洞悉積弊

特頒諭旨准令本人自首免其治罪並令代考得
亦准自首乃地方有司奉行不善胥役藉
以需索將歷年考職之人嚴詰逼令自首
胥吏鄉約逐戶嚴查地棍讐家挾私訐告
滋事府君據實疏陳謂貢監考職不過因
銜榮身代考諸人已蒙

洞鑒寬其應得之罪應懇

特恩並免令自首俾吏胥等無所挾持滋擾惟
來於清釐之道不無稍裨奏上

上召府君隨大學士等入

養心殿

面詢府君復剴陳始末

天顏和霽隨奉

上諭著該部行文各省曉諭凡考職人員止得密
曾得官者其自行出首與否聽本人之意若

人應行自首而隱匿不首者別經發覺自有懲
此大學士等趨出

上復留詢府君籍貫家世甚詳

勉以毋自足毋自是二語府君叩頭而出邊遠處

荷

聖明訓勉周詳敬佩終身不敢忘也

七月充山西鄉試副考官

時值鄉試部臣以山西考官請已簽掣在

上諭大學士張文和公云前日上條陳之陳宏

章山西主考著他同許王猷去欽此府君感

戴

裝就道入闈校閱矢公矢慎得士劉灼朱佐湯
梁文山張瑜等五十人

日試竣回京復

授江南揚州府知府仍帶御史銜

前月揚州府知府缺出有

密屬應用知府人員內揀選引

院未及揀選

川君尙屬能事故爾特簡越日恭請

蒙

仍帶御史銜具摺言事並

入父先大母年歲

紵緞貂皮等物

爾到任後可迎養兩親令服此看兒子做好官

詳體恤備至實人臣之曠遇

一月抵揚州府視事

揚郡沿江濱海轄二州五縣商民雜處風俗奢

學胥棍舞弊號稱難治府君鎮以廉靜勵以精
勤凡農桑文教之事次第興舉或有謂太守猶
似書生恐不勝此繁劇府君私念曰正惟書生
本來面目不可失耳崑山葛搢書先生向在粵
學幕中欣慕府君文名遂訂相知至是延之來
署公私交助歷數十年云

正八年庚戌府君三十五歲

二月疏陳修造戰船積弊請令文武協修

江南各標營沙唬趕繒等船以備操防例委道

員分派丞倅辦料承修武員既無責成僅令監
修驗收文武不睦率致需索勒捐積弊叢生府
君奏請令道員副將協同辦料督修交收之後
歲令將弁出結申送督撫查核如再值修期在
船物件雖有朽壞亦必照冊移交違者分別叅
治罪

分查揚民積欠

江南歷年積逋在民者十之二三官吏侵蝕者
十之八九

皇上特簡大臣徹底清查又揀本省道府有才守者
司厥任府君時與其選計分查揚州一
辦理煩苛造冊充棟府君矢公矢慎挈領
辦理悉得就緒數月竣事

六月疏請停淮商捐輸之項以崇實政

淮商向有捐輸一項前於查審後司監者止及
一時美名飭商捐輸銀由八萬十二萬至二十
四萬兩又令捐助鹽政公務及鹽道薪水銀及
若干萬兩具奏歸公作爲節省年以爲例當時

據呈題報並未實貯迨奉部撥用始行釐比其弊滋多其項仍缺府君稟之制府並奏請

勅下所司議定存留捐輸公項年終按冊稽查如有盈餘留作下年支用庶可免濫派而杜侵刑制府高文良公深重府君以爲有遠識未幾奉

旨停商人報捐矣

疏陳粵西開採銅廠事宜

粵撫請開銅礦准令本地民人領採除抽稅分外司事者或定價勒買大秤兌收府君請

抽三之外悉聽商民自賣庶百貨流通民生
益委員祇宜稽查彈壓不應勒買廠銅也

八月疏陳辦理賑卹事宜

山東河水泛漲延及江南維揚被災窮民待賑
孔亟府君親巡各邑據實勘報高郵寶應興化
均得

言賑濟其末全災之江都泰州亦皆分別蠲免被水災
民有於查賑之先携眷外出覓食嗣聞賑歸來
而賑冊無名不得復賑仍屬無以資生府君奏

請捐給口糧將此等流民咨送原籍地方使撫
文入冊補賑以免流移疎漏得

旨交尹繼善彭維新妥酌辦理欽此

增修普濟堂

維揚舊有普濟堂收育孤貧歲久費缺有名
實府君捐俸濟用擇本邑善人司其事

增置縣獄之費

縣獄窄隘禁者多疾斃府君倡捐增屋并
田歲收租息以補囚糧之缺

疏濬城河增置大艦於鈔關河

揚郡居人稠密城河穢積府君倡議通濬後至
癸丑陳君倓中鼎元堪輿家謂爲城河通暢之
應城南鈔關河岸峻水駛小舟爭渡往往及
府君造巨艦待濟揚人便之

奉委辦運洋銅

時派直省賢能知府辦運洋銅以備鼓鑄然
帑出洋向多弊累府君奉委辦運如期無悞
迎先大父先大母就養來揚

是歲仰遵

恩諭遣人迎先大父先大母就養任所先大父率叔
怡亭公先來先大母以目疾未至府君曰太
人愛憐季婦故不肯來耳復遣人歸迎先
始率先叔母趙太安人抵揚府君曲體親志

副

天恩舉家團聚感荷曷極

延王巳山先生主講安定書院

府君公暇時與論學彙課諸生文刻維揚

錄楊君開鼎管君一清程君埶皆當時所得士也又延郭南江先生至署課子姪

雍正九年辛亥府君三十六歲

正月丁先大父憂在任守制

先大父自去冬遘疾正月小愈府君以公赴江寧謁制府急返署而先大父疾甚延醫進藥祈禱無應至上元日先大父病遂不起府君擗踊哭泣痛不欲生急請回籍終制會撫軍尹文端公繼善以要地需人奏令在任守制府君力辭

不獲

附叅部議降調免議

歲試武童府君爲提調適有監箭武員舞弊制
府史文靖公以徇庇照例附叅部議降調奉

旨陳宏謀斷無徇隱之事必另有別故令督撫查明覆
奏府君竟免處分史文靖公常謂府君曰我幾
因公事累爾回京奏舉府君爲知府中出色之
員府君聞知益滋愧悚

四月補授江南驛鹽道

府君具摺奏謝奉

硃批好竭力勉爲之恩不可常恃寵不可永期少放縱
自肆莫謂朕始終不一也賴朕不如自倚凡百對

天問已而行自無有虞之患矣感恩於今日朕不取但
能異日不怨望乃朕之望汝者敬慎二字時刻不可
釋諸懷誌之欽此

奏繳御史銜

奉

硃批御史銜可以不必奏摺自應如舊但須更密之欽

此

六月署理江寧布政使事

府君抵鹽道任適江寧布政使員缺制府高文
良公撫軍上蔡程公元章委府君署篆府君
已率屬察吏安民不敢視爲五日京兆也

八月疏請禁葦捐監浮費以實倉儲

安省時照河工例捐納貢監捐費改收本色交
倉之外向有掛號等項陋規經前任奏歸盈餘
充公府君以正項之外又復多此浮費奏請一

概減除照例止收正項嚴禁吏胥需索則捐者
踴躍倉儲日裕得

上言之督撫欽此

疏請差船編聯保甲以杜奸匪

各處差船水手率係臨時僱用來歷不明易藏
奸匪府君以江南驛道設有黃快等船二百餘
隻奏令編聯保甲用牌書明頭舵水手姓名籍
貫年貌互相稽查不許混招匪徒於匪盜似有
裨益其江西湖廣等省差船一體請令編設得

年譜

卷一

三

上
百
交
部
議

先文恭公年譜卷二

男鍾珂敬輯

雍正十年壬子府君三十七歲

三月丁先大母艱仍在任守制

先大母以先大父先逝悲痛失明府君百計
解延名醫調治老目復明人咸以爲孝思所
至是先大母病甚以三月十六日棄世府君
地呼天哀號欲絕制府尹文端公仍奏請照
在任守制奉

旨該督既稱陳宏謀操守清白才具敏幹署理江寧
政司印務實心任事著照所請仍留在任守制俟
任交代後給假料理喪事畢仍回驛鹽道之任欽
府君以苦塊餘生屢荷

恩施格外感悚交深不敢固辭然披牘視事益覺啣古
無地也

四月卸江寧布政使事

八月請假回里治喪

遣叔父怡亭公奉先大父先大母柩車先行

月府君抵里營墓卜地於本邑樂嘉邨之原十
二月合葬新阡府君自筮仕及今離鄉十載親
族悉來弔問府君出廉俸所餘按支派遠近酌
爲飲惠廣

君恩也

修理本鄉堰工

鄉之西有堰向爲鄉人水旱蓄泄之地舊築以
土春雨漲發水輒漫溢鄉人歲出修資先大父
常欲改建石工未果至是府君出資砌石築堰

仍設水口以便蓄泄以益農田承先志也有文
勒石紀其事

雍正十一年癸丑府君三十八歲

二月補授雲南布政使

府君營墓畢正擬束裝回江南任適奉

恩命卽於三月起程由南寧一路赴滇

三月疏陳粵西墾田事宜

雲貴時有捐墾之例制府鄂文端公爾泰奏
粵西照行原議每畝發給工本六錢五分

扣還始報陞科雍正四年粵撫金公鉞以地方
欺隱不肯報墾議令准官生廢員借墾報捐就
前代舊冊所開有荒者指爲額荒不問現在有
無此地一概督令首報墾荒每畝給工本一錢
二分抵本人報捐之費並令本年報熟陞科永
爲額賦認墾報部者不下千萬餘畝其實按之
舊日土田並無新增是原議開墾六年始陞科
者今轉爲報官後卽陞科矣田地祇仍此數而
賦額暗增永爲粵人子孫之累府君時在籍目

擊其弊不敢緘默據實酌陳末議五條一給發墾田工本起科年限仍照舊例工本旣裕年限旣寬瘠土亦可成熟一地方向有老荒舊荒半屬無憑有呈墾者立予踏勘四至確實給照開墾以免趨避移換復因地力之肥瘠定賦則之高下庶無輕重偏枯之事一報墾之時卽宜勘丈以絕冒領隱混之弊一捐復人員及外省官生原圖速得功名勢不能親自領墾若墾田必俟六年陞科後始給實收恐阻各員上進之心

應將現在不准折銀報墾之例酌加變通照營田之例每畝六錢捐納卽給予實收不患將來報墾不多一新報墾田地方官勘明界址給照承墾倘三月內本戶不行呈墾許他人報墾不得以牧牛公地及有主草場藉詞爭控庶訟端絕而承墾者無所瞻顧得

言言之尹繼善酌奪奏聞欽此

四月抵雲南布政司任

奏定運糧之法

時滇省軍務未竣糧運關係緊要小民背負接
運道遠維艱府君奏定爲短運遞運之法逐站
交收民免遠涉運送更加踴躍滇民稱便

五月嚴禁徵收公件陋規

滇省向於交納錢糧之外別有交納公件名目
相沿已久近復於公件之外多加火耗雜稅錢
糧亦復額外多徵府君通行嚴禁謂省得一分
民受一分之益並刊刻錢糧款項清單明白曉
諭於新設地方酌定經費永禁私行派累

不孝 娶元配王宜人

疏定夷鄉入籍之例

邊隅半屬夷鄉向嚴冒籍之禁府君以異省遊
棍濫竊名器自應按例嚴禁若讀書之人願移
家夷鄉者應准與本地之人一體入籍應試取
進之後不許復回本籍散漢人之秀於夷人之
中有詩書禮樂以破其愚頑語言文字以化其
獷野不出十年可以移風易俗其有恃符滋事
者令有司教官詳究治罪於邊地文教風俗均

有裨益奏交部議允行

六月詳定賞恤出師兵練並免身差

普思元新兵丁土練効力戎行府君詳請按奮
勇等第受傷重輕登明陣亡病故酌加賞恤以
勵急公土練出兵遇有陣亡病故其子弟不得
照陣亡兵丁頂入名糧請並免其子弟身差以
示鼓勵

七月詳定分別准銷倒斃馬匹事例

各屬買解軍營馬匹以供馱運有急公州縣喂

養如法遇有倒斃卽行買補家人胥役伺應經
年者亦有喂養不能如法倒斃不卽購買反得
安然撤回者苦樂不均易滋觀望府君詳議倒
斃定額准其分別開銷自必人人急公得免賠
累

整理學宮慎重丁祭

學宮春秋二祭久已奉行故事禮文樂律苟簡
錯謬府君通飭各屬整飭宮牆恪恭祀事龕位
逐加修葺品肴禮樂悉遵舊制從此鉅典一新

嚴禁各屬解糧人役滋擾

普思等府大軍會進運糧解役衆多或混入夷寨肆行騷擾或尅減草料致多派累府君出示嚴禁違者嚴拿治罪

十一月疏請剥隘移駐遊擊土富州移駐通判

雲南剥隘與粵西百色毗鄰逼近安南實爲沿邊要地新開道路發運鉛錫銅筋爲水陸通衢向止駐外委一員帶兵五十名地廣兵單府君奏請移駐遊擊分撥官兵以資防守廣南一郡

距富州縣陸山路寫遠命盜詞訟相驗踏勘案
件皆藉知府親自審理往返經旬殊慮鞭長莫
及並請於土富州適中之地移駐通判以資佐
理得

旨言之督臣尹繼善斟酌具奏欽此

委員經理育嬰等堂事宜

滇省設有育嬰普濟等堂及掩骼會日久墮廢
府君先爲清釐屋宇酌定條規撥置田租銀米
更公捐廉俸歸入三善會刊石遵守委員經理

永無廢墜

雍正十二年甲寅府君三十九歲

二月嚴禁壓買官茶

普洱等府例辦貢茶官役每短價多買肆行擾
累最爲民害府君嚴示查禁每歲採辦官茶按
照時價公平採買不許借名多買短價壓送滋
累夷民

示禁歲修海口及稅口各差均不得私役民夫

滇池歲修海口歷派民夫易滋弊竇府君詳請

動支公費給價僱用永無派累民夫承修官役亦不得勒價短發並示諭昆陽等四州縣地方其官員奉差來往以及各處稅口鹽店坐卡家人巡防透漏亦均不許私役民夫

清釐各屬案卷

滇省各衙門案卷或吏典抽匿私貯或去任官携帶隨往遇事檢查輒多散失吏卽藉是作奸舞弊府君通飭各屬清釐案卷悉令粘聯成幅標題鈐印並將事由造冊入於交代以杜抽換

隱匿諸弊

通查義學購備經史分貯各學及書院中

義學之設實爲文教所關風化所係府君通查
滇省所屬義學重加清查并籌置膏火經費其
舊有田產者均令清查以資膏火但不許藉此
佔奪民田明年復爲次第遠購經史及古文淵
鑒性理精義等書以備諸生誦習又續刊孝經
小學綱鑑正史約大學衍義輯要四禮初稿四
禮翼近思錄呂子節錄諸書分置各學并書院

中檄取各屬有造之士入院肄業詳定館課不
得專用書藝兼試古學表策論疏以廣造就滇
中士子自是蒸蒸向學

五月祈禱甘霖

勸種雜糧疏濬泉源

滇省跬步皆山水田原少是夏雨澤偶缺種植
愆期府君檄勸廣種雜糧雖山坡嶺側皆墾培
植並令地方有司設法疏修泉源以資灌溉勸
民廣積糞草以益農田

詳請酌定資助廢員流寓及旅櫬無力旋里公費
廢員流寓滇省以及旅櫬羈棲無力旋里者情
殊堪憫除微員等已有項足敷資助外至文職
州縣以上武職守備以上廢員家口旅櫬無力
回籍者府君詳請公捐養廉百分之一以備資
助詳定規條永行不廢

通諭各屬整飭公事

滇省州縣遠處天末遇有公事度閤耽延相習
成風府君諄切訓諭務令整頓精神治理民事

常以虛心實意訓勉屬員有批雲龍徐牧稟云
凜方寸之難昧則意安得不實識事理之無窮
則心安得不虛時以爲名言聞徐牧刊爲聯語
懸諸書室

十月不孝生長男蘭森

雍正十三年乙卯府君四十歲

府君自任滇藩時以才微任重雖奮勉供職深
虞隕越二月相國張文和公傳奉

諭旨勉以實心戒以自滿自足府君跪讀之下感悚交

深隨具摺奏謝

四月飭查通省節孝務令確實舉報以憑題旌嚴禁吏胥藉端需索

立廠煮粥賑恤元江他郎諸郡邑夷民

元江他郎諸郡邑軍興之後夏雨偶缺夷民覓食艱難府君詳請領銀撥米立廠煮粥賑濟兩

月

七月奏請酌撥常平倉穀作爲社本以資接濟

滇省社倉奉文勸捐多不足額一屆青黃不接

夷徠窮民無處借貸漢奸劣紳乘機盤剝貽累
無窮府君以各屬常平現貯官穀奏請酌借數
百石作爲社本仿朱子社倉遺法春借秋還輕
息接濟俟積至千石再撥還原款因重定社倉
規條通行遵守

恩賜

聖祖御製文集全部暨

硃批諭旨十五函

八月

世宗憲皇帝龍馭上賓九月

遺詔到滇仰維

世宗憲皇帝宵旰憂勤整綱飭紀十三年如一日愛育
黎庶剔勵官方千萬里如目前忽奉

哀詔遠邇臣民同切驚悼府君仰沐

恩施優渥追維

訓誨殷勤尤不禁哀號迨至每日隨督撫兩憲并率闔
屬文武朝夕哭臨

恭逢我

皇上龍飛建極

覃恩府君授階通奉大夫先曾祖父世耀公先大父
韞璧公皆得

誥贈通奉大夫如府君官先曾祖母駱太夫人先大
母劉太夫人皆

誥贈夫人吾母楊太夫人亦得

誥封夫人廕一子入監讀書以胞姪鍾瑤承廕
十二月疏定終養回籍及奉

旨陞授俸滿卓異陞轉離任人員請

封之例

是時奉

諭旨凡丁憂回籍守制之員皆得一體給予封典府君因奏請推廣

皇仁如終養人員離任回籍與丁憂守制情事相同應一例給予封典至

恩詔前奉

特旨陞授以及俸滿推陞卓異題陞各員雖未到陞任皆係有職之員應一併照前任品級給予封

縣奉

部議允行

復調取簾官舊例

旨例各省科場於科甲出身之州縣中試其文理優通者派入內簾分校嗣經改調鄰省舉人進士入闈分校府君以調集鄰省舉人進士起送入闈鄰封相望難保無親識關通諸弊奏請仍照舊例於現任科目出身之州縣同知通判中擇其學問優長者調取入闈往返不過一兩

月地方果有緊急事件原可委員代理不必調
取鄰省舉人進士於掄才大典更昭慎密得

旨交部議允行

十二月奉到恭請

宗憲皇帝聖安一摺

御批此汝恭請

考聖安之摺已無及矣朕展閱不勝悲慟汝蒙

恩不次擢用至於藩司大員之職且蒙

訓諄諄以自滿自足爲戒當時刻儆省奉以終身自

成大器也欽此隨具摺奏謝又奉

硃批覽汝奏謝知道了惟在實心實政行與朕看
此

乾隆元年丙辰府君四十一歲

正月纂大學衍義輯要及衍義補輯要刊成

示禁彌勒州鹽筋貨物抽稅

彌勒州向設官店官秤私抽鹽筋貨物稅錢

販人等藉此增價病民府君出示嚴禁筋將稅

秤繳驗查銷

示禁富戶牙奸囤米高價

時滇省米價偶昂富戶奸牙將米囤積搥價待
糶府君諭勸有米之家及時平價發糶商販牙
行均不許高價困民

通飭各屬清查捏報墾荒

滇省開墾因地方官自顧考成期於足數致多
捏報不實府君通飭各屬將歷年捏報田地逐
一清查其有硤瘠低窪之區並非成熟及原無
實地止將錢糧攤派抑勒加賦並報墾後無人

納糧而本官自行完納者實係捏報卽造具冊
結詳候核轉題請開除

通查各屬興修水利

滇南四面環山沃壤絕少雨水稍遲田地受旱
一遇雨水漲發山箐之間頃刻成河不能停蓄
以收水利府君詳請通飭各屬相度地勢興修
水利或鑿泉濬河或築壩開堰分別工程大小
或勸民修或動項修俾無不興之水利卽無不
收之地利矣

七月再疏密陳粵西借墾報捐之大弊

畧云粵西開墾不實臣前列款陳奏經督臣尹繼善查實逐條定議具題部議以報墾田內如有以荒爲熟以虛爲實作速開除毋得回護其應如何清查之處仍令該督撫會議查此案報出之田悉照老冊荒額逐戶傳催令其報墾現在臨桂各縣及慶遠鬱林等處捏墾報捐之田不下二十餘萬畝其實並未墾成一畝撫臣金鉷以報部之田無着復藉丈量恐嚇責比計圖

百姓報出欺隱以抵捏墾之田今復令其自行
開除勢必不能將來惟有通查一番復取里甲
結狀以實從前之捏冒况丈量已禁虛實難查
斷不能徹底清除也在撫臣意謂各戶熟田定
有寬餘可抵新墾不知此係弓口稍寬之故身
土瘠薄有種一年必空二三年養其土力方能
再種者三四畝始抵腴田一畝之利今若查其
寬餘抵作新墾祇此舊地重納新糧實恐民力
難支逋逃不免懇

恩俯念邊省民窮地薄

特沛恩綸將從前捏報捐納及勒比首報之田一體
豁除不必再查如有實在可墾之荒仍勸民開
種照例陞科至廢員官生捏報開墾短發工本
冒濫得官并懇

格外宏仁免究不敷工本請照冊報老荒舊荒於原
捐廢員官生及報墾之戶名下各半追賠庶官
民均無累擾田賦并歸有着士民徭徭同沐
皇仁於世世矣得

旨該部密議具奏欽此

奏請停標營開典營運之例酌置田產收租
標營舊有生息銀兩原爲兵丁紅白賞恤
此項向俱開典營運生息以職官與商民
殊屬非體府君奏請將各省營運生息之
田收租可以永行無弊所收租穀變價充
在因地制宜使此項生息俱有恒產將開
運一概停撤得

旨該部密議具奏欽此

十月詳請委員賚銀散賑元江昭通各郡災民
是歲雨澤愆期栽插稍遲旋當結實之時連
風雨禾穗受傷元江昭通二郡被災頗甚府
立請分委州縣賚銀往賑務使災民均霑實
奏陳地方雨水田禾情形并籌酌地方應裁
各項得

旨所謂應裁應減之項必須百姓皆受實惠而經
無弊然後爲料理得宜也若公用不敷國帑有
百姓仍然受累而徒飽貪官污吏之私橐則

應裁應減之項不過數年之後又爲汝等應追
賠之項矣慎爲之若百姓均受實惠雖億萬朕
惜焉將此諭與督撫共觀之欽此

十二月奏定州縣積貯准開耗穀章程

州縣積貯倉穀向准每石收耗米三升以備
量出入及鼠耗蟲傷不知何時將此三升均
正額報部州縣不敢開除羣視積貯爲畏途
敢多貯以期有備無患府君奏請通行直省
貯倉穀悉照舊例所收耗米三升留給該管

按年開銷三年後耗米減盡許於正米內每
開除一升此外如有侵虧嚴叅治罪庶官員
以積貯爲累而倉庾可以多貯矣交部議
奏請酌給書吏辦公之資及簡用考職吏員

各衙門書吏爲辦公所必需向無額設工費
舞弊自宜嚴懲而奉公亦宜體恤府君奏請
勅下督撫酌定地方繁簡給予辦公之資此外再
作弊需索卽應重處至五年役滿考職後得
需時半皆衰耄及發憑驗看再請扣除而地

懸缺已久不無貽悞並請令該督撫每歲年
將考選吏員詳加考驗甄別有年力壯盛人品
端正者送部銓選其年力就衰人品平常者准
給原品休致如果才能傑出歷試有效之人
准該督撫保舉一二人送部恭候

簡用以示鼓勵得

上言前奏頭緒太繁恐行之徒滋繁擾至役滿考職
一條待朕再加酌量欽此

乾隆二年丁巳府君四十二歲

正月增訂綱鑑正史約刊成分發各學

增置各郡義塾田產

府君於各郡陸續增置義塾選士著可教生
肄業其中延請名師課讀分設規條清理田產
更公捐俸廉若干兩增恒產若干畝計開義
七百餘處輯義學彙記以垂永久後蒙化景
科甲蔚興苗稼皆不識字并令附入義學俾
文義後遂有赴考發科者

調劑滇省銅廠事宜

滇中五金並產湯丹大條等廠產銅尤盛時
文停辦洋銅添運滇銅至京以供鼓鑄然商
工本不敷開採不能踴躍銅產漸微府君詳
酌量加給工本開採得銅除抽課外聽商民
平自賣官不得勒價收買自是漸開子廠而
以日饒迄今每歲辦解京銅數百萬並供解
省鑄局銅筋不下數十百萬矣

八月請豁昆明馬廠租息

昆明縣老丁田地向爲標營牧廠曾經開墾

租報部充公但逼近昆海時虞淹沒科租十分
過重民艱輸納府君請照陸涼馬廠之例僅
舊則完糧其歸公租米盡數豁除卽以本年
始免徵以舒民力

九月再疏奏陳粵西借墾報捐增賦病民之弊
畧云粵西所報新墾原因撫司通行地方官
照老冊額荒查報嚇以欺隱之罪加以責索
刑誘以工本之利小民一經呈報官卽浩
墾以作捐納之田並非果有續墾亦非該

果有成熟未報之田也迨今奉文覆查各員
畝勘丈愚民承業父祖止知塊數不知弓尺
懼官勘滋擾情願照認原數免丈或丈過而
口稍寬官卽作爲餘田以實前數不復問其
土之瘠薄與否且所謂報捐之廢員官生卽
任粵西之員或現任之親戚子弟幕友人等
聞覆丈彼此固結畏罪彌縫委員又顧忌
會勘之督撫其中周旋疑畏勢所不免今
所奏粵西瘠土差煩難以加賦實切粵西

而所云已熟之田實有此十二萬畝之餘
未盡確督臣先曾會請丈量今又有國賦
不便前報今除之議勢必仍以原報餘田
新墾出出窮民子子孫孫納此新增之糧
所以恤民瘼而彰

國法也粵地田土瘠薄遠不及中土糧賦久
數萬難按弓計糧此邊省實在情形伏乞
特沛恩綸除已經查係實在新墾成田仍入冊
其餘熟田內之新糧概予開除亦不必再

查以滋煩擾邊省億萬窮黎永受

覆育深恩無既矣得

旨汝爲粵人卽汝言盡實而從之猶敢鄉紳
政之漸况未必盡實乎殊屬冒昧之至已將
部嚴加議處矣欽此部議降三級調用又奉

旨陳宏謀著來京候旨欽此嗣粵撫楊公超

明新墾實田無多將捏報新糧奏明豁免
之廢員官生有已得官者議追捐費治罪
從此粵省窮氓世世得免空糧之累實感

聖主加惠邊方體恤窮黎之至意云

遵

旨密保知府漆扶助王雲銘徐本僊三員

先是奉

上諭以道府等官必才幹素著廉潔自持方克勝
令督撫藩臬各舉所知二三員具奏府君察
普洱府知府漆扶助曲靖府知府王雲銘永
府知徐本僊應

詔

先文恭公年譜卷三

男鍾珂敬輯

乾隆三年戊午府君四十三歲

二月補授天津分巡河道

時自滇入都引

見隨補授天津分巡河道府君仰荷

特達之知洵擢藩司茲以言事不當蒙

聖主不加嚴斥復補天津河道俾得及時自焚感

交深惟自矢以勇往任事不敢少墮己志庶

稍酬

高厚耳天津巡道專司河務府君嘗攷古今所言
利諸書驗之近今情形多不甚合每擇駐防
久之河兵訪求河工利害及水勢起落何處
堤何處宜疏得其領要陸續施行常曰老河兵
卽吾師也每遇汛期早夜親蒞河干卽海墻
地人所不常到之處皆輕騎減從親爲履勘
擊情形因地制宜不肯以空言了事也

籌辦河工放淤事宜

河間滄州一帶形如釜底民間田廬全藉隄
護衛每年費帑無筭且多頂冲險工府君乘
舟河上往來查勘平工則議築遙堤月堤險
則鑲築縷堤又得放淤之法仿而行之凡汛
異漲半屬挾沙而行沿河皆有堤岸令水由
口入堤俾水定沙沉復令水由右口而出如
數次窪處悉填塞淤泥便成高曠之地其中
縷堤單薄日就危險擇水勢順溜之處加築
堤借溜放淤使縷月兩堤融成一片淤土較

土更爲融結縷堤旣厚卽遇掃濤迎溜亦漸
流歸泓而險工反化爲平至今景滄一帶當
放淤之地悉成沃壤堤畔則柳樹成林矣
申明分巡職掌

畧云向來巡道一官州縣皆以爲無關考成
行檄文多以爲不必奉行遇有命盜等案勘
初詳後審明完結並不抄招報道不知郡邑
戶婚田土賦役農桑總之布政司者巡道得
稽核之竊劫鬪殺貪酷奸暴總之按察司者

道得而整飭之顧名思義責難諉卸通飭所屬
查明任內批行飭查之件造冊叙案申覆凡關
命盜大案既經通詳則審結之後亦將緣由
報本道查核

五月飭查天津河間兩府義學整飭規條并酌
應給學租

增置都中廣西新館

先是都中舊有廣西會館一所自前明置於
城外鑾慶衙衙爲公車及謁選諸公到京棲止

之所

本朝定鼎之初爲人估踞府君宦京時偕同鄉前輩爭復舊地且爲之拓充屢加修建邇日

聖治覃敷每年觀光者數倍於昔地嫌湫隘至是君倡議公同量力捐資增置會館一所於南巷題其堂曰仁聚名爲新館粵人蒞止都中咸有安居之慶

六月通查天津河間二郡河防水利

畧云天河二府當運道下流爲諸河總匯慮倉

半居窪下每遇水發民間以水到之遲速定
歲之豐歉蓋得水之利固利而免水之害亦利
也方今伏汛已過秋汛踵臨廳汛各官往來
視於水之長落情形工段險易堤壩虛實逐加
體察於保固疏濬加幫挑挖之法自各有所見
卽據實申覆本道於霜降後親爲查勘以定本
年歲修工程庶期杜漸防微一勞永逸
七月飭屬預查應賑災戶
是歲秋禾被災欽奉

恩旨賑恤其中人戶極貧次貧清查頗難府君飭令所屬先期登門查記造具清冊不可少存畏難之心向後按冊散給毫不費力卽有告爭亦可持冊折服或有開賑民戶通查出示禁止

飭移滄州義塚公地

滄州城南舊係義塚公地府君以向陽之地不宜常爲墓瘞之鄉州城東北關外均有隙地現亦墓有多塚正可勘明立界作爲義塚飭州先行勘定出示曉諭聽人掩埋附近居民不許

四至內擅自取土開溝

議定天津育黎堂規條

天津西關外舊有育黎堂一所建自康熙年間
施有莊田以爲留養病黎之用歷年經營率多
侵漁以致有名無實嗣雖重加整頓復以日久
弊生經費未充施濟未廣時紳士牛君光敷等
捐施月費棉衣重興堂務頓有起色府君以欲
使堂無虛設必先重立規條費有常經莫若衆
擎易舉飭令府縣將該堂房間修葺添建夏需

焚燒蒼木大黃冬增薑湯草席布被等物仍延
本地誠心好善之士入堂董理上可廣

聖主之鴻仁下以盡撫字之職守

八月通飭各屬宣洩積水以廣種植

畧云備查各屬境內之水俱會聚於低窪之處
泝流測量各有去路如青縣滄州之減水河各
有涵洞天津南境有南北二閘數道溝渠可以
洩水大城四十八村之水亦有朱家村等處
洞任邱獻縣亦有可以疏濬之地其餘靜

河肅寧故城霸州等處積水皆有可以相
洩之法夫汛前之築堤防護者有備可以
也汛後之開堤宣洩者除害所以興利也因
相時相濟爲用况當異漲之時早消去一寸
卽得一寸之土田早退去一日民得安一日之
棲止高者可望起種秋麥低者亦可起種春
誠恐廳汛各員咸以此時已過汛期各弛防汛
不肯及時經理通飭詳查積水之區如有滙
者再爲疏濬無涵洞而水落可以外流者亦卽

言
卷三
開堤宣洩但不得將渾水擅放偷淤遺害下流
九月檄查各屬監獄人犯不許違例濫禁并給棉
衣棉褲以示體恤

條議修防子牙河事宜

畧云子牙河上承滹沱溢陽及南北二泊口
廣等府西南一帶諸水經由河間獻縣大城青
縣靜海五縣於王家口入淀一派渾流奔赴幸
兩岸離河甚遠堤不頂溜無沖決之虞水不淤
沙無淤淀之患不與水爭地而地仍可耕種惟

此河至獻縣完固口分爲兩支一歸於淀一歸
運河上流又有南北二泊爲停蓄之區水來尙
緩且靜海未建東堤水口寬暢雍正四年因虞
運河水漲將完固口阻塞於南北二泊中挑濬
河一道建堤束水順河直下靜海又建東堤上
流浩瀚歸淀水口日淺是以河間等縣悉受水
溢之患今逐加相度惟就現在堤岸設法捍御
將河身極力疏濬以資宣洩事宜六條一子牙
新河不宜清濁合流水勢減而易涸大城青縣

可以無悞種麥一歸淀水口宜加疏濬使全河
暢流一閘留二莊漫口宜就勢開挖支河以
尾閘一沿河小月堤宜取直另築堤根不致
水浸灌一沿堤宜分別種植柳葦以備物料
禦風浪一河唇溝口均宜堵禦堅固以免
一河堤東西兩岸田賦宜分別豁除
十一月通飭各屬整理捕務

捕盜爲地方要務廳印巡捕文武各官果
力奉行盜賊自應斂跡府君飭令所屬各

條編行保甲實心巡緝不得藉端滋擾
典史等如果實力遵行地方寧謐該府
舉以待超遷否則嚴行揭叅

飭修天河二府車路

天津河間地方接壤東省大路多有崎
及積水泥濘之處府君飭令查明修補其
民私將小路刨挖專圖車輛到彼勒索扛
文河兵或借欵堤名目需索錢文者並嚴行
禁

十二月詳請委員勘估減河淤淺

府君以青滄減河二道所以分洩運河水勢
在深通寬濶若稍有淤淺河身已被積淤侵佔
汎水入閘無地可容潰溢難免去歲雖經挑挖
而河身易淤非一律重加挑濬不能宣洩詳請
委員查估加挑以資利導

乾隆四年己未府君四十四歲

延王已山先生來署訓課子姪

二月飭修運河暗險工程

運河堤工明險可以一望而知惟有臨河堤面似覺高厚而堤後多係土坑車道勢仍單薄堪虞者此暗險也府君通飭確查如係民工卽令居民先期培築如係帑工應於汛前搶築高厚二三年間卽可成一寬平之岸永奠民居再無他患

條議南運河修防事宜

畧云南運河自全漳濟運以來直隸境內時有漫決之患官堤日被沖刷復建草壩草工最易

腐朽堤工仍險其無堤之地居民多築埝壩不加夯礮尤易坍卸汎水一到在在危險今相度全河形勢大抵地勢高阜者宜建遙堤而不宜建月堤地勢窪下者又宜建月堤而不宜建遙堤義各有取地各有宜築月堤以放淤似險而實平築遙堤以外衛似迂而實切誠經理運河之要務也應委員飭查分別緩急酌定規條及時興修一動款宜指定也一土方宜核實也一土方運價宜分別也一官民堤宜分別也一月

堤更宜堅實也一放淤物料宜多備也一堤身
高寬宜相地收分也

挑濬滄州青縣減河淤土

南運河經滄州青縣地界開濬減河所以分洩
運河水勢得免泛溢年來連遇大水減河淤阻
仍虞沖漫府君周察河形詳請撥項按段深濬
卽以次年爲始其河中淤土堆築堤後夯礮堅
實則河道旣得深通兩堤益得堅實

預修捷地開工

捷地石閘洩運河之水在興濟之上閘下洪流
奔赴形勢更險板牆而下南北兩岸堤頭三十
餘丈堤身單薄堤外地勢窪下閘水至此沖決
堪虞府君詳請增築南北鴈翅草工衛護堤頭
將閘水送至平流便可順流而下實於全河有
益

查修獻縣等四邑河道

獻縣河間青縣大城四邑村莊界於滹沱子牙
兩河之間其內地瀝水向藉黑龍港河洩入子

牙新河由谷家莊出口而歸淀繼因清渾合流
遂致泥沙停積河身日淺四邑村莊漚水無所
歸宿漫積內地春禾秋麥不能耕種府君詳議
將黑龍港與牙新河挑濬以利民生時有議
用民力者查計工段一百七十餘里責之民力
實難竣事府君力請動帑逐段興工其支河小
港自可勸民挑濬

四月詳請勘修南運河緯道

運河有堤之處緯道本寬惟無堤河岸民居櫛

比河流漸徙岸土日刷緯道漸窄當汛長溜大
漕艘至彼挽拽維艱關係匪輕卽帮建椿埽工
程需帑甚多府君請將天津靜海滄州交河吳
橋東光南皮諸縣緯道甚窄之處兩岸民房動
項買拆以展緯道以安民居其大鎮大市商賈
輻輳民情不願拆移及岸後並無寬閒或岸後
地面甚窪河流灣急者仍酌勘形勢帮建草工
壩座於漕運民生兩有裨益

是月妹壻謝公溶生來津就姻

輯刊養正遺規成

府君以弟子入學宜端蒙養所謂先入之言爲
主乃輯先儒教童子之言彙爲二冊名曰養正
遺規至是刊成

五月檄飭掩埋津城棺塚

津城內外多有浮厝之棺年久雨飄日暴汎水
一至任其漂蕩府君檄委佐雜遍行確查凡淺
厝暴露棺塚有子孫者責令自行遷葬如力不
能遷及無主義塚卽捐費代瘞之

十月弟鍾瑛生

叔父怡亭公先未得嗣以十月十九日生弟鍾
琛府君時方巡勘河工是夜夢得甘雨和風夜
夜心之句因小字姪曰甘次日府君亦得弟喜
甚因畚名鍾瑛小字曰和
不孝元配王宜人病卒官署

十二月宣洩天津河間二郡積水並挑河築堤

天河南郡如慶雲鹽山任邱獻縣等十七州縣
皆有積水府君逐處履勘分投疏濬應動工程

分別官修民修定議具詳其中應挑挖河渠者
十之七八應築堤閘者十之二三凡關係數州
縣之經流大河應行堅築之堤閘殊難責之民
力自須動帑興工有止關數村之溝渠則仍責
成民修再各處大工難以同時並舉將帑修之
大河大堤先爲興修民修之溝渠小埝陸續挑
挖大綱先舉細目斯張經流旣通支派自達
詳請培修天津海河疊道及西關疊道

畧云直省地方諸河滙歸積水之區被災沿至

數載先於汛後通飭府廳無論官堤民堤凡可洩水卽許開放立限堵築天津西南一帶地最窪下西界則有運河漫水東界則有海河漫水勢難宣洩查海河西岸自東門外起至鹹水沽舊有民埝以禦海河之水日久坍塌若仍督此災傷之民難以重爲培築惟此地向有疊道爲商賈往來通衢本係官商捐築今漸坍塌請照建築遙堤之議動帑二萬餘金將此疊道培修其間應開引河七八道并建立草閘木板以便

按照潮汛啟閉宣洩庶運河之水不復西來海
河之水不復東注則積水可洩涸土可耕貧民
或有起色又西關疊道爲通京大路西關以西
地多窪下水無去路舊路淹沒今南窪之水已
漸宣洩請將西關疊道一律培築道旁開溝溝
土卽可墊道中設橋梁旣可洩水復便行人
酌定牛犁起土及車運之法

南北運河所在均須幫築堤岸挑挖河渠但平
地取土爲力旣艱爲費亦不減府君嘗考前人

於舊河中挖出大型犁頭卽悟用牛犁土之法因
通飭所屬開取土方挑濬溝渠俱應改用牛犁
起土用車拉運較之用掀用筐已爲省力其有
不能行大車亦可用木箱小車以手推運較筐
擡爲省計賃牛僱車造犁僱夫較之計土論方
無所爲損益然一牛一車之力可抵十人以上
之工可以稍紓夫力又可速竣工程殊爲兩益
議挑老黃河故道

畧云老黃河卽古之鬲津河由西南而東北橫

巨於山東直隸之間本古黃河故道自黃河南
徙渾流不至專爲兩省積水歸海之道雍正十
二年漳河異漲運河危險水由鉤盤河會合老
黃河以歸海始有渾流日漸淤積山東直隸兩
省互相推諉挑挖未能深通查閱此河爲東南
半壁入海之經流自哨馬營而東由減河而鉤
盤會老黃河入海通計河身二百八十里兩岸
數十州縣之積水藉此宣洩淺一尺地方受一
尺之害應請卽就河心挑挖寬深全河中間皆

有子河有坡有槽兩面積水皆可聽民間多開溝渠隨時流入子河既可宣洩積水而時有清水汕刷子河亦少停滯之患並請咨明山東河院委員勘明會同挑挖期於一律深通及早經理爲費雖多尙可弭患未然再一坐誤河愈淺而害愈深矣

乾隆五年庚申府君四十五歲

正月續議青縣滄州減河善後事宜

減河尾閘在於岐口岐口之海河與兩減河尾

閘相隔尙有二三十里中間一派沮洳水土惡
毒人跡罕到府君逐加親勘岐口海河西南一
帶支汊分流中多阻隔不能相通因請從興濟
減河之老堤頭起經沈家堂達李連賓家口將
西河頭挑挖寬深則興濟減河可以直達海河
捷地減河從船到溝尾閘開溝卽可通於陳河
由陳河而李金溝而大溝窪而張彥家溝而長
港層層挑通均於李連賓家口西河頭與興濟
減河會合入海兩閘口設立閘板閘夫於八月

以後按期閉閘則下游消涸而兩岸積水可以
迅消正可趕種春麥於運河民田兩有裨益

三月疏濬景州交河東光漫河及各縣河渠

景州交河東光舊有漫河一道周歷各州縣因
地異名每遇雨水過多之年淤阻壅積田禾受
淹府君委員確勘議將漫河上下一律挑濬深
通并各邑河渠道渠通估疏濬計景州一州工
程士民各圖保護田地皆係田主出夫自行修
築其東光交河各縣工段除民修外仍請動項

通修

四月檄催各屬速結命案

天河兩府屬命案纍纍未經招報或兇犯未獲
率皆遲延府君開單立限檄催速審速結以省
拖累

補授江蘇按察使

府君莅任天津河道感荷

殊恩實心經理兩年以來於河務一切差得領要時
值大計制府孫文定公嘉淦總河顧用方公琮

會題卓薦隨蒙

恩擢江蘇按察使五月赴京請

訓蒙

聖諭以存心愛民平情執法六月抵蘇州臬司任視
事江省地廣人稠率多暗地指名撞騙請託之
事每一案完結理屈者惟咎營求不善理直者
羣羨賄託靈通府君久知其弊嚴飭示諭有犯
立卽指拏究處

嚴催各屬批查呈詞

府君初抵江蘇檢查舊案前司批查未結未覆之案甚多因嚴飭各屬謂控案有批無覆經年不結有告准之名無結案之日開胥棍需索之端貽窮民拖累之苦刁詞得逞訟棍肆行皆由於此開單彙催勒限清理

議詳再盜事宜

畧云江蘇地廣戶繁奸良溷雜鼠竊頻聞弋獲無幾今欲竊案之少莫若先治可以爲竊之人而欲人之不爲竊其上則安置之使不必爲竊

其次則約束之使難於爲竊又其次乃窮詰而懲劓之使知有犯必懲不敢再竊彙議弭盜事宜八則一曰稽查乞丐一曰管束驛夫一曰安置舊賊一曰嚴禁窩線一曰核實贓物一曰認真追贓一曰嚴比緝捕一曰獎賞緝捕通行各屬遵辦

詳定文移繁簡

畧云江蘇繁劇甲天下大小案件日積日多語云省費不如省吏省吏不如省事今就所事之

中浮泛虛文稍爲刪減切要字句酌量加增彙
呈十則一題招之案有冊有詳上司止須批發
長詳其由司改正或由憲改正均可批明轉行
奉到部覆止須將部文行知無須另發招稿逐
層換詳一咨題外結各案州縣審供自必叙入
其府供相同者可以不叙縣司審供亦止須叙
人犯口供不必逐叙問語惟駁詰有關情節者
仍行叙入一咨案凡府司駁審改擬者均屬緊
要情節應將駁改情由叙入蓋具題必須核確

全招方始繕疏其無關緊要之文稟止須節叙以省繁牘一監犯患病有應提禁者自須通詳其餘止用驗文通報不必待批而後醫治也病痊亦復如此一咨題案內有關舉貢職員生監應請叅革卽於訊供時問明請上憲叙叅毋庸批令另查咨部案件情節已備載原詳概免批叙妥詳以省層層另轉一各屬辦案遲延多由官不記憶書役任意捺緩嗣後請將承辦書役姓名填明遇有遲悞指名提比書役承行各有

責成互相警覺不敢延擱一竊案止須用驗文
報明不必候批迨至獲犯仍行詳報以憑飭審
被竊隨卽獲賊自盡命案些小賭博卽可審擬
詳結不必兩番詳報一州縣自理詞訟向來造
報不全或遲久方報視同故套請另定簡明冊
發縣每件止列原被告姓名日月而事由止列
數語并登明某日審結不必冗叙務令用循環
印簿逐日登填按限申送府州府州於每季將
所屬告詞已完未完彙造簡明冊報司不必造

入姓名月日事由上司亦可知州縣事務之繁
簡官員之勤惰一驗詳文冊均須填明坐日案
詳內叙入士民呈稟均須註明村莊名目以便
稽核一上行之件不必另具遵依結狀其批行
枷責發落者限十日提到發落具報不許捺延
則胥役無從需索亦所以彰法紀而杜弊端也
彙催所屬審結案件

府君以江蘇案件殷繁上行政件屢催不覆逐
件檄催不勝其煩立爲彙單行催之法凡各屬

還許及上司批飭行提查審之案無論有限無限彙爲一單止列名目不載原行間月一催勒限審解查覆既可免官吏先後遺忘之慮亦可杜書胥搽縱緩急之權有限者關係叅處固宜及早辦理無限者雖無關叅處實關小民性命事事以速結爲期刻刻以民務爲重此開單彙催之本意也

八月疏請嚴禁盜賊誣拔以安良善

畧云盜賊重爲民害情法均無可寬獲犯根究

狡黠者於平時窩夥不肯實供藉此誣扳良善
及素有嫌隙之人捕役亦樂藉圖索詐更有指
使誣扳者有司縱審出實情而被累者已自不
少請嗣後盜賊遇有誣扳必究問明確方始拘
拏隨到隨審如係誣扳將盜賊先行懲處至於
是盜是良卽本人人口供難以盡信而其人平日
行止隣里無不真知之理虛心傳訊自無遁情
倘有應搜賊贓卽委員前往以免捕役藉端抄
掠并懇

下直省嚴禁此風庶盜賊知警良善得安得
旨通行直省飭禁

疏陳積貯未盡事宜

畧云積貯有常平倉社倉均須多貯以備借糶
接濟常平有懼盤量折耗而不敢多貯者有懼
買補不敷而不能多貯者社倉則有捐輸不前
社本不敷之患有遠近不均借還不便之患又
有社長不得公正殷實之人而公正殷實者又
懼有賂累需索不肯充當之患請將常平倉穀

定例每石帶耗米三升准留爲每年開銷折耗
一升之用其原無額編耗米者并准收耗三升
其平糶還倉者准於買補時多買三升以備虧
折以免賠墊又酌定出糶之價揆之市價不甚
相懸庶官米市米可以源源相濟亦免價賤爭
買囤積之弊社倉本穀須存積至千餘石方敷
接濟且須分貯各鄉以便民間借還有社本無
多及向無社本者准於常平捐監穀內動撥作
爲社本出借收息俟積有多餘仍撥還欸每年

借還聽從民便官止司稽查社長正副必擇廉實公正之人地方官加以禮貌免其雜差并准於加一收息外另收耗米三升以資造冊紙筆之費其社息漸多者詳請獎勵得

旨交部議嗣部議以所奏事宜有前已酌議遵行者應毋庸再議

飭禁火葬

蘇郡到處水鄉葬地甚少其棺不急葬日久暴露者甚多甚有設壇火化名爲火葬先經前人

飭禁府君以日久懈弛仍踵前習悖理傷化莫此爲甚委員嚴查先將火化各壇拆毀如有抗違火化者嚴拿責處

清理監獄并諭禁諸弊

府君以江省訟獄繁多人情巧詐不一有一案而牽涉多人監內遂多無辜受禁嚴諭各屬加意矜恤速審速結以省羈候并禁官吏需索監費非禮凌虐其有叅案均須按限速爲審結不許畏難藉故延挨以免拖累

罪犯留養賄弊

罪犯遇有親老丁單准其留養法久弊生遂有賄求假捏及屈抑不能上達之弊府君飭屬凡遇罪犯有無老親是否獨子務訊明確以定應否請留不得任其賄囑捏報亦不得任其阻格遺漏

飭給解審罪囚衣服

罪囚向無額設棉衣之項乾隆二年題准動支罰贖銀兩製備衣服分給罪囚府君以州縣漫

無留心及此者通飭照例製給每名棉衣絮褲
爲禦寒之具其司監人犯府君捐俸製賞并廣
施薑湯以示矜恤

示禁男女捨身入廟

吳下向來崇尚淫祀歷經飭禁拆毀其風已息
至城隍廟東嶽廟土地祠原係崇祀正神不在
禁例府君查知愚民多有投身入廟承充軍皂
各役朔望赴廟點卯公然塑像兩廊受人禮拜
復因有后宮夫人之神婦女亦捨身投廟作爲

使女僧道索取重資焚牒給照每遇朔望黠耶
供役甚至該班宿壇以爲敬神實滋褻越以爲
免災實取玷辱凡此惑世愚民之舉皆爲傷風
敗俗之漸因嚴示禁止飭將投身執照所塑生
像速卽銷燬倘仍有私自入廟者男子則重懲
本人婦女則罪坐夫男僧道藉此誑騙財物姑
宥已往嚴戒將來違者枷示

示諭審詳各屬案件隨時懸示以杜指撞

畧云向來審詳案件候院題咨後發換妥詳然

後補批所以院不卽批發司司亦不卽批發州縣其一切解審詳轉之案准駁重輕均無明示其中遂有打探囑託抄稿送信揣摩撞騙行賄鑽營等弊不知事犯到官罪隨情爲重輕均有定宜令明白其曉不必故示秘密授胥吏以乘機嚇詐之柄今一切案件隨到隨審隨批更詳奉憲准於審後亦卽批發司詳可以當下了然其有關出入弊竇者每日將准駁輕重之處明白懸示以免探聽賄囑之弊

申嚴賭博之禁

畧云賭博之禁功令綦嚴無知小民犯賭尙易
拿獲惟有紳宦富商倚財藉勢專事開場深居
邃室無由往拿蘇揚地方更有蠹棍匪徒匿娼
誘賭至鬪蟋蟀鶴鶉皆在例禁示諭紳士軍民
人等各宜戒勉痛除積習力破貪心世有因賭
破家斷無因賭致富者世有一賭卽犯斷無慣
賭不犯者也

空言

卷三

三

先文恭公年譜卷四

男鍾珂敬輯

乾隆六年辛酉府君四十六歲

二月妹壻蔣公本廉來署就姻

六月奏陳清理地方積案

畧云事關倫紀風化正宜加意整飭於執法之中寓原情之意化得一二人即可收一二人之益得

古所見甚正實力行之欽此

奏請纂輯四書

府君以易詩書禮春秋均已奉有

欽定善本請將四書倣周易折衷諸經體例一體編輯成書奉

旨交大學士等議奏嗣議現有

日講四書刊刻成書所請毋庸議

奏請定停喪不葬條例

畧云生事死葬禮之大經人子送終比養生爲尤重魏晉以降父母喪不葬者不得聽求仕進

所司亦不得申舉近來士大夫多有久喪不葬不但庶民爲然或厝於家或寄於寺有至數十年不卽葬者悖理傷教莫甚於斯今欲稽查停喪之法請先就士大夫銓補會試之日始凡一切選補各官及會試舉人俱查明無有停喪不葬者方准赴選赴補赴試現任各官呈明上司給假歸葬如逾限隱匿不報查出議處士大夫恪遵功令從此齊民矜式人人感發咸思葬親並令喪葬悉遵典制毋營佛事毋滋浮費則禮

制不越葬事易舉得

旨交大學士等議奏嗣議恐胥吏挨查棍徒訛詐更

滋紛擾是嚴以律文不若動以至性應恪遵前

奉

諭旨令地方官實力奉行多方勸導俾得及時營葬

可也

七月

恩賜

欽定明史一部

御選唐宋文醇一部

補授江西布政使

府君涖任蘇臬恪遵

聖諭期於明允常以小民寔念結訟輾轉株連縱有
司公平審結而小民身家已破抵任以來清理
積案不下數千百件時檄催所屬速清塵案又
常謂州縣耐一刻之煩勞百姓受無窮之利賴
雖有司未必人人實心奉行而一官遵守則一
縣可無冤民一縣中審明一二事則一二家已

無冤事積而漸多風俗身家默受其益至是得
奉

恩命府君感激

殊遇踴躍靡寧隨具摺謝

恩奉

殊批又用汝爲巡撫矣汝不患無才惟患恃才其勉
以誠實二字服膺勿失則不負朕任使之意矣欽
此

九月奏請撥運滇黔鉛劬聽各省採買以資鼓鑄

署云滇黔均有鉛廠產鉛甚旺前因鉛觔太多
帑本歸欸無期遂停採辦今江浙等省現開鼓
鑄所需鉛觔委員於湖廣地方零星收買恒虞
缺乏查黔省鉛廠相近有土黃河現已開通由
土黃河順流而下達廣西之白色南寧直至江
楚一水可通應行令滇黔兩省將鉛廠照前事
例招民開採抽課之外給價收買撥運水次聽
各省委員價買賚回以供鼓鑄得

旨交部會議允行

奏請廣滇省銅廠之利以惠民生

畧云雲南湯丹廠產銅旺盛歲可辦銅七八百萬觔除供本省鼓鑄兼可供運京局及各省鼓鑄之用若將各廠所產銅觔盡歸官買不許民運民間無銅可用勢必銷燬舊鑄制錢以圖重利於錢法甚屬有碍且民間銅價日昂銅廠必多偷漏以臣愚見除湯丹一廠仍爲官廠產銅足供鼓鑄外其餘兩迤已未開各廠悉照銀錫廠之例聽商民自備工本分頭開採所出之銅

酌收課息餘銅亦聽商民自行運售官給照票
稽查如銅產不旺聽民自止所抽課銅仍供附
近錢局之用客銅既多民間需銅有出卽可少
燬制錢於錢法大有裨益得

旨交部密議

重刊宋司馬文正公傳家全集成

府君常慕宋司馬文正公孝友性生正直立朝
以至誠爲主以不欺爲本章奏所陳詳明愷切
格正君心深求民瘼推賢進能勤勤懇懇嗣躋

得全集善本閱而喜甚因重加校訂并輯公年譜附於卷後至是刊成

九月 不孝 暨堂弟鍾瑞鍾理同舉於鄉

抵江西藩司任視事隨補授甘肅巡撫

府君洩江藩任之次日卽聞巡撫甘肅之

命時新藩未至仍飭所屬速結詞訟彙催未完積案
又江省陋弊藩司去任必將任內准理詞訟及
批行審緝之案通飭註銷不辦府君將任內批
准批行各案造冊移交後任接辦不令寢擱滋

弊檄文畧云在任一日卽當盡一日之心辦一日之事各屬祇當論所言之切中與否不當論本司之去與不去也

具摺謝

恩并奏懇

陛見奉

硃批又有旨留汝爲本省巡撫矣此係駕就不必以
來京爲請也欽此

調任江西巡撫

奉

上諭江西自俞兆岳岳濬任巡撫以來軟弱因循毫無整頓地方事務日致廢弛祇因彼地民情淳樸僅得敷衍無事前用包括署理巡撫亦復因仍舊習是以令回藩司原任陳宏謀尙有幹材特加簡用伊當感激朕恩深知黽勉凜前車之戒實心實力以吏治民生爲事况伊現任該省藩司雖到任未久地方情形諒必已知梗概今專任封疆宜更加淬厲務令官方民俗漸次改觀庶不負朕委任

之至意欽此

十月蒞江西巡撫任視事

入武闈主鄉試取中文武生監兵丁李躍龍等四十四人

時值鄉試武闈頭二場業經署撫考較竣事府君蒞任將合式各生弓馬技勇覆驗接試內場拔取如額

飭禁委員迎送

畧云佐貳雜職各有職守止宜公事差委非可

私供勞役江西近來每遇一官到任爲所屬者必遣佐雜遠迎瞻職悞公且多勞費殊爲非體嗣後不得濫差官員致曠職守

不孝 繼娶劉宜人

嚴飭水汛巡查盜匪并嚴緝竊賊

府君以江右界連六省舟楫絡繹盜賊出沒其間商旅每多失事所在有司汛弁不能上緊巡緝以致盜賊陸地恃有窩家水次藉有船隻沿江窺探肆行偷竊嚴飭地方文武各官多派員

弁兵役撥船巡遊比捕勒緝水陸無可潛蹤宵
小爲之歛跡

示勉應試武生

時值武闈方竣府君見應試諸生人材多有可
取而弓馬不能嫻熟文理復多荒謬因諄示勸
勉此後各宜立志自奮在家道稍裕者固當潛
心練習以求實得卽別有餘業而每日餘閒未
嘗不可以學習弓馬講求書史士苟有志隨時
隨事可學也人能自立無人無地非師也轉瞬

三年又當進取行當刮目以待矣

檄修各屬圩堤并奏令各縣縣丞加水利衙專責督修

畧云江右各屬圩堤實關民田要務向例按田派夫督修地方官向無承修保固之責視爲泛常并不親勘督修其民力勤惰出夫多寡圩堤堅否無人督率奸頑佃戶每多推諉延挨卽已經派修者亦不過虛堆浮土隨修隨傾是民修仍須官督但州縣勢難親往各鄉勘修應請將

各縣縣丞均加水利銜委令辦理無縣丞則專
責典史巡檢勘修歲底完竣造冊報部其工程
浩大者請動鹽規充公銀兩給發興修各該員
三年內果能實力督修有效卽列入事實獎薦
以示鼓勵

查議運鹽事宜

江西鹽價昂貴實係商人不能如額運銷鹽到
甚少之故前撫已咨鹽院嚴飭掣鹽廳按月掣
足催運府君恐商人計在重利藉口阻風逗遛

俟省城鹽缺價高然後運到亦未可知再咨兩淮鹽院轉飭運使於掣鹽後差官押運遄行至江西界內令鹽道差官押運至省不許沿途逗遛於鹽務似有裨益

堂兄鍾瑤補授山東泉河通判

先是堂兄鍾瑤承襲廕生呈請赴東河河工効力至是題補山東泉河通判

十一月曉諭棍徒周建臣惡跡

新建巨棍周建臣積惡多欸人人切齒從前所

犯率皆漏網府君嚴緝到案按法究治曉諭通
省知所懲戒

札諭安撫流民事宜

時值江南鳳陽水災彼地民人多有流至九江
境內者府君札令地方有司飭查實係因災逃
亡乏食流民當此隆冬未便卽令回籍應照例
收留養贍動支常平倉穀按口賑恤俟明春二
月報明咨送回籍其餘不得濫給

飭屬繪呈輿圖備攷

各官到任例須呈送地方輿圖圖內必將境內
村莊市鎮河渠脉絡水陸道路一一備載其東
西南北道里遠近計里畫方詳細貼說方足以
資攷鏡卽古人左圖右史之意也府君以各屬
送到輿圖多係草率故套另訂定式通飭府縣
各按地方繪圖呈送庶幾地方情形了然心目
卽以此規有司之留心地方與否也

清查通省社穀

府君訪聞各屬社穀多係社長人等捏名認借

並不按期收放窮民不能接濟時屆晚穀登場
正社穀收倉之候因令及時盤查如有穀無倉
者卽令議建倉房以便永貯若有官役侵蝕指
名詳叅究治

諭屬登覆地方事宜

府君以巡撫統轄全省凡吏治民生人心風俗
皆宜隨事體察漸次施行恐輻輳廣濶耳目難
周逐件行查不勝繁擾特分條諮詢如徵收地
丁糧米常平社倉土田水利風俗以及鄉飲節

孝文風命盜詞訟案件流寓棚民養老育嬰關
隘市鎮廟宇書院并紳宦蠹役訟棍諸事分爲
三十二條均州縣必需查辦之事據實造冊登
覆既可悉通省地方情形而各屬之留心民事
與否亦即可見

檄懲訟棍

府君以江右民風好訟皆由訟師播弄借事分
肥及至兩造審明破家受辱而訟師逍遙局外
有司向遇查出訟師率皆從寬完結罔知懲戒

飭令上下衙門凡投遞呈狀均將做狀之人姓名住址寫明方准收閱如有虛捏卽將主唆之人究審重者按律問以軍流輕者枷責之外用鐵牌深鐫訟棍某人懸掛項頸點卯三年之後果能改過自新詳請起除

十二月嚴緝私宰耕牛

耕牛關係農務緊要地方偷牛積案皆恃有私宰之戶爲之窩頓府君訪聞窩宰積棍又恃交結地方坊捕胥役藉稱開剝病牛公然無忌貽

害農家飭令將私宰人戶按名緝拿嚴究依律懲治地方少一宰牛之戶所全耕牛不少而竊案亦漸稀少矣

嚴緝沿江匪船

江湖港汊船隻借名捕魚放網沿江肆竊府君業經飭屬查拿拆毀茲訪聞豐城縣屈家洲地方尚有兩頭忙等小船往來湖港恣意肆竊飭行沿河之南昌饒州南康等府縣再行逐處搜查如有飛梭兩頭忙等匪船押令盡行拆毀地

方各縣仍督率兵役實力巡察

乾隆七年壬戌府君四十七歲

正月

恩賜

御書福字暨鹿肉野雞等物

府君凡值

恩賜食品必熟而薦之祖考并分惠僚屬嗣後歲以
為常

疏請廣錄用賢能之例以勵人材

畧曰爲政首重賢才用人尤須鼓舞但缺有繁簡才有短長沿邊海疆烟瘴地方有俸滿卽陞之例其餘衝繁各缺調補之後與簡缺人員同須循資陞補且簡缺尙可苟安無事而繁缺事繁費重叅罰亦多轉致有碍陞遷應請嗣後調繁人員如或改操自應題叅倘更著勞績自應破格陞用或量加銜俸與簡缺人員稍加優異則各員益知鼓舞要地更可得人矣

飭查鹿洞鷺湖兩書院田租

鹿洞鵞湖皆先儒講學名區府君以近日延師訓課有名無實舊有田租日久侵隱飭道轉行各府清查經理并舊存書籍查明造冊呈核以憑酌議興舉

二月疏請增撥社本分貯接濟

畧曰常平社倉均關積貯常平貯之於官不如社倉貯之民間聽其就近借還可以補常平所未及江西通省社穀多貯在城其離城遠者不能赴借卽有間貯於鄉者而穀又分寄社長之

家不免侵吞之弊若能於各鄉按都按里多貯社穀俾農民年年借還源源生息永資接濟實爲有益現在酌於社穀本少不敷分借及並無社穀之處量撥常平穀石分貯社倉以爲社本一體生息俟另有捐輸及生息漸多再行歸還得

旨所辦甚屬妥協知道了欽此府君隨酌定社倉規條設立社長副秉公經理以收實效
疏請推廣滇省厰銅之利以裨錢法

畧云各省錢少價昂良由銅產未裕奸民多有
銷燬制錢打造器皿以圖厚利現在洋銅辦運
既艱價值亦昂查滇省所開各廠每年產銅不
下八九百萬觔至昭通府屬之永善鎮雄等處
昔年曾經開採因地僻山深食物昂貴獲利有
限因而停止方今需銅甚急應請將未開銅廠
仍聽商民出資開採地方官督率稽查獲銅照
例抽課其餘聽民運售滇銅漸裕各省多得一
觔之銅即可少燬一觔之錢矣得

旨交九卿議奏

示禁宗祠惡習

畧云江西民風淳茂禮教共敦大小族姓各立公祠按時致祭此正禮教所由興爲他省所罕有顧其中間卽有倚恃族大勢衆打降生事或構訟爲能藉用公租爲許訟之資或遇子弟偶有干犯並不鳴官輒集衆攢毆斃命甚非敦本睦族之意特示飭禁凡族長宜秉禮度義爲先族衆宜興仁講讓率從惟謹一門之

善規過言慈言孝親親長長天下可平非獨閭
開之光也

禁革贛關積弊

府君訪聞贛關積弊印簿並不置放當關令各
商親填冀圖侵隱貨船到關賄通巡查人役做
定艙口俟關員點查即可唱報相符不能察其
混漏客商到關按船私索錢文木篋以多報少
以大報小串漏分肥並箝商藉稱水大纜斷衝
淌過關使點查不及商人稅銀遲延五日十日

始交而保家書差遂至兜收挪掩均應飭禁凜
遵違者官叅吏處法在必行

三月疏陳瀘溪縣折漕弊累請卽以折色起解
畧曰瀘溪縣僻處深山不通舟楫額徵漕米二
千八百五十餘石輓運維艱先經御史王文璿
條奏改徵折色每石銀六錢民折官辦嗣因折
價不敷前撫臣兩次奏請加增每石八錢近年
米價日昂八錢原價仍不敷買運官難獨賠前
撫臣飭令瀘溪縣採辦一半其餘一半通省有

漕州縣公帮辦運既非政體亦非長策懇卽將
瀘溪縣漕米折色徵解停其採買在

天庾不過少此二千餘石之米而瀘邑民免加徵官
免賠累感沐

殊恩永永無暨奉

旨交部密議

輯豫章書院學約

豫章書院爲諸生講習之地時延名師入學府
君爲立學約十則一曰立志向一曰明義利一

曰宜誠敬一曰敦實行一曰培仁心一曰嚴克
治一曰重師友一曰立課程一曰讀經史一曰
正文體并附儀節十條於後刊刻頒示間至講
堂與諸生共論立身行己之大文章性命之精
課文親自甲乙每出一題必爲題解原本朱註
反覆闡發後蒞任楚秦閩吳率皆如此題解彙
爲數冊一時多造就之士

飭屬留心文檄

畧云上下相通全憑文檄上司不啻披寸

相詰而屬員實心詳閱者不過數人夫爲政在於力行化民不專恃文誥卽使文義詳明猶恐紙上空談何并此空言而不留心也嗣後各宜奮發志氣打起精神隨處留心隨到隨辦試觀官場中措置乖方興舉不當貽將來無窮之害者率由一時不曾經心籌畫所致也願各屬視民事如己事以民心爲己心開懷相示無怠無欺庶幾集思廣益可望濟物利民

迎先伯父奉政公先伯母秦太宜人諸姑來署

府君性敦友愛師事先伯父奉政公自滇中一
至公署不日旋里祇叔父怡亭公及叔母王太
君相隨在署至是府君以江西距粵一水相通
且違奉政公及諸姑已久遣人相迎至署奉政
公欣然就道并偕先伯母秦太宜人及諸姑葉
李龔并諸姪甥輩同行未幾不孝同弟鍾瑞鍾
理亦自京旋署天倫聚處府君公暇盡出廉俸
所蓄分給無所私諸姑亦各有所得延師課姪
甥輩使各向學

四月疏陳江西錢法敝壞嚴拿奸民私鑄固販治
罪得

旨好勉力妥協爲之欽此

奏舉山東河道陳公法湖北荆宜施道屠公嘉正
原任御史李公元直原任江南鎮江府知府王
喬林直隸廣平府知府任宏業江蘇長洲縣知
縣衛哲治
府君感激

特達殊知因仿古大臣以人事君之義爲是密舉得

旨所見甚正名單留覽欽此

疏請按計官員歷俸久近酌給

封典以勵官方

畧曰教孝卽以勸忠理有相因向例中外各官
必遇

覃恩始給封典現在捐封之例又已停止有歷官年
久其父母不得一邀封典者查會典載

國初官員三年考滿稱職皆給與

誥勅請酌推此例將現在中外各官計歷俸已滿五

年並無降革處分者照現任品級給與封典如在任五年又得陞叙者再照新銜請封請封之後有犯貪贓革職仍行追奪俾臣子移孝作忠亦厚倫紀以勵官方之一助也得

旨交大學士等密議嗣議未准行

覆奏辦理耗羨事宜

是時奉

旨詢問辦理耗羨各處所見奏聞府君覆奏畧曰自雍正年間耗羨歸公各官養廉地方公事均動

耗羨辦理不復派民至今耗外浮收雜派嚴禁
盡絕吏治肅清小民隱受其福然臣鯁鯁過慮
以爲耗羨終不宜等於正項恐久則易有耗外
加耗之事惟有責成督撫藩司時加體察於歸
公之中核其有無冒濫歸公之外訪其有無私
收如有公事支動統於歲底造報由部察核彙
奏近來民生日窮總由生齒日繁錢米均貴非
由耗羨歸公所致凡百臣子惟有於小民資生
之計多方籌畫寧可留有餘於民不可操奇贏

於官以不垣假爲安以不取爲與使民自養而不
必人人仰給於官此理之不可易而責之不容
諉者耳

六月疏進重刊宋臣司馬光傳家集得

旨知道了書留覽欽此

論議宗祠公裂化責成族長房長

江西地方聚族而居各立宗祠誠爲美舉顧族
繁人雜強弱賢愚不一府君思欲責成族長房
長專訂約束官給牌照假以事權如族中遇有

不孝不弟習匪打降口角爭鬪族長房長當卽
勸戒應勸釋者勸釋應送官者送官族內有孝
弟節義之事亦許報官請獎族長房長奉有官
法以司糾察休戚原自相關比之異姓鄉約保
甲更便覺察約束除公族之惡習卽以收公祠
之實效飭府查議稟覆

七月疏請借撥京銅以供鼓鑄

畧曰江西久未開鑄大錢小錢以及私鑄之砂
板剪邊相攙行使價均相等以致私鑄益多錢

法日壞今體察情形惟有亟開鼓鑄使錢多則
價平私錢易絕第鼓鑄以銅劬爲要業已咨商
滇南酌買誠恐辦運需時現查滇南每年額解
京銅四百萬劬分作四運解送乾隆七年四運
之銅五十餘萬劬將到九江懇准卽就近截留
江西先濟鼓鑄急需作正開銷至鉛劬買自湖
廣匠役募自蘇州一面截留銅劬一面妥籌鼓
鑄事宜開鑄後制錢日充私錢可以禁止剪邊
砂板等錢官給價值收買將來新舊大小錢可

以兼用止將現行之小廣錢量爲減價民不擾
而錢法自可調劑有益得

旨有旨向大學士等頒發欽此嗣奉

旨准截運京額銅五十餘萬劬於江西省開局鼓鑄
奏報贛州吉安南安南昌饒州九江南康等府屬
州縣被水偏災

贛州吉安南安等府地方六月內山水驟發興
國等縣沖沒田廬淹斃人口南昌饒州九江南
康等府亦以七月後江湖異漲致沿江濱湖之

新建南昌等縣低窪田畝均被淹浸秋收失望
府君飛章奏報並委員勘查按丁給賑分別撫
卹其水沖石壓不能挑復成田者請爲豁除田
畝沖損者給與籽種工本以資補種并請緩徵
本年錢糧

再詢各屬地方事宜

府君先將地方情形事宜開列三十二條諮詢
各屬令其逐條登答嗣據陸續覆到有能據實
回覆并附條議者有支吾浮泛全不經心者地

方官每日所辦之事不外此三十二條平日於民生既少關切地方焉有起色今各員有新經莅任者有前未留心而此時或有確見者今將所問各條另行增酌并發冊式再令登覆飭行道員分巡地方事宜

江西幅幘遼濶分設四道每道所轄三四府不等府君飭令常川巡查隨事經理以輔兩司耳目所不及并酌定條規飭發查照遵行以資彈壓以廣教化以除弊害以勸田工祇須輕騎減

從嚴禁人役需索州縣餽送

八月疏請嚴拿隨棚棹包串騙積匪

府君訪聞學政所到卽有匪徒結夥隨棚假冒
學政親友內幕哄誘士民包取入學講定謝儀
包封畫押仍存士民之手臨時同夥設計將錢
包掉換攜銀遠颺士子墮其術中已得入學者
誤謂有益其未得者又復隱忍不言大約各省
皆然應請

勅下督撫於學政按試之前將此等棹包串騙之弊

指明遍諭應考生童識破機關不肯甘受其愚
奸徒知有法紀無所施其伎倆是亦肅清學政
之一端也得

旨有旨諭部欽此

飭製辟疫寸金丹藥分發染疫各縣

夏間興國蛟水大發蒸爲疫氣延及他縣府君
因贛縣張令製施丹藥救濟有效復飭鹽道動
支鹽規銀兩購製辟疫寸金等丹分發各屬惠
濟災黎

飭屬清理案犯速行發落

府君以軍流徒犯發配原有定限而各屬於奉文後每多藉故遲延卽枷杖人犯已奉上司批准亦多遲延發落旣無以服人心而彰公道且無以禁需索而嚴法紀飭屬務遵定例將軍流徒犯批到兩月正限內起解枷責人犯於奉批日卽行發落寧家

稽查收漕各弊

時值各屬開徵漕糧各巡道正屆巡查之時府

君飭令就近查察如有浮收私放明加暗扣多徵水脚重價折乾以及胥役人等藉故留難需索等弊嚴拿究治勿少姑息

是月爲先伯父奉政公開尊稱祝

九月

恩頒

欽定授時通考全部

府君以授時通考一書凡天時地利之宜東作西成之事與夫倉儲積貯蠶桑牧植之方無不

原本經史叅酌古今疏請在江省重爲刊布俾大小各官皆知以勸課農桑爲本實於治理有益得

旨報聞

疏陳買補倉穀之艱請將捐監穀價酌增以廣積貯

府君先經奏云捐監一項以本省士民輸本省倉穀最簡便而有益乃收捐四年而在本省報捐者甚少實由原議捐穀每石作價四錢捐監

每名需穀二百七十石歷年穀價每石常在五錢上下今概作四錢折筭加以耗米倉費較之每名赴京加捐折色竟多費三四十金是以士民寧捨本省而遠赴京師及陝西等省報捐也查四錢之價原就當日一時之價核定請嗣後江西收捐監穀每石酌中定價以五錢爲率仍照捐銀數目核計其有餘之家或將自有之穀或就近買穀輸倉地方每年多捐監生數名卽多數千石之穀并將江西之監暫停赴部及別

省報捐則倉穀日積口多不須買補自益充裕
得

旨交部議嗣經部議以穀價與原定數目不符應毋
庸議府君至是復以江西常平穀石現准兩廣
督臣商撥八萬餘石以備平糶江南督臣商撥
四萬餘石以待賑濟均屬急需現存之穀僅止
六十餘萬石外間市鎮米價仍昂勢難一時買
補仍奏請將捐監穀價照前奏酌增爲每石五
錢戶部各省暫停收江西之捐俾本省士民就

近納穀捐監庶於倉儲有濟得

旨著照所請行該部知道欽此

疏請修築南昌新建二邑圩堤以資賑恤

南昌新建二縣地勢低窪所有圩堤歷係民修
府君以是歲江湖異漲沖溢圩堤致成徧災民
力已屬拮据奏請官爲修築或須建壩或須改
築石工約計需銀二三萬兩卽於鹽規充公項
內動支責令附近小民力作給以工價卽可寓
賑於工

輯刊教女遺規成

是月伯父奉政公叔父怡亭公及諸姑歸粵

府君惓惓不忍捨隨相從送別

捐建陳氏宗祠

先人自前明由楚移粵已歷百有餘年宗支繁衍聚族而居府君歷攷先墓之在粵者尋其支派以別親疎欲修譜牒而未成與伯父季叔商議先擇地建宗祠一所於本邨橫山之下合族出力畚鍤相助祠成奉祀祖先昭穆木主捐置

祠田器每歲春秋二祭酌定儀注設立祠正
本族置年輪流承值經理其事敬宗睦族一時
稱善限刊家訓十二則并祠規於祠以示後人
又族人貧乏者多置義田若干畝分給耕種
養贍不得轉賣族人德之

修橫山邨往來大路以利行人

邨中向係田塍土路一遇泥濘不便行走府君
捐資易石重修平坦并三塘至四塘係往來蘇
橋通衢地多坎壈窪下府君悉捐易石路行人

稱便

置本邨社倉以惠鄉人

府君所到之處輒勸民間分立社倉按時糴糶
惠逮閭閻茲乃仿其意立社倉於本邨內捐穀
存倉近村民人及本族貧者以時借糶立限還
倉並擇族人之公正醇善而人所畏服者爲社
長經理其事

十月疏請寬汎兵攜眷之禁並免按季抽調俾得
實力防緝

畧云各省水陸通衢按汛設兵晝夜巡緝以安
行旅而重地方但各省汛兵俱准攜帶眷口惟
江省奏准半年更替按季抽換不許攜帶家口
此等兵丁隻身在汛一分糧餉又須顧養家口
如有父母保無私離汛地時常省視之事反覺有
名無實不如准其攜眷在汛俾無內顧之憂正
可專心巡防且在汛日久路徑熟習遇有盜賊
不難跟緝不應頻頻抽換至勾結匪類與舊亦
不在乎抽換之遲速也應請照直省之例汛兵

概許攜帶眷口更替以一年爲期隨宜抽換平時責成該管員弁往來汎地捺演鎗箭於稽查更爲兩便得

旨交部議

建築南昌縣羅絲港石工

南昌縣富倉安樂兩圩每歲修築均因贛水倒漾淹漫以致田禾被災府君相度形勢應於羅絲港築立石堤一道堵禦又於上流建埽迎溜俾水由北流則富倉安樂兩圩可以不必加築

而圩內圩外百餘里良田三萬餘畝及省南城垣皆可永資捍衛旋經奏明動發鹽規銀兩興築乘此寒冬工作正可寓賑卹之意以資被水窮民食力後堤成人號爲陳公堤

建左蠡朱磯口石閘

江西十三郡之水分爲東西合注於左蠡朱磯口以達於江源廣流狹當春夏之交大雨時行左蠡朱磯口緊束其委不能驟泄水多泛溢廬舍田禾盡付波流府君發帑令於濱河一帶築

度高下建堤百丈河干湖泊一律鞏固立石閘
一座旱澇隨時啓閉尋常水漲不能爲災

獎勵新建善女宋李氏

雍正七年府君自揚州迎養先大父道出江西
新建雅窳地方風濤忽作舟中難以安居欲覓
民居暫寓時已深更望門投止有老嫗宋李氏
家一燈熒熒因叩門借宿宋李氏云有子捕魚
先歸見狂風大起官船危險必來借宿所以挑
燈坐待遂欣然止宿其子媳並孫俱出拜見雞

忝欵留意甚恭謹次日風勢未息復留一宿乃
行先大父心感宋李氏好善救濟子婦亦皆恭
謹無倦當時無以酬答時以爲言而居址姓氏
未能記憶府君來撫是邦屢訪知爲雅審之宋
李氏年逾八旬時已物故僅存子婦並孫乃書
蓬門善女額以示獎勵並給宋李氏之子宋六
其弟兄叔姪銀兩布疋以彰留宿之善

輯刊養正遺規續編及訓俗遺規成

時養正教女訓俗三種遺規刊竣併豫章書院

學約俱刷印分發各屬共資化導戒勉之意
十一月疏陳酌定新錢出易之法

畧云江西錢少價昂錢法日敝先經奏請截留
滇銅鼓鑄所鑄制錢應行定價出易今請就現
費工本核計定價每銀一兩易錢八百四十文
以此數攙銅銷燬其價貴於買銅可無銷錢之
弊其出易之法奉部議令搭放兵餉但概行搭
餉散之十三府在贛南九廣等府原用大錢則
不見有益而在南昌瑞臨等府亟需大錢則爲

數無多仍無大錢可用勢必仍用小錢請於省城撫鎮兩標兵餉每銀百兩搭錢十兩其餘各營毋庸將錢搭放所餘鑄錢酌發省城及原未行使大錢地方按照工本定價分局設官稽查源源出易則大錢漸可流通小錢不得昂價其現用之小廣錢仍暫准作八折行使俟大錢充裕再照通例減至每二小錢作一大錢而止私鑄之錢定價勒限收買限外拿獲從重治罪得旨交大學士會同該部密議具奏欽此

輯刊從政遺規成分發各屬

十二月飭立廣潤門浮橋

省城廣潤門外渡口乃東南各鄉及上七郡入
省必經之路向止有民渡小船攔截勒索頗滋
苦累此處河面不比章江之濶流水尙不甚急
府君特令建設浮橋造舟爲梁行人稱便隨有
商人許安裕情願捐銀二千兩以爲建橋歲修
之費府君奏明獎勵人號爲陳公橋又贛江之
生米渡亦郡省孔道江濶水深每遇風雨洲水

相激巨浪如山渡者易遭覆溺府君令設堅穩
大船以資濟渡雖遇疾風無慮也人又號爲陳
公渡云

飭禁阻米強買惡習

江西素稱產米之區其時米價昂貴府君訪察
實由富戶聞米價日昂不肯出糶亦有貧民阻
撓富戶不許賣穀或鄉穀不許入城或沿途攔
截客米不許出境因出示曉諭有穀之家宜趁
此時價貴及早出賣以濟民食貧民亦不得阻

撓攔截或抗欠田租或強借勒買違者查拿重
懲

纂刊呂子節錄成

有明呂新吾先生所著呻吟語發揮性理確切
物情府君購得善本讀而喜之因節其繁冗錄
其精要加以註語得書二卷名曰呂子節錄又
輯補遺二卷刊存家塾示不孝曰此作人樣子
每日再三熟玩治已治人之道畢備於此矣

全書

卷四

三十四

先文恭公年譜卷五

男鍾珂敬輯

乾隆八年癸亥府君四十八歲

正月

恩賜

御書福字並鹿肉獐肉野雞等物

延黃岡靖果園先生來署課子姪復延長洲張少儀先生課孫

二月疏請修築豐城等十六縣城垣

江西各縣城垣傾圯前撫奏定分別緩急次第
興修府君查豐城進賢萬載金谿宜黃南豐廣
昌玉山廣豐鄱陽餘干建昌湖口彭澤大庾贛
縣等十六縣城垣或近巖疆或臨鄱湖或當衝
要急應修整估計工料需銀七萬六千三百餘
兩請於道庫引費鹽規內動支當此米價昂貴
民食艱難正可藉工代賑俾無業之民得以備
作糊口得

旨該部速議具奏欽此

疏請將存貯鹽規銀兩借給農民俟秋成以穀還倉

江西米價騰貴民食維艱急應借給倉穀而常平各倉經撥運淮揚及本地賑糶兼施存穀無幾府君查有報出鹽規銀一萬餘兩原令隨時買穀貯節備倉以供糶賑近年穀貴尙未動買奏請乘此農民拮据之時將銀借給以濟春耕俟秋成後卽令以穀還倉現在米價日長應酌中定價以銀六錢準穀一石卽作節備倉買貯

卷三
二
之穀庶於民食官倉兩有裨益惟嚴飭所司不
許輕平尅扣將來收穀亦不得浮收滋累得

旨報聞

三月飭拿搶穀之犯宋在一等治罪

上年江西歉收米價昂貴有穀之家彌覺珍惜
思留蓋藏亦情理之常未可相強府君訪聞南
昌市汊三賢地方有宋在一等恃強搶借鄉民
米穀袁州府屬之宜春縣地方亦有向有穀之
家強搶之犯飭委員弁分投緝拿並奏明將首

犯照律治罪仍枷號遊示城鄉其附從之犯酌量枷責以儆刁風

申嚴保甲之法

府君以鄉村保甲原以稽查匪類江右近日搶竊頻聞總由鄉地保甲既不理阻於先復不卽行稟究以致釀成大家飭屬申嚴保甲俾各實力稽查如有倡議糾眾借穀卽係強搶之漸立卽會同族長理阻或報官嚴拿治罪庶惡風可以稍戢

飭令保送肄業書院生員

書院爲樂育人材之地府君飭令各學如有立
品潛修之士自宜秉公保送分於豫章及白鹿
洞等書院肄業庶人材輩出可以上副

皇上作人雅化

遵例自陳保舉通政使雷公鉉原任大名道陳公
法自代得

旨照舊供職欽此

四月疏請增爐鼓鑄

江西新開爐座鼓禱錢文部議令搭放兵餉酌
量變通但舊設六爐每年所鑄三萬六百餘串
仍不敷搭放應請增設四爐湊成十爐鑄錢既
多始可按地方需錢之緩急定錢文搭餉之多
寡仍留有餘於急需制錢之處分發兌換實於
兵民交益得

旨著照所請行欽此

嚴禁惡丐

各屬城市鄉村多有惡丐名爲練子行年力精

壯強橫無賴到處成羣登門強索任意喧鬧實
爲地方之害府君嚴示飭拿並責罡頭詳查驅
逐

獎勵萬載縣好義士民謝鴻儒等

時米價昂貴萬載縣士民謝鴻儒鮑啟仁徐雲
旺等心存利濟倡率出米照市價八折糶賣賑
恤鄉里府君深爲嘉尚飭令府縣給匾獎勵

輯刊在官法戒錄成分給在官書吏

府君以官吏本屬相須祇因趨向不同遂多舞

文骹法其實是人皆具天良何地獨無君子由
吏員出身而躋顯秩者亦不乏人不得以身附
公門遂可不必取法乎上也爰輯錄古人軼行
及近事之有據者分爲法戒二卷以訓士之在
官者至是刊成分發所屬吏胥由一二人以及
人人由一二事以及事事洗發天良遷善改過
吏治日見肅清矣

是月寧化雷翠庭先生來署講學旋別去
閏四月疏請飭禁種蒿

畧云自古無所謂蒿也有之自明季始

世宗憲皇帝洞悉蒿妨民食令有司諄切勸諭不宜種
蒿迄今喫蒿者日衆雖有勸諭之文終無改種
之實需蒿既多蒿利日厚種者遍地皆是有耗
地力復費民財應請嚴行飭禁除城內閒園曠
地不能種穀者仍准種蒿外其城外及各鄉無
論山坡平地概不許種蒿違者責成鄉保拔其
蒿草入官勒令改種蔬穀卽自甲子年爲始令
州縣實力巡查天下少種一頃地之蒿卽多種

一項地之穀矣得

旨大學士等密議具奏欽此嗣經議准通行

籌支鹽規銀兩借給商民接濟典本

各屬典商因民間當物買米日多資本不繼欲
行停止府君恐鄉民無處質典告貸無所或至
滋事因籌支鹽規銀三萬兩照標營生息之例
借給典商接濟限九十月繳還歸欵並令自一
兩以下銀錢兼行以便民用

疏陳委員赴楚北江南購米賑糶及煮粥賑濟情

形

江西米價日貴民食益艱府君開倉平糶並飭屬招徠商販動支糶價採買接濟又委員赴湖北江南採買借撥四川運楚運蘇各米石來江以供出糶民食有資至上年湖田被淹之窮民多趨食省城江南廬鳳等處饑民亦遠來就食府君動支鹽規銀兩買米煮粥賑濟數萬窮黎賴以全活隨詳悉具奏得

旨覽奏稍慰朕懷欽此時川湖商販之米集於鄱湖

口舟非北風不行夏令南風甚競風阻水逆長
江末出牽挽府君沐浴齋禱未幾連旬北風米
舟隨至米價漸平民心始定

五月奏明吉安等府屬被水加厚撫卹情形

永新宜黃樂安瑞金會昌廣昌南豐清江新喻
上饒鉛山貴溪萬年等縣因春夏之交雨多水
漲村庄間有沖淹人口亦有傷損府君以本年
米貴食艱適又被水令照例加厚賑恤並卽奏

明得

旨應如此辦理者欽此

祈禱雨澤

五月下旬雨水缺乏天時炎暑望澤甚殷府君齋戒率屬祈禱隨得甘霖高下霑足各屬亦俱報得雨惟上高高安兩縣得雨遲遲高安又有
一隅被雹俱幸不致成災府君一面奏明一面
委員確勘照例給資補種晚禾雜糧並加意撫
卹俾無失所

七月

恩賜元宵聯句詩一冊

申巖勸薦幕賓長隨陋習例禁

勸薦幕賓長隨久干例禁府君訪聞江西官場
尙不免此陋習勸薦幕賓之上司不過爲安頓
同鄉親友之計下屬亦以延請上司相知之人
諸事自有關照至於長隨見利昧義尤多藉勢
妄爲營私舞弊勾通挾制俱由於此於吏治民
生均有關係因通行飭禁務令各屬大破積習
恪遵功令

八月疏請釐定俗樂

畧云梨園演戲雖曰俗樂凡官民吉慶宴會酬願謝神往往用之攷之古本如所謂琵琶荆釵等劇皆取古人忠孝節義之事譜爲歌曲隱然有勸懲之意後漸濫觴所演多男女媾褻之狀導淫長惡莫此爲甚查淫詞小說久奉例禁今請將梨園一切淫邪戲本概行禁止犯者照淫詞小說例治罪其應演戲本令地方官轉呈禮部釐定總須汰去淫詞大彰懲勸用以轉移風

俗鼓吹休明不無裨益得

旨此等所謂言之近似而行之實難者也且我君臣
化民成俗之道未盡千百分之一而惟行此一節
以蕪風俗之淳不亦末乎欽此

十月不孝舉男三辰至乙丑年病殤

十一月

恩賜行圍鹿肉

釐定南昌府學應祀鄉賢名宦

是時改建鄉賢名宦祠祠中應祀名位俱經題

定本無肯濫府君以近年多有私自刻牌送入者急宜釐正以昭懿好之公飭司轉行將應增應汰者逐一清釐

是月調補陝西巡撫具摺謝

恩並以三年屆滿恭請

陛見奉

旨俞允

疏請隨時酌增易錢之數

畧云江西奏准鼓鑄制錢從前定價每兩易錢

八百四十文原因滇銅價費未有確數約畧計
筭嗣准滇省將銅價咨明計本每銀一兩可得
錢一千數十文今小錢市價漸減若得於原定
錢價外再爲增添則制錢價減市價自必更減
懇請無論兵餉及兌換每兩暫作錢八百六十
文俟市錢再賤則制錢亦卽酌增以增至九百
文而止其盈餘留爲洋銅補價之用於鼓鑄工
本無虧而小錢價賤制錢流通實於民用有益
得

旨照所請辦理可也欽此

恩賜

御製盛京賦一冊

御製燈夕錫宴聯句詩一冊

疏請仍留江西本省捐監以裕倉儲

江西收捐監穀一年屆滿府君將有益情形遵
旨覆奏茲以常平倉穀全賴截漕及監穀乃得充補
十之七八明年又須平糶糶後又須速補專恃
採買風聲所樹必致市價驟昂惟有留此捐監

而更爲酌中定價現在捐監雖較往年爲多而
尙未及部捐之數實以原定穀價五錢不敷市
價奏懇每石作價六錢則捐者必日踴躍每年
平糶之穀卽以監穀補之以民養民有備無患
得

旨交部議

十二月卸江西巡撫事

乾隆九年甲子府君四十九歲

正月元日自江西起行赴京

陸見二月朔抵都連次南苑

召見奏對敷陳悉蒙

嘉納並

頒賜克食

垂詢兄弟子姪

天恩優渥舉家感戴

奏請開採山林之利以益民生

府君以江西廣信府有銅塘山坐落上饒廣豐
二縣周遭數百里自前明有奸匪盤踞賊平後

卽將此山封禁名曰封禁山山內土地寬廣木
植繁茂有用之物置之無用殊覺可惜向有以
挖礦採木奏請開禁者恐藏奸滋擾皆未准行
如聽民進山開採種植大屬有益又玉山縣廣
平山產有鉛礦試採有效可以開採府君在京
據實陳奏嗣部議未准行

奏請除南昌一府豁免未盡浮糧銀三萬七千餘
兩

二月抵陝西巡撫任視事

三月諮詢通省利弊

府君蒞陝卽將各屬地方錢糧倉穀士習民風山水險要土物田產等項計三十餘條飭令各州縣將實在情形及現在如何辦理確實登荅並將境內村鎮河道山嶺道路東西南北計里畫方註明四至酌定條款格式分晰繪圖呈送俾各屬於境內事宜實心講求卽向未留心者亦藉此逐一考校亦不至浮游登荅巡歷鄉村應興應禁確有見聞坐言起行具徵實效嗣將

辦理緣由具奏得

旨實力妥辦之欽此

是月翁鍾瑛殤於途次

鍾瑛性聰慧時已六歲自江西至漢途次痘殤
府君聞之慟甚

四月奏懇

頒賜江西白鹿洞書院匾額

府君以白鹿洞爲四大書院之一房屋漸圯田
租被侵任江撫時曾委員清理經畫茲奏懇

恩賜匾額鼓舞儒風尋蒙

御書洙泗心傳額頒發白鹿洞書院懸掛府君所到之處如江西有鹿洞書院在秦有關中書院皋蘭書院在楚有江漢書院嶽麓書院在吳有紫陽書院皆延名師主講暇則與諸生共講程朱之學及經史書義娓娓不倦有課士直解彙刊成集諸生稱曰於公容可以觀敬於公政可以觀仁於公之議論文章可以知學術淵源之大且深

飭禁各屬收稅苛索

府君訪聞各屬稅口既多留難而抽收復增於定額嚴檄飭令道府大員約束家人書役不許浮收苛索委監之佐貳及自收之地方各官均應洗心滌慮按則抽收並飭司稽查稟報

奏請增貯米石以備西安省會兵糈

陝省向經買穀十萬石貯於糧道倉預備月給兵糧之需府君以每歲重加碾放轉滋折耗奏請易米存貯於放給兵糧更爲妥便再原貯穀

十萬石碾米僅得五萬石省城兵米約需八萬石更請增買三萬石以敷一年兵食

六月奏請賠修江西羅絲港工程

府君任江撫時曾動項建築南昌縣羅絲港石壩以遏贛水免其倒漾冲刷以衛民田以保城垣是年春水盛漲因堤南地勢稍下江水爭趨於此以致坍塌奏明情願捐資賠修以資保護江民頌之

步禱雨澤

時西安望雨甚切府君親製祝文虔誠步禱又遣官赴太白山頂龍湫致禱七月甘霖大沛秋禾有收

八月入文闈辦理鄉試監臨事

九月堂弟鍾球舉於鄉

飭議社倉收放事宜

陝省社倉先以地方官漫無稽查致多虧缺前撫奏請嚴定考成令入交代自後社倉遂與常平無異不但社正副不能自由卽州縣亦不能

自主每遇出借遞層具詳請示雖屆青黃不接
百姓難應急需殊失社倉本意府君飭屬妥議
酌定出存數目借還定期請借如何冊報民欠
如何着追社正副如何遴充並發冊式令其逐
一登明其遴選社正副尤在得人乃能出納公
平借還不爽至於社倉雖歸於民官不必侵其
權而一切稽查官不能辭其責也

十月入武闈主鄉試取中武生李柱等四十五人
十一月飭令各營勤練兵卒

檄飭司道認真會議

畧云刑名錢穀各有專司而吏治民生均宜關切近來陋習主稿衙門既不相商會稿者亦不置議惟照文轉行全不籌畫司道務宜和衷共濟列條切實分行

十二月分發養正四種遺規小學等書於書院並發在官法戒錄給各衙門書吏以資勸勉感發恩賜

御書福字鹿肉麕子野雞各物

乾隆十年乙丑府君五十歲

正月檄查養蠶事宜

時通判張文秭條稟種桑養蠶事宜府君以陝省風土自古最宜蠶桑止因小民計利目前未卽獲利遂爾觀望飭令地方官慮及久遠因物善導不必强行滋擾獲利旣多養種益廣

飭地方各官巡歷鄉邨講求興除事宜以益民生畧云州縣雖曰親民究不能常見士民欽奉

諭旨令地方官巡歷鄉邨廣爲化導力行教養之務

今將應興之利應禁之弊二十四條分列通行

一曰訓飭士習一曰敦篤倫常一曰慎重婚配

一曰崇尙節儉一曰開墾荒地一曰廣行蠶桑

一曰興修田功一曰廣植材木一曰分積社穀

一曰輸納錢糧一曰修理橋渡一曰修葺城堡

一曰禁止邪術一曰申飭喪葬一曰禁止喪戲

一曰禁止夜戲一曰嚴查賭博一曰查拿打降

一曰嚴禁刁抗一曰勸息訟端一曰切戒輕生

一曰盤詰奸宄一曰約束軍流一曰稽查游惰

以上各條所望以時講求各州縣巡歷鄉村務以此各條與士民講說再令轉相告誡曉以利害次第推廣遵行於人心風俗不無裨益

勸種甘薯以資生計

陝省地高水少民間所植多係雜糧府君恭閱欽定授時通考內開載甘薯一種易種易生水旱不能受傷於陝省沙土最宜因博訪種法刊刻分布廣行勸諭以爲民倡亦盡地利資生之端也

三月申飭官箴十則

畧云府州縣官皆以知爲名謂地方之事府州縣當無所不知也百姓稱官曰父母自稱曰子民謂民間苦樂府州縣當無不關切如一家也前已將應興應禁各條徧示使小民知官司之政令有所遵從並使官司知民間之利弊有所措手如在官衙無一畚講求下鄉時安能有一畚佈置遊目四境了無實際一曰存實心一曰堅操持一曰廣化誨一曰耐煩勞一曰察屬吏一曰馭書役一曰戒揣摩一曰禁擾累一曰

絕回護一曰息忿怒以上十則各屬不時省察
卽事返觀所指病痛有則亟改無則加勉明敏
者持以小心遲鈍者勤以補拙行之旣久理得
心安各屬賢否由此可定

四月

恩賜

御製落葉柳絮詩墨刻各二冊

五月奏明署員養廉分別支給

府君因向來委署各員支給養廉未有一定章

程請遇試用候補人員及佐貳委署正印
全支督撫互行兼攝及司護撫印止支署任一
半養廉其餘充公兩司道府州縣現任兼署俱
照例支一半其餘充公如佐雜兼署佐雜及正
印兼攝佐雜俱照缺半支得

旨所議妥知道了欽此

是月赴鄜州一帶查勘城工

陝省各屬應修城垣經工部奏准令現赴甘肅
查勘城堡邊牆之戶部侍郎三公和就近會同

督撫查勘分別緩急具奏至是府君啟程赴鄜
六月會勘咸陽等二十四州縣城工分別緩急覆
奏

府君會同侍郎三公和制府慶公復勘明榆林
府谷神木定邊鄜州安塞六州縣城垣河工俱
應急修其餘州縣俟前工完竣次第興修重大
城工動帑修理此小工程官購料物民出夫工
分別覆奏事畢旋省

堂兄鍾瑤陞署河南下北河同知

七月奏請緩徵豌豆以紓民力

陝省八旂九營歲需喂馬豌豆四萬四千餘石
俱於近省之咸寧等十九州縣屯戶名下徵運
府君以夏收歉薄請照前例緩七徵三將道倉
並咸陽二縣潼關縣存豆撥運動借以備支放
得

旨允行

給匾獎勵養蠶監生楊岫

府君設立省局興養蠶利興平監生楊岫帶領

子弟入局分手勸助採取桑秧到處種植人多效法後織成秦綾秦紬可以備土物之貢至是給匾獎勵之

八月奏明寶雞扶風等十二縣低窪地方被水偏災並辦理賑卹事宜

七月汧渭水漲寶雞扶風等十二縣地濱兩河低窪地畝被淹府君奏明一面委員確勘分別借穀接濟屋傾者給銀修葺並緩徵錢糧續經查明成災不成災極貧次貧照例賑恤

查拿咸寧鄠縣蓋屋各縣卦子

時咸寧鄠縣蓋屋等縣有卦子男婦多人皆
西口音隨帶馬騾沿村強索攫搶府君嚴飭各
路查拿

八月覆奏前誤薦原任知府王喬林緣由得

旨嚴飭

嚴禁糧道倉收糧積弊

道倉收糧倉役人等任意巧取浮收斛面或用
衣襟兜取樣米或用撒子暗竊餘糧府君示禁

收糧務令民自執攜拋散餘糧聽民自收不得
仍前舞弊並將各屬府縣收糧積弊通行嚴禁
飭修藍田縣藍橋商州龍駒寨水陸各道路

陝省不通水路惟商州之龍駒寨自省至此陸
行四日即可登舟直達襄陽而險灘林立止通
小舟陸路則山徑崎嶇行者苦難府君捐貲修
濬水道鑿平險灘陸路由藍田至商州一帶亦
飭開修平坦行人稱便自此商賈通行稱爲富

賈

九月移駐渭南富平盩厔三縣丞以資彈壓

府君以渭南等縣縣丞同城別無職掌渭南有
下邽一鎮爲晉省客商往來大路居民稠密富
平之美原鎮亦係慶陽延安之通衢民俗刁玩
知縣鞭長莫及奏請將渭南富平二縣縣丞移
駐實於地方有益又盩厔縣治遼澗有祖菴鎮
商民輻輳逼近南山道通漢中同爲繁要並請
將盩厔縣丞移駐以資彈壓巡緝

奏請飭令州縣及時採買以實倉儲

陝西通省常平倉額貯穀二百七十餘萬石內
有已經足額尙有多餘者有未經足額者府君
奏請將不足額之處以附近州縣有餘之穀撥
補有捐監者卽以監穀補額現在沿邊榆延皆
報豐收應令各州縣動用糶存穀價銀兩如穀
價在五錢者乘時採買價貴卽止則兵食民糧
均可有備得

旨獎勵

奏明密查混貼僞示奸徒毋庸轉諭紛擾

時四川巡撫紀公山咨稱成都奸徒混貼僞示
詞語狂悖且有各省稱王招兵字樣陝西劉稱
喻襄王朱林等因密寄查照飭訪府君恐層層
轉諭密查勢必駭人聽聞到處紛擾奏明現在
與司道隨處留心密查不須轉諭各屬致滋紛
擾得

旨所見是應實力行之欽此

查拿咸寧縣惡棍王四

咸寧縣祭塔村惡棍王四混名四閻王身充騾

馬市牙強橫奸惡百姓側目府君訪聞飭司查
拿按法究擬民得安枕

嚴禁回民牧羊逞兇

陝省回民性多兇頑僱人牧羊尤易滋事手持
繩鞭驅羊放牧踐踏田禾地主理論輒逞兇相
毆府君嚴加示禁違者飭拿究懲並有化誨回
回條約通行曉諭

恩賜行圍鹿肉

十月飭舉鄉飲酒禮叙定儀注通行遵照

十一月第保合生至庚午年以痘殤於
續發綱鑑正史約於通省書院俾資講習

十二月奏請改發流犯以靖邊境

府君以山西寧武及山東東昌並順天府應流
三千里之犯皆發陝省榆林綏德二府州安置
人犯衆多而順天所發三犯竊盜之犯爲尤衆
此等匪徒聚集日久實爲邊境隱憂且直隸至
陝若由宣化大同捷徑直抵榆綏尙不及二千
里奏請將順天擬流各犯另定地發配不必專



左
三
三

發一處又在配人犯並請分別情罪重輕年歲
老少及在配是否安靜曾否脫逃定以應否准
其回籍並十年十五年二十年之限如不法生
事加倍治罪俾各犯有所希冀警懼亦清理軍
流之一法也得

旨發部議

恩賜

御書福字並鹿肉麇子野雞等物